




# 85-25





IOANNIS KEPLERI  
Sæ. Cæ. M<sup>is</sup>, MATHEMATICI  
DIOPTRICE.

SEV

Demonstratio eorum quæ visui & visibilibus pro-  
pter Conspicilla non ita pridem inventa  
accidunt.



*Premissæ Epistolæ Galilæi de ijs, quæ post editionem Nuncij siderij  
ope Perspicilli, nova & admiranda in cælo  
deprehensa sunt.*

Item

*Examen præfationis Ioannis Pena Galli in Optica Euclidis, de  
usu Optices in philosophia.*



AVGVSTAE VINDELICORVM,  
typis Davidis Franci.

*Cum priuilegio Cæsareo ad annos XV.*

M. DCXI.



U. S. DEPARTMENT OF AGRICULTURE  
BUREAU OF PLANT INDUSTRY

# DISTRICT

Division of Plant Industry  
Washington, D. C.

Office of the District Agent  
[illegible]

1911

Report on the  
[illegible]

of the  
[illegible]

for the  
[illegible]

by  
[illegible]

Published by the  
[illegible]



REVERENDISSIMO ET  
SERENISSIMO PRINCIPI A C D.

D. Ernesto Archiepiscopo Colonienſi, S. Romani Imperij  
Septemviro Electori & per Italiam Archicancellario Episco-  
po Leodiensī, Administratori Monaster: Hildeſ: & Frislin-

genſi, Principi in Stabel. Comiti Palat. Rheni, ſup: &  
inſe: Bavarix VVeſtphaliæ Ang. &c. Duci, March

Franci mont Domino meo clemen-  
tiſſimo.

**R**everendiſſime & Sereniſſime Princeps  
Electoꝝ, Domine clementiſſime: Cum  
ſuperioribus annis ad magnum cumu-  
lum inventionum huius ultimi ſeculi ac-  
ceſſiſſet Arundo dioptrica, nequaquam inter vulgares  
connumeranda machinationes; circaq; eam alij de  
palma primæ inventionis certarent, alij de perfectio-  
ne instrumenti ſeſe jaçtarent amplius, quod ibi caſus  
potiſſimum inſit, hic Ratio dominetur: Galilæus vero  
ſuper uſu patefacto in perquirendis arcanis Aſtrono-  
micis ſpecioſiſſimum triumphum ageret; ut cui con-  
ſilium ſuppeditauerat induſtria, nec ſucceſſum nega-  
verat fortuna: Ego ductus honeſta quadam æmulati-  
one novum Mathematicis campum aperui exerendi  
vim ingenij, hoc eſt cauſarum lege geometrica de-  
monſtrandarum, quibus tam exoptati, tam jucundâ  
varietate multiplices effectus inniterentur. Cum

) ( 2 enim



enim ante sex annos Opticam Astronomiæ partem edidissē, in qua & de visionis modo nova ratione, & de perspicillis primus omnium, quod sciam, talia disputaveram, quæ ad hunc usq; diem stant inconcussa: consentaneum erat, ut ostenderem eadem fundamenta, quibus visionis modum, quibusq; perspicillorum simplicium effectus superstruxeram, etiam compositioni diversarum lentium perspicuarum in unam arundinem, ferendæ sufficere: adeoq; ne quidem posse fieri (quod veritatis argumentum est) ut alijs quibuscunque principijs, quam quibus ego sum usus, demonstratio hæc expediatur. Ac cum Euclides Optices speciem fecerit Catoptricen; quæ de radio represso agit; nomine deducto à præcipuo huius generis machinamento, Speculis; eorumq; mira & jucunda varietate: ad exemplum hoc meo libello natum est nomen Dioptrice; quia agit potissimum de radio refracto à mediis pellucidis densis, tam naturalibus in oculo humano, quam artificialibus in perspicillorum varietate; quo subjecto contra Catoptricen, ut species contra speciem, distinguitur: sic tamen ut prior sit Dioptrice, posterior Catoptrice; propterea quod Catoptrice circa imagines versetur, quæ, quid omnino sint, citra cognitionem oculi ex Dioptrice petendam, intelligi nequit.

Qua etiam de causâ repetij modum visionis & simplicium



plicium perspicillorum rationes; cùm ut Dioptrice quodammodo perfecta esset, tum quia Instrumenti rationes ab hominis oculo nexæ sunt, ipsumq; instrumentum è simplicibus perspicillis compositum: ut alterum sine altero expediri non possit. Denique quia censuerunt aliqui, in Opticis hæc à me pertractata esse obscurius, ut multis non ingenij hebetudo, sed doctoris culpa impedimento sit, quo minus scripta & demonstrata percipiant. Eis igitur ut consulerem, quædam hic tradidi brevius, alia prolixius, nonnulla alijs verbis concepi; definitiones terminorum, quos usurpo geometrica libertate, continuo numero inter propositiones, oportunis locis recensui; schemata (quæ sunt Geometrarum genuinæ literæ) plura addidi. Quæ operâ si non omnem obscuritatem sustuli, spero Philosophiæ studiosos imbecillitati meæ aliquid condonatu-  
ros, operamq; hanc boni consulturos.

Porro in hanc curam eo potissimum tempore incubui, quo ingenium meum lamentabili quodam frigore torpens, Sol munificentissimus præsentis R<sup>mæ</sup>. & S<sup>c</sup>. C<sup>is</sup>. tuæ concalefecit, clementissimæq; Eius alloquia & hortatus crebri, veluti Mercurius aliquis, è somno excitarunt. Ejus deniq; Mathematici & Cubicularij Nobilis D. Ioannis Zuckmessori, jucundissima simul & ingeniosissima machinamenta manualia, vitrorumq; expolitiones artificiosissimæ, quibus R. S. C.



Tuam mirificè delectari videbam, ad ejusdem veluti officij æmulationem provocarunt. Quod si me non impellerent hæ singulares causæ ad Dioptricen hanc meam R. & S. C. Tuæ dedicandam: tunc vel sola illa in genere sufficeret, quod Mathematici libelli ut remoti à vulgi captu, eoq; contempti, nemini rectius offeruntur, quam qui de illis judicare possunt; quos acri ingenio à Natura instructos, amor philosophiæ & meditatio ad perfectam harum rerum cognitionem pro-  
vexit. Qua in cognitione num quem inter Principes Viros hoc tempore parem habeas, incompertum mihi est: inter professores certè Academiarum, qui huic judicio pares sint, pauciores reperiuntur, quam ex usu sit.

Quod si nulla in creberrimis librorum dedicationibus fucatiore essent Patronorum encomia, quam sunt ista; credo fidem, quam circa Patronorum virtutes fere decoxerunt dedicationes; brevi restaurarent. Atque ego in hunc ipsum finem supersedeo reliquas (ut fieri solet in dedicationibus) R. & S. C. Tuæ commemorare virtutes; ne sutor ultra crepidam sapere velle videar.

De cætero non aliam lectori suspendo hederam, quam ut ei indicem, libellum à tali principe comprobatum, lucemque videre jussum. Et jam R. & S. C. T me subiectissimè commendo. Vale: Cal. Januarijs  
anni



anni undecimi de seculo septimo decimo : quem R.  
& S. C. T<sup>a</sup>. felicissimum in gubernatione, in sapien-  
tiæ studio, inque corporis tuendâ sanitate compre-  
cor.

Reverendissimæ & Sere-  
nissimæ C. T<sup>a</sup>.

Devotissimus

S C Matis Mathema-  
ticus

Ioannes Keplerus.



17. ...  
...  
...

...  
...  
...

...  
...

...

...  
...

...





# IOANNIS KEPLERI IN

DIOPTRIGEN PRÆFATIO, DE USU ET PRÆ-

stantia perspicilli nuper inventi: deq; novis cœlestibus  
per id detectis.

**L**ibellum exhibeo, lector amice, mathematicum, hoc est captu non  
adeò facilem: & qui non tantum ingenium in lectore requirat,  
sed etiam attentionem mentis præcipuam, & cupiditatem incredibili-  
lem cognoscendi rerum causas.

Hoc dum perpendo, visum est aliqua commentari de præstantia Di-  
optrarum seu Perspicillorum, deq; admirabili eorum effectû in profe-  
rendis philosophiæ terminis: ut ingeniosi adolescentes, cateriq; Ma-  
theseos cultores hoc utilitatis veluti stimulo incitati ad rationes in-  
strumenti ex hoc libello percipiendas incitentur.

Multa sunt & magna, quæ de usu Optices universæ præfatus est Io-  
annes Pena Gallus, Regius quondam Mathematicus, in editione Opti-  
corum & Catoptricornum Euclidis, à se versorum: quantacunq; tamen  
ea sint, præ illis quæ hoc biennio dioptrarum beneficio sunt patefacta,  
planè puerilia possunt haberi.

Et quia lectori præfationem illam hac mentione commendo, age  
præcipua ejus capita strictim examinemus; ne cum veris & præclaris,  
quæ in ea sunt, etiam dubia & falsa quæ interspersa esse, negare non  
possum, sciens prudensq; obstruisse videar. Vbi hoc absolvero; tum de-  
mum quæ nova Perspicillaria disciplina hoc tempore detexerit, sub-  
jungam.

Primum de Cælo dogma, cum Penâ statuo ex Optica solidè demon-  
strari: falli nimirum vehementer physicos, adeoq; & theologos non-  
nullos; qui putant, novem vel decem esse pellucidas sphaeras hunc  
mundum Elementarem amplexas, ut Album Ovi solet amplecti vi-  
tellum, aut tunica caparum alia aliam circumcludunt. Cum enim ne-  
cessaria ratione statuatur itinera planetarum Eccentrica, rectè colli-

git Opticus, radios à stellis per hanc tam spacioſa volumina obliquè deſcendentes (quippe in terram extra quorundam orbium centra conſtitutam) lege optica refractum iri: quo conſeſſo tollitur omnis obſervationum certitudo, cui tamè testimoniū perhibet experientia. Sequitur hoc idem etiam ex proportionē corporis telluris ad orbem luna ſatis perceptibili. Eſt enim diſſimulemus orbēs Eccentricos, terramq; in centro omnium orbium collocemus: eo ipſo tamen ſuperficiēs terræ ſatis longo intervallo à centro Sphæra luna, quod ipſa ſuo centro occupat, obſiſtit: rurſumq; ad ſuperficiem Terra quam nos inhabitamus deſcendent radij ſtellarum, obliquè ſecantes orbem luna, contingetq; ut ij refracti turbent certitudinem aſpectus.

Nondum eg reſſus Penacx huius pulcherrima demonſtrationis veſtibulo, improvidè nimium impingit, diſcrimen tollens non tantum orbium inter ſe, ſed etiam aëris & atheris: dumq; materiam atheris eandem facit cum materia huius quem ſpiramus aëris, docet ipſo etiam lapſu ſuo, quanti interſit ambulantis in Philoſophia palatio, Optices oculos benè apertos habere. Eodem enim argumento, quo diſcrimen tollitur orbium inter ſeſe, viciffim diſcrimen ſtabilitur aëris huius, & qui ei paulo ſupra montium culmina ſuccedit, atheris.

Eſt enim obſervationes aſtronomica non turbantur multiplici aliqua ratione refractionum inter ſeſe variè implexarum, qualem orbium diſcrimina & ſoliditas requirerent, ſi eſſent; turbantur tamen uniformi quadam ratione refractionum, quando ſidera horiſonti appropinquant: quæ refractiones aliunde eſſe nequeunt, quàm ex ſuperficie aëris huius quem ſpiramus: adco quidem, ut in Aſtronomia parte optica hinc etiam altitudinem illius ſuperficie à ſuperficie Terra potuerim inveſtigare. Provocat Pena ad experientiam, inducto teſte oculato, Gemma Friſio cum baculo ſuo aſtronomico, qui negavit à ſe ullas refractiones eſſe deprehenſas. Nimirum Pena tunc nondum erat cognita admirabilis induſtria ſummi Artiſicis Tychoſis Brahe; qui partim operarum multitudine, partim inſtrumentorum magnitudine & ſubtilitate

tate



rate modicum illud assecutus est, quod crassum Gemma instrumentum, hominisq; unius & solitarij attentionem effugerat. Et adduxi ego in Astronomia parte optica pro refractionibus testes Braheo succenturiatos ex antiquitate, eòq; integros & incorruptos.

Audio D: D: Heliseum Röslinum problema mihi proposuisse solvendum de sole 14. dierum spacio citius justò à Batavis in septentrionali Terra visò. Librum ejus non vidi per hos tumultus. Admoneo tamen, questionē hanc à me per Refractiones aëris expeditam in Astron. parte Optica cap. IV. Num. 9. fol. 138.

Secundas Pena partes dedit dogmati de itineribus planetarum verè Eccentricis; & rectè dedit. Habet Optice firmissima pro his argumenta. Illud solum cavendum; ne nobis accidat, quod veteribus, ut alteri Optices oculo nimium securè confidentes in pervidendā hac planetarum orbitā; alterum Physices oculum claudamus; & sic quod utriusq; & Optices & Physices rationibus ex aequo tribuendum erat, soli optica tribuentes, rursus à scopo aberremus. Qua de re vide meam Astronomia partem Opticam, & commentaria de Martis motibus.

Tertio loco examinat Pena ex Optica questionem de ordine planetarum: nec malè ratiocinatur ex Aristotele, siquidem Terra suo stet fixa loco, non esse verisimile, ut Sol, Venus, & Mercurius, tribus distinctis orbibus in aequali magnitudine, aequali tamen periodo circumeant: quin potius consentaneum, quod Martiano Capelle, Campano, & Braheo placuit, in frag, Galilaus evidentissimè probat, siquidem Sol vehitur, uno illos orbe vehi, Solemq; ut axem Rotarum ab Epicyclis Veneris & Mercurij veluti à Rotarum Apfidibus ambiri: imò verò probabilissimum esse, quod Copernicus, quod ante tot secula illa antiquissima philosophia Samia tenuit, Solem in medio stare fixum loco; circaq; eum non Mercurium & tantum Venerem, suo quemq; tempore sed, ipsam adeo Tellurem cum Lunā, sua comite, circumire motu annuo, ceterosq; tres suis itidem periodis.

Rursum autem Pena hic sese cum aliquo veritatis damno ex sentibus  
a 2 perple-

perplexarum ratiocinationum expedit. Etenim argumentum hoc, nulla aded evidenti necessitate revinctum de probabilitate sola testabatur. Pena igitur diffusus argumento dubio mobilitatem terra, qualem Copernicus docet, simidè dimittit è manibus, ipse contra levi nièti Oculi Optici, fiduciam concepit aliùs cujusdam tardissimi motus terra pervestigati: quo posito sequi putat, ut fixa motum videantur sortiri inaequalem: qualem fixarum esse motum, seculorum dispar consensus testetur. Atqui ò Pena, hoc non est commendare præstantiam Optices, sollicitare ejus vires in rebus impossibilibus. Generosus omninò fuit Bucephalus, cisi Pegasi alas imitari non potuit. Et si quis Bucephalum testatus volantem conspectum arguatur falsi, non ideo Bucephali gloria conciderit. Nimium ò Pena, recessit hac tua ratiocinatio à principijs opticis, nimium multa inter tuum assumptum Opticum, interq; id quod inde concludis, intercedunt. Primum non tetigit te sollicitudo illa super veritate Observationum, quas ex illa profunda antiquitate ablegamus hodie. Deinde motum fixarum allegas, ut rem oculis visam. Atqui nimio multum abest ab oculorum conspectu: subtilissimarum ratiocinationum trium in unum compositione nec eà strictissimà, vix tandem pronunciare audet Astronomus, quo Zodiaci loco quovis sæculo fixa aliqua consistat. Deniq; quem tu dicis motum fixa à puncto æquinoctij; is contra verissimè est retrocessus puncti æquinoctialis à fixa stellâ: ubi punctum æquinoctiale longissimè aberrat à Pena conceptione. Quid enim aliud est punctum æquinoctiale, quam imaginaria intersectio duorum imaginartiorum circularum, quorum alter intelligitur à sole per orbitam Telluris usq; in supremum atherem continuari, alter itidem intelligitur à centro Terræ per æquinoctialem terrestrem usq; sub fixas continuari, idq; non in omni situ terra, sed tunc tantum, quando Terra est in punctis æquinoctialibus. Sed de hac re in astronomia docetur, inq; meis de Marte Commentarijs. Frustra igitur ex tam incertis Pena male informatus, Terra motum aliquem novum tribuit, eumq; tardissimum; quo motu illa à centro mundi exulet:



let: prastitisset cum Telluris retinere motum, quem prastantissimi artifices introduxere: qui motus cerò Terram circumducit extra centrum mundi planetarij tanto intervallo, quanta putatur esse semidiameter sphaera Solis.

Non possum autem praterire, quin etiam hunc Pena lapsum ex ipsius prafatione eliminem, ubi Copernici censuram super Ptolemaicà lunæ Hypothesi falsitatis arguit. Hac enim insimulatione plurimum nocetur existimationi tanti artificis apud imperitos. Refellit Ptolemaum Copernicus, cujus supposita Lunam bisectam penè duplo propiorè Terris exhibent, quàm cum plena est. Argumentum falsitatis Copernicus sumpsit Opticum, idq. optimum; oportuisse ut & corpore duplo ferè latior appareret bisecta quàm plena: cùm experientia testetur de constanti nec nisi pauculus minutus variabili diametro. Hic Pena subtilitate abusus axiomatis optici à Copernico adducti, quod in his propositionibus repetitur Numero 67. argumentum impertinenter elevat.

Quid tum enim, si maximè apparentes diametri lunæ non praeisè sunt in eversa proportionè distantiarum; si tamen sunt ferè in eà, num idè idè nihil dixit Copernicus? Negat dux exercitus se urbem in qua sunt decem millia præsidiariorum militum, expugnare posse nisi cum quinquaginta millibus. Quid igitur si desit illi unus aliquis de hoc numero, num ideo tergiversabitur super expugnatione?

Sed ad numerum revertor dogmatum quæ Pena ex optica verissimè probat; quorum hoc est quartum: quod rectissimè ex optica arguitur nullam supra nos esse sphaeram ignis: quo fundamento subruto, quanta sequatur ruina Meteorologia Aristotelica, nemini Philosophorum huius Temporis obscurū esse potest. Si enim sub cælo esset ignis; seu cōspicius ille seu inconspicius, omnino magna fieret refractione radiorū. Nam ignis idè superiora petit, quia tenuioris est substantia; quàm aër. Ut enim inflata vesica ex aquæ profundo emergit, pondere aquæ sursum elisa: sic etiam ignea substantia causam ascensus sui ex tenuitate sua consequitur, pellitur enim à circumflui aëris crassiori corpore.

Cum igitur physici dicant, supra capita nostra circumfusam esse substantiam pellucidam, tenuiorem aëre hoc nostro; negare non poterunt, radios visibilium in transitu confinium craffi aëris & ignis tenuiores superficierum, quacumq; obliquè transeunt, refringi: transeunt autem obliquè ad locum spectantis prater unum omnes. Undiq; igitur magnae fierent refractiones radiorum.

Argumenti vis experimento, veluti ad oculum explicari potest. Luceat Sol contra parietem: Interlocetur thuribulum cum carbonibus vivis: si tranquillus sit aër, ex thuribulo rectè ascendet rivus quidam ignea substantia, nullo fumo immixto; sin ventulus interflet, rivus ille parum ad latus defleçet, vento concedens sursum, tamen undulatione sua scaturiens. Rivum hunc ignis oculis non consequeris, quippe colore omni carentem & pellucidum. At si parietem oppositum aspicias, tremere videbis umbras rerum trans prunam in sole positarum, qua umbra per hunc ignis fluxum traïciuntur. Tremor verò motus species est. Itaq; radij solis, umbram circumscribentes tremunt, propterea quod ebullitionem illam igneam transeuntes franguntur, idq; variè pro varia superficierum illius fluxus ignei transformatione: ex qua inconstanti inflexione radiorum in superficie illius ebullitionis, resultat inconstans etiam inflexorum seu refractorum incidentia in parietem, inconstansq; hoc est tremens, umbra projectio. Hoc igitur experimento constat, radios lucis in superficie ignea substantia, quantumvis inconspicua sit, sensibiliter refringi. Nulla igitur talis ignea substantia sub cælo expansa est, nostris imminens capitibus, neq; fluctuans, neq; tranquilla, quia observatores siderum nullam, neq; tremulam deprehendunt stellarum refractionem lociq; permutationem, neq; constantem, qua sit commensurata figura sphaera ignea; deniq; nullam aliam prater eam qua est superficiei aëris.

Hoc firmissimum argumentum, Pena rursus tractat incautè:  
dumq;



dumq; muros quatit sphaera ignea, nimio arietis huius impulsu à se  
 ipse leditur. Putat ad firmitatem argumenti pertinere, si planè nul-  
 las siderum refractiones admittat. Itaq; non dubitat etiam observa-  
 tionibus Astronomorum fidem derogare, quas Vitellio adducit. Dixe-  
 rat Vitellio, refringi radios lucis; idq; in Luna sentiri, cujus saepe alia  
 videatur latitudo, quàm qualem Tabula motuum admittant. Pena  
 occurrit, non esse in causa refractionem, sed Parallaxin, rem notam  
 Astronomis. Mira me hercule negotij perplexitas. Nam & uterq; ve-  
 rum dogma habet, & uterq; id impertinenter probat, interq; proban-  
 dum in errores incidit circa res cognatas. Verè dicit Vitellio contin-  
 gere incurvationes radiorum sideralium ob densitatem aëris. Verè &  
 hoc dicit, sed fortuito, id in Luna deprehendi. Sed quod praesupponit,  
 localuna irrefracta ex calculo illius sui temporis certissimè depromi,  
 eaq; regulam statuit aestimandarū observationum, & deprehendenda-  
 rum per eas refractionum; vehementer quidem deceptus fuit. Itaq;  
 non facile dixerim, ante Tychonem Brahe à quoquam deprehensas esse  
 refractiones Luna; non tantum ob incertitudinem antiqui calculi,  
 sed etiam ob negligentiam Observatorum priorum. Deprehendit au-  
 tem Braheus refractiones, non tantum per lunam, quod difficilius fit,  
 propter varium & celerem ejus motum; sed multò maximè per fixas.  
 Et tamen vel per solam Lunam, etiamsi non sit certissimus ejus calcu-  
 lus, deprehendi facile possent. Hac de Vitellionis hallucinatione. Ex-  
 cutiamus jam & Pena censuram. Verè & is defendit, propter ignis  
 sphaeram nullas contingere refractiones: falsum tamen addit, planè  
 nullas contingere, ne quidem aëris causa. Ineptè deniq; occurrit  
 Argumento Vitellionis etsi, ut dictum, inutili & ruinoso: tri-  
 buens Parallaxibus ea qua Vitellio Refractionibus. Atqui norunt  
 Astronomi, duarum harum rerum effectus esse contrarios. Re-  
 fractio Lunam attollit, parallaxis deprimit. Hoc non perpendit  
 Pena. Sed ut dixi, nullum est detrimentum, etsi Pena Vitellionis  
 refractione-

*refractiones non effugit: sunt enim aëris non ignis effectus. Aëris igitur densiorem superficiem, ut supra dictum, stabiliunt; ignis vero tenuiorem regionem, quod vult Pena, penitus convellunt & eliminant. Viring, igitur praesentia Opticarum demonstrationum elucet, tam in stabilienda distinctione aëris ab aethere, quam in tollenda fictitia sphaera ignis.*

*Quinto loco Pena indicat, quanta Physicos ignorantia teneat circa materiam locum & effectus Cometarum; nisi Opticas scholas fuerint ingreßi: & quid hac disciplina circa talia natura portenta doceat eos qui se non aspernantur.*

*Rursum itaq, verum hoc lectori commendo, Cometarum seu Crinitorum barbatorum caudatorum siderum corpora planè pellucida ex Optica doceri, argumento hoc quod caudas à Sole tenent averfas.*

*Verum secundo & hoc est, corpora illa pellucida densiora esse aethere, in quo discurrunt. Verum est & illud tertium, ex analogia motus cometarum plurima nos de loco Cometarum doceri, certumq, habere pterosq, supra lunam in altissimo aethere versari. At quartum quod addit Pena, dubium est, an Cometis vis calefaciendi insit lege Optica, dum refracti solis radij in corporis cometici ingressu exituq, post corpus ad coni mucronem coguntur, eaq, coactione vim incendendi concipiunt. Nam ut idem radios sic in conum coire, nusquam sequetur inflammationis violentia nisi in illo ipso coni mucrone, in profundo aethere. Quid verò hoc ad astum illum qui hic in Terris excitatur? Deinde non cauda illa Cometarum conspicua, conus ipse est radiorum, usus corpore cometa pro basi; sed si plurimum huic speculationi tribuerimus, cauda hac novus conus est, incipiens ibi, ubi conus alter, cujus in corpore cometa basis, in mucronem desinit: quod lex optica docet proximè post corpus cometa fieri. Radij igitur solis, quatenus constituunt conspiciuum illum tractum, quem nos caudam appellamus jam iterum divergunt. Incensio vero non ex diversione, sed ex sectione radiorum oritur. Nulla igitur in cauda vis incendendi, sed si est aliqua, est in sectione radio-*



radiorum proximè corpus, unde cauda talis incipit.

Et si verò dubia est, ut dixi, hæc Pena ratiocinatio de effectu comete; tantum tamen abest, ut penitus contemnendam judicem; ut potius generosissimam omnibus commendem, & talem, ex qua de cometarum caudis abstrusissimum Natura arcanum erui posse existimem. Scripsi hæc de re aliquid in descriptione Germanica Cometa qui fulsit anno 1607: quam latinè etiam adornaveram cum demonstratione pulcherrima trajectus cometa rectilinei per ætheris profundum: sed expectationem meam typographus elusit, manetq; libellus in scrinijs, aliam expectans occasionem.

Sextam Optices utilitatem Pena commemorat, in convellenda Opione Aristotelicorum de Galaxia: docetq; ex Optica, Galaxiam in ipso æthere, longissimè supra lunam circumfundi: quippe quæ permutationem loci sub fixis nullam per diversa terrarum loca, diversosq; ad horizontem positus oculis subjiciat. Magnum procul dubio & hoc optices beneficium agnoscent, qui hætenus Aristotelis Meteorologiam suspexerunt, inq; precio habuerunt. Et si ea, quæ circa Galaxiam Galileus ope perspicilli detexit, ratiocinationem hanc Pena porrò reddent supervacuum.

Sequuntur in Pena præfatione deformia nonnulla, quibus rogo ne Optices studiosus moveatur. Visum fieri radiorum receptione Vitellio verissimè statuit; comprobavi ego evidentissimis experimentis. Magna erat Opticorum gloriatio contra Aristotelicos emissionem radiorum defendentes propter consensum ipsorum inter se. Dolendum itaq; Pena contrario testimonio gloriam hanc Opticorum fœdari, præsertim cum & ipse Pena sit Opticus, & ea ipsa in præfatione Opticam commendet. At qui perpendat philosophiæ cultor, rerum abstrusarum investigationem non unius esse sæculi; sæpe veritas furtim quasi in conspectum veniens, negligentia philosophorum offensa subito se rursus subducit, non dignata homines sui conspectu mero, nisi officiosos & industrios. Adde quod Pena Euclidi, quem à se denuò versum illo libello  
b exhibuit,

*exhibuit, emissiones radiorum usurpanti propter opinionem antiquitatis aliquid tribuit, impertinenti in philosophia studio. Itaq; assumo ex ore Penæ, eiq; rescribo sententiam suam: Physicum volo minime credulum, ob idq; opticarum demonstrationum experientem, qui Euclidem (ipse Vitellionem dixerat) cæterosque Opticos accuratè examinet, & ijs tantum credat, quantum ab ijs demonstratum videat. Vir fuit Euclides doctrina & eruditione nulli secundus, ut ejus monumenta monstrant, sed quæ communis disciplinarum orientium fors est, opiniones habuit anticipatas, quas pro axiomatibus demonstrationum obtulit, cujusmodi illud est, Aspectum fieri per radios prope-  
rantes ab oculis ad rem visam, quod tamen non magis necessarium est, quam si visionem receptione radiorum fieri dicas. Hac inquam hoc loco Penæ regerenda puto. Nam ad demonstrationes quasdam nihil interest, utrum verum sit: & vides utrumq; à me promiscuè usurpari, Propos. 3. & 19. Et si notandum hoc discrimen: si de rei lucentis natura agimus, expedit nos clarè loqui, nec aliud quam emissiones radiorum ex punctis lucentibus inculcare. At si de visione rerum lucentium, deq; visus deceptionibus loquimur, sape nos ipsæ deceptiones invitant ad captiosè quasi loquendum, & emissiones radiorum ex oculo usurpandas, cum reverà sint receptiones radiorum in oculum.*

*Cur duobus oculis videntur res una, Penæ rectè refellit falsam Vitellionis rationem, Galeni equè falsam laudat non rectè. Galenus opticis terminis usus est minime ad leges opticas: quasi pyramides visionis formata ipso videndi actu, & à visare, veluti à communi basi ad oculos continuata, reale quippiam fierent & corporeum, quæ cum detorsione oculi detorqueri à sua re visa possent. Veram itaq; causam reperiens infra Prop. 62.*

*Explicationem Halonis Iridis Pareliorum, Paraſelenarumq; ex Optica disciplina petendam; jam olim vidit Aristoteles: neq; ea quæ  
adhuc*



adhuc desiderantur in Meteorologicis Aristotelis, aliunde suppleri possunt.

Cogitaveram & Ego hic libellum de Iride subungere; quod supplementum esset Aristotelicæ super Iride disquisitionis, sed desiderabantur adhuc Pareliorum genuina causæ, quæ sunt causis portentosarum Iridum implexa: itaq; in præsens hoc negotium deferui.

Cum tam multa profit Optica scientia philosophia naturali: jure optimo Pena plura & ab opticâ expectat, in Magia & Theologia Porphyriana, inq; manuarijs prestigijs discutiendis: nec pauca promittit Io. Baptista Porta Magia naturalis, quam lector adeat; videbit Opticam disciplinam totâ vitâ humanâ admirabiles explicare utilitates.

Hactenus igitur Pena nobis auditus esto, de præstantia Optices, deq; stupendis ejus effectibus in rerum naturâ detegenda doctissimè perorans.

Nunc tempus, ut promissis fidem præstem; doceamq; hac Optices parte, quam Dioptricen appellamus, ejusq; subjecto, Perspicillis nos de rerum Natura longè admirabilissima brevi temporis spacio didicisse; aded quidem, ut puerilia videri possint, quæcunq; hactenus Optices beneficio detecta ex Pena produximus.

Versatur in manibus omnium, siderius Galilæi nuncius, & mea quælibet, cum hoc nuncio Dissertatio, tum etiam Narratiuncula, Nuncij siderij confirmatoria. Lector itaq; breviter perpendat, capita illius Nuncij, quæ & quanta Perspicilli illius beneficio, cujus rationes hoc libello demonstro, fuerint detecta. Testabatur visus, esse aliquod in cælo corpus lucidum, quod Lunam dicimus, demonstratum fuit ex rationibus opticis, id corpus esse rotundum, Astronomia etiam rationationibus nonnullis super optica fundamenta collocatis extruxerat ejus altitudinem à Terra sexaginta circiter semidiametrorum Terræ. Apparebant in illo corpore varia macula; & secuta est obscura opinio paucorum philosophorum, illata ab Hecateo in fabulas de Hyperboreorum insula, montium & vallium, humoris &

*continentium alternata conspici simulachra. At nunc Perspicillum omnia hæc adeò ob oculos collocat, ut planè timidum esse oporteat, qui tali fruens aspectu, etiamnum dubitandum existimet. Nihil est certius, quam partes lunæ meridionales plurimus ipsq; immensis scatere montibus, partes verò septentrionales, depressiores quippe, lacubus amplissimis defluentem à meridie humerem excipere. Quæ prius Pena produxerat Optices beneficio patefacta dogmata, illa à tenuibus visus adminiculis originem trahentia per longas ratiocinationes inter se nexas demonstrabantur, sic ut Rationi potius humana, quam Oculis transcriberentur: at hic jam Oculi ipsi nova veluti janua cæli patefacta in conspectum rerum abstrusarum adducuntur. Quod si cui jam super novis hisce observationibus lubeat etiam Rationis vim excutere: quis non videt, quam longè contemplatio Nature sua pomæria prolatura sit; dum quærimus, Cui bono in Luna fiat montium valliumq; tractus, marium amplissima spacia; & an non ignobilior aliqua Creatura, quàm homo, statui possit, quæ tractus illos inhabitet.*

*Nec minus deciditur hinc, & illa quæstio, quæ penè cum ipsa philosophia nata, exercetur hodie à nobilissimis ingenijs, Possit ne Terra moveri, (quod Theorica doctrina Planetarum valde desiderat) sine gravium ruinâ; aut sine turbatione motus elementorum. Nam si Terra à centro mundi exulet, metuunt nonnulli ne aquæ, globo Terra deserto, in mundi centrum refluant. Atqui videmus & in Luna inesse vim humoris, depressas ejus globi lacunas obsidentem: qui globus quamvis in ipso æthere circumducatur, extra centra non mundi tantum, sed & Terræ nostræ, non tamen quicquam impeditur copia aquarum Lunarium, quo minus ad centrum sui corporis tendens, Lunæ globo constans adhereat. Itaq; Optica reformat vel hoc Lunaris globi exemplo doctrinam gravium & levium; confirmatq; hic introductionem meam in commentaria Martis motuum.*

*Habent Samiæ philosophia cultores (liceat enim hoc cognomine uti ad indicandos ejus inventores Pythagoram & Aristarchum Samios) etiam*



etiam contra apparentem oculis immobilitatem Terræ paratum in Luna presidium. Docemur quippe in opticis, si quis nostrum in Luna esset; ei omnino Lunam, domicilium suum, penitus immobilem, Terram verò nostram, Solemque & cetera omnia mobilia visum iri: sic enim sunt comparatæ visus rationes.

Commemoravit antea Pena, quomodo Astronomi Opticis usi principijs magno ratiocinationum molimine viam Lacteam ex elementari mundo, quorsum eam collocarat Aristoteles, in supremum æthera susulerint. At nunc Perspicilli recens inventi beneficio ipsi astronomorum Oculi rectâ adducuntur ad pervidendam viam lacteæ substantiam: ut quicumque hoc spectaculo fruitur, is fateri cogatur, nihil esse aliud viam lacteam, nisi congeriem minutissimarum stellarum.

Quid esset Nebulosa stella, penitus ignoratum hætenus: perspicillum vero in talem aliquam nebulosam convolutionem (ut Ptolemaeus appellat) directum, ostendit rursus ut in via lacteæ duas tres vel quatuor clarissimas stellas in arctissimo spacio collocatas.

Quis verò credidisset, Fixarum numerum esse decuplo aut fortè vigecuplo majorem eo, qui est in Ptolemaica fixarum descriptione, si absque hoc instrumento fuisset? Et unde quaeso argumentum petamus de fine seu termino hujus mundi aspectabilis, quod is sit ipsa sphaera fixarum: nisi ab hac ipsa fixarum multitudine perspicillo detectâ: quæ est veluti quadam concameratio mundi mobilis.

Quantum etiam astronomus erret in determinanda Fixarum magnitudine, nisi Perspicilli usus stellas de novo lustret: videre est iidem ap. Galileum; & infra etiam Germani cujusdam literas in testimonium producemus.

Sed omnem admirationem superat illud caput nuncij siderij, ubi Perspicilli perfectissimi beneficio alter nobis velut mundus Iovialis detectus narratur: & mens Philosophi non sine stupore considerat, esse ingentem aliquem globum, qui mole corporis quatuordecim globos terrestres adequat (nisi hic Galilei perspicillum nobis limatius aliquid

*Braheanis commensurationibus brevi proferet) circa quem quatuor Luna nostra huic lune non absimiles, circumcurrant; tardissima spacio dierum quatuordecim, nostratium ut Galileus prodidit; proxima ab illa sed maxime omnium conspicua spacio dierum octo, ut Ego superiori Aprili & Majo deprehendi, reliqua duae multo adhuc breviori temporis curriculo: ubi Ratio ex meis de Marte commentarijs ad causam similem accersita, suadet statuere, etiam ipsum Iovis globum convolvi rapidissime, & proculdubio celerius quam in unius diei nostratis spacio: ut hanc globi maximi convolutionem circa suum axem, quatuor illarum Lunarum perennes circuitus in plagam eandem consequantur. Atq; illis quidem locis Sol hic noster, communis & hujus terrestris, & illius Iovialis mundi focus, quem nos tricenum plurimum minorum esse censemus, vix sena aut septena minuta implet; interimq; duodecim nostratium annorum spacio Zodiacum emensus apud easdem rursus fixas deprehenditur. Itaq; quae in illo Iovis globo degunt creaturae, dum illa quatuor lunarum brevissima per fixas curricula contemplantur, dum quotidie orientes occidentesq; & ipsas & Solem aspiciunt, Iovem lapidem jurarent (nuper enim ex illis regionibus reversus adsum) suum illum Iovis globum quiescere uno loco immobilem, Fixas vero & solem quae corpora revera quiescunt, non minus quam illas suas quatuor Lunas multiplici motuum varietate circa suum illud domicilium converti. Ex quo exemplo multo jam magis, quam prius exemplo Luna, discet Samia philosophia cultor, quid absurditatem dogmatis de motu Telluris obijcienti visusq; nostri testimonium alleganti, responderi possit. O multifscium, & quovis sceptro preciosus Perspicillum: an, qui te dextra tenet, ille non Rex, non Dominus constituatur operum Dei? Vere tu.*

*Quod supra caput est, magnos cum motibus, orbes, subijcis ingenio.*

*Si quis paulo aequior Copernico & Samia philosophia luminibus,*  
*hic*



*hic solum haeret, dubitans, quâ fieri possit, ut Terrâ medium planetarum iter per campos aetherios terente, Luna illi tam constanter, velut individuus comes adhaereat, interimq; & globum ipsum Telluris circumvolitet, in morem fide canicula quæ viatorem dominum varijs ambagibus nunc antecursitando, nunc ad latera evagando cingit: is Iovem aspiciat, qui, monstrante hoc Perspicillo, non unum talem comitem, uti terra Copernico, sed omnino quatuor secum certè trahit, nunquam ipsum deserentes, interimq; suam singulos circulationem urgentes. Sed de his satis dictum in Dissertatione cum nuncio siderio. Tempus est, ut ad illa me veriam quæ post editum Nuncium siderium, postq; dissertationem cum illo meam Perspicilli hujus usu patefacta sunt.*

*Annus jam vertitur, ex quo Galileus Pragæ perscripsit, se novi quid in cælo præter priora deprehendisse. Et ne existeret, qui oblectationis studio priorem se spectatorem ventitaret, spacium dedit propalandi, quæ quisq; nova vidisset: ipse interim suum inventum literis transpositis in hunc modum descripsit.*

*Sma is mrmilmepoetabeumidunenugttauiras.*

*Ex hisce literis ego versum confeci semibarbarum, quem Narratiuncula mea inserui, mense septembri superioris anni.*

*Salve umbistincum geminatum Martia proles. Sed longissimè à sententia literarum aberravi; nihil illa de Marte continebat. Et ne te lector detineam, en detectionem Gryphi, ipsius Galilæi authoris verbis.*

*Di Firenze li 13 di 9bre 1610.*

*Ma passando ad altro già che il. S. Keplero hà in questa sua ultima narrazione stampate le lettere che io mandai à V. S. Ill<sup>ma</sup> trasposte, venendo mi anco significato, come S. M<sup>a</sup>. ne desidera il senso: ecco che io lo mando a V. S. Ill<sup>ma</sup> per parteciparlo con S. M<sup>a</sup>. col S. Keplero, & con chi piacerà à V. S. Ill<sup>ma</sup> bramando io che lo sapi ogni uno Le lettere dunque compinate nel loro vero senso dicono così.*

*Alissi.*


*Altissimum planetam tergeminum observavi.* questo è, che Saturno con mia grandissima ammiratione ho osservato essere non una stella sola, mà tre insieme, le quali quasi si toccano; sono tra di loro totalmente immobili, & costituite in questa guisa ○○○. quella di mezzo è assai più grande delle laterali, sono situate una da oriente, & l'altra da occidente nella medesima linea retta à capello; non sono giustamente secondo la drittura del Zodiaco, mà la occidentale si eleva alquanto verso Borea, forse sono parallele all' Equinotiale: se si riguarderanno con un' Occhiale, che non sia di grandissima moltiplicazione, non appariranno 3 stelle ben distinte, mà parrà che Saturno sia una stella lunghetta in forma di una uliva, così. ○. ma servendosi di un' Occhiale, che moltiplichi più di mille volte in superficie, si vedranno li 3 globi distintissimi, & che quasi si toccano, non aparendo trà essi maggior divisione di un sottil filo oscuro: Hor' euo trouata la corte à Gione, & due serui à questo vecchio, che l' aiutano à camminare, ne mai se gli staccano dal fianco: intorno à gl' altri Pianeti non ci è novità alcuna. Etc.

*Hac etsi parum abeunt à latina dictione veritam tamen, ne quid letorem remoretur.* Sic igitur ille: sed ut ad alterum caput jam veniam, quod D. Keplerus in illa sua Narratione nupera typis exhibuit literas, quas ego transpositas ad Illustr. D. T. misi; cum & significatum mihi sit, cupere M. suam doceri sensum illarum; en illum ad Ill. D. T. transmitto, ut communicet eum cum M. S. cum D. Keplero & quo cum voluerit.

*Litera itaq, iter se connexa ut oportet, hoc dicunt.*

*Altissimum planetam tergeminum observavi.* Nimirum Saturnum summa cum admiratione deprehendi non unam solam esse stellam, sed tres inter se proximas, adeò ut sese mutuo quasi contingant. Immobiles sunt inter se prorsus, & composita in hunc modum ○○○. Earum media multò est major extremis. Sitæ sunt ad orientem una, altera ad occidentem, in una recta linea ad pilum: Non tamen exactè secundum longitudinem Zodiaci: occidentalis enim assurgit non  
nihil



nihil versus Boream, forte sunt æquinoctiali parallela. Si aspexeris illas per Oculare, quod non plurimum multiplicat; non apparebunt benè inter se distincta stella; sed videbitur stella Saturni longiuscula, forma Oliva. sic.  At si usus fueris Oculari quod plus quam millies multiplicat superficiem, apparebunt tres globi distinctissimè, & qui sese quâsi tangant invicem; nec plus dirempti à se mutuo censebuntur, quam tenuissimi & vix conspicui sili latitudine. Atq; en inventum Iovi satellitium feniculo verò decrepito duos servos, qui incessum illius adjutent, nunquam à lateribus illius discedentes. Circa reliquos Planetas novi nihil comperi.

Hæc Galileus. At ego si habeam arbitrium, non ex Saturno sili cernium, ex socijs globulis servulos illi fecero; sed potius ex tribus illis junctis tricorpore Geryonem, ex Galileo Herculem, ex Perspicillo clavam; qua Galileus armatus illum altissimum planetarum & vicit, & ex penitissimis naturæ adytis extractum inq; Terras detractum nostrum omnium oculis exposuit. Lubet equidem nido detecto, contemplando querere, quales in illo avicula: qualis vita, si qua vita, inter binos & binos globos sese mutuo penè contingentes; ubi non,

Tres cæli spaciū pateat non amplius ulnas, sed vix latum ungem in circulum undiq; dehiscat. An verè Astrologi Saturno tutelam metallariorum transcribunt, qui Talparum instar sub terris degere assueti liberum raro hauriunt aërem sub dio. Et si paulo tolerabiliores hic tenebra, quia Sol, qui tantus illis apparet quanta nobis in Terrâ Venus radios per discrimina globorum perpetuè trajcit, aded, ut qui in globum alterum insistant, à reliquo velut à laqueari tecti; illi ab hujus sui tecti eminentijs, in lucem solis exporrectis, veluti à quibusdam titionibus desuper illuminentur. Sed adducenda frena menti liberis ætheris campis potita; si quid fortasse posteriores observationes diversum ab illa priore narratione, & immutatum tempore, renuncient.

Videbatur sibi Galileus in fine Epistolæ finem imposuisse narrationibus de planetis, novisq; circa eos observationibus. At semper perspi-

*cax Oculus ille factitius, Perspicillum dico, breui plura detexit: de quibus lege & sequentem Galilæi Epistolam.*

*Di Firenze le 11 di xbris 1610.*

*Sto con desiderio, attendendo la risposta a due mie scritte ultimamente, per sentire, quello che hauerà detto il S. Keplero della stranezza di Saturno. Si tanto gli mando la cifera di un altro particolare osservato da me nuovamente, il quale se tira dietro la decisione di grandissime controuersie in astronomia, & in particolare contiene in se un gagliardo argomento per la constitutione Pythagorica & Copernicana; & à suo tempo publichero la deciferatione & altri particolari. Spero che hauerò trovato il metodo per definire i periodi de i quattro pianeti Medicei, stimati con gran ragione quasi inesplicabili dal S. Keplero, al quale piacerà, &c.*

*Le lettere trasposte sono queste.*

*Hac immatura à me jam frustra leguntur o. y. Latine sic.*

*Expecto cum desiderio responsum ad postremas duas; ut resciscam, quid Keplerus, de Saturnie stellæ miraculo, dicat.*

*Interim mitto illi gryphum novæ cujusdam eximieq; observationis, quæ facit ad decisionem magnarum in Astronomia controversiarum, & in specie continet in sepulchrum argumentum pro Constitutione Mundi Pythagorica & Copernicana: tempore suo aperiam solutionem gryphi & singularia nonnulla alia. Spero inventam à me Methodum definiendi periodos quatuor Mediceorum; quas Keplerus non sine summa ratione existimavit inexplicabiles, &c.*

*Litera transposita sunt ista.*

*Hac immatura à me jam frustra leguntur, o. y.*

*Hactenus Galilæus. Quod si lector hæc epistola desiderio implevit cognoscendi sententiam literis illis comprehensam: age & sequentem Galilæi legas Epistolam.*

*Prius tamen velim obiter animadvertas, quid Galilæus dicat constitutionem mundi Pythagoricam & Copernicanam. Digitum enim inten-*



intendit in meum *Mysterium cosmographicum*, ante annos 14 editum, in quo Orbium Planetariorum dimensiones ex *Astronomia Copernici* desumpsi qui Solem in medio stabilem, Terram & circa solem & circa suum axem facit mobilem: Illorum verò Orbium intervalla ostendi respondere quinq; Figuris regularibus Pythagoricis, jam olim ab hoc authore inter Elementa mundi distributis pulchro magis quam fœlici aut legitimo conatu: & quarum figurarum causâ Euclides totam suam geometriam scripsit.

Itaq; in illo *Mysterio* reperire est combinationem quandam *Astronomiæ* & *Geometriæ* Euclideæ; & per hanc utriusq; consummationem & perfectionem absolutissimam. Quæ causa fuit, cur magno cum desiderio expectarem, quale nam Galileus argumentum esset allaturus pro hac mundi constitutione Pythagorica. Sequitur igitur de hoc argumento Galilæi Epistola.

*Ilmo & Reuermo sigte mio colmo.*

E tempo che io deciseri à V. S. *Ilma* & *Rma* & per lei al S. Keplero le luè trasposte, le quali alcune settimane sono, gli inuiai; è tempo dico già, che sono interesissima mente chiaro del verità del fatto si che non ci resta un minimo scrupolo, ò dubbio. Sapranno dunque, come circa 3. mesi fa vedendosi *Venere* vespertina la comminciai ad offeruare diligente mente con l'occhiale per ueder tol sensostesso, quello, di che non dubitaua l'intelletto. La uedi dunque sul principio di figura rotonda, pulita & terminata, mà molto piccola; di tal figura si mantenne sino che cominccò ad auuicinarsi alla sua massima digressione, tuttauia andò crescendo in mole. Comincio poi à mancare dalla rotondita nella sua parte orientale & auersa il sole, & in pochi giorni si ridusse ad essere un mezo cerchio perfettissimo, & tale si mantenne senza punto alterarsi sin che incominciò à ritirarsi verso il sole allontanandosi dalla tangente: hora vâ calando dal mezo cerchio, et si mostra cornicolata, & andará assottigliandosi sino al occultazione riducendosi allora con corne settilissime, quindi passando ad appa-  
 2 parizio-

parizione mattutina, La uedremo pur falcata & sottilissima & con le corne auerse al sole, ande, à poi crescendo sine alla massima digressione, doue sarà semicircolare, & tale senza alterarsi si manterrà molti giorni: & poi dal mezzo cerchio passerà presto al tutto tondo, & così rotonda si conserverà poi per molti mesi, mà è il suo diametro adesso circa cinque volte maggiore di quello chosi mostraua nella sua prima apparizione vespertina: della quale mirabile esperienza hauiamo sensata & certa dimostrazione di due gran questioni stati sin quì dubbie trà maggiori ingegni del mondo. L' una è che i pianeti tutti sono di loro natura tenebrosi (accadendo anco à Mercurio l' istesso che a Venere) L' altera, che Venere necessariissima, mente si uolge intorno al Sole come anco Mercurio, & tutti li alteri pianeti, cosa ben creduta da i Pittagorici, Copernico, Keplero & me. Ma non sensatamente prouata, come hora in Venere & in Mercurio haueranno dunque il Sig. Kep. & gli alteri Copernicani da gloriarsi di hauere creduto & filosofato bene, se bene si è toccato, & ci è per toccare ancora ad esser re putati dal uniuersalità de i filosofi in libris, per poco intendenti, & poco meno che stolli. Le parole dunque, che mandai trasposte, & che diceuano.

*Hac immatura à me jam frustra leguntur, o. y. ordinate. Cynthia figuræ amulatur mater amorum.* Cioè che Venere imitò le figure della luna.

Osseruai 3 notti sono, l' eclisse, nella quale non uì è cosa notabile, solo si uede il taglio del ombra indistinto, confuso, & come annobiato, & questo per deriuare essa ombra da la Terra lontaniissima mète da essa D.

Voleua scriuere altri particolari. Ma sendo stato trattenuto molto da alcuni gentiluomini & essendo l' hora tardissa. son forzato à finire. Fautoriscami salutate in mio nome i Ss. Kep. Asdale & Segheti, & à V. S. Illma con ogni rena baciolemani, & dal S. Dio gli prego felicità. Di Firenze il primo di Gennaio Anno 1611.

Di V. S. Illma & Reuma

Serie. Obligmo.

Galileo Galilei.



*Hæc Epistola Galilæi, cujus summam capelatinis verbis.*

Tempus est ut aperiã rationem legendi literas, quas ante aliquot septimanas misi transpositas. Tempus inquam nunc est, postquam de re ipsa sum certissimus factus, sic ut ne tantillum amplius dubitem. Scias igitur quod circiter tres menses à quibus Veneris stella videri potuit, inceperim per Oculare ad illam cum diligentia respicere; ut quod mente tenebam indubium, ipso etiam sensu comprehenderem. Principio igitur Venus apparuit figurâ circulari perfectâ, eâq; exactâ & evidenti termino inclusâ, verum exili admodum: hanc figuram Venus retinuit tantisper, dum cepit appropinquare maximâ suâ digressioni à Sole, interimq; continuè crescebat mole corporis apparenti. Ex eo cepit à rotunditate deficere à plaga orientis, quâ à Sole erat aversa, & intra paucos dies collegit omnem speciem intra semicirculum perfectissimum; ea figura durabat sine mutatione vel minima, quo ad usq; cepit sese ad Solem recipere, deserta Tangente sui Epicycli: hoc jam tempore magis magisq; deficit à figura semicirculari, pergetq; diminuendo illam usq; ad suam occultationem, quando in subtilissimum cornu deficiet. Ex eo transitu factò ad apparitionem matutinam apparebit nobis tantummodo falcata, & subtilissimo cum cornu à Sole aversa; postea magis magisq; implebitur cornu usq; ad Maximam digressionem à Sole, in qua semicirculus apparebit, eaq; figura sine notabili variatione durabit dies multos: deinde ex semicirculari paulatim totum implebit orbem, eamq; perfectè circulem figuram in menses bene multos conservabit. Caterum in præsens diameter corporis Veneris circiter quinq; vicibus major est eâ, quam monstravit in prima apparitione Vespertina. Ex hac mirabili observatione suppetit nobis certissima & sensu ipso perceptibilis demonstratio duarum maximarum questionum, quæ ad hunc usq; diem à maximis ingenijs agitabantur in partem utramq;. Una est, quod planeta omnes natura sua tenebrosa sunt corpora (ut de Mercurio jam eadem concipiamus, quæ de Venere), altera, quod summa nos urget necessitas, ut dicamus,

et 3 Venerem

Argumen-  
tū aucto-  
ris de situ  
Veneris &  
Mercurij  
orbū cir-  
ca Solem,  
qualis est  
inconsti-  
tutione  
Mundi  
Coperni-  
cana & Py-  
thagorica,  
simplici-  
ter accipi-  
o, nec quic-  
quam ad-  
do: nisi  
quod Pe-  
na gratu-  
lor, qui-  
dem supra  
alio imbes-  
cilliori ar-  
gumento  
probaue-  
rat.

*Venerem (in superg, & Mercurium) circa Solem circumferri, ut & reliqui omnes planeta: res credita quidem Pythagoricis, Copernico, & Keplero, nunquam vero sensu comprobata, ut nunc in Veneri & Mercurio. Habent igitur Keplerus & reliqui Copernicani, quo gloriantur se bene philosophatos esse, nec vanam esse eorum credulitatem: quantumvis evenerit illis, possitq, evenire etiam porro, ut à Philosophis hujus temporis, qui in libris philosophantur universali consensu stupidi & paulò minus quàm fatui reputentur.*

*Diſtiones igitur quas miſit literis tranſpoſitis, & qua ſic dicebant, [Hæc immatura à me jam fruſtra leguntur o. y.] redactæ in ſu-  
um ordinem, ſic ſonant. [Cynthiæ figuræ æmulatur mater amo-  
rum] id eſt, Venus imitatur figuræ Lunæ.*

*Tres noctes ſunt, cum obſervavi Eclipſin Lunæ, in qua non occurrit notabile quippiam. Tantummodo meta umbra indiſtincta confuſa & veluti obnubilata apparuit; cauſa quia conſurgit umbra à Terra, longiſſimè à Luna corpore.*

*Habeam & alia ſingularia, ſed impediſor, quo minus de ijs ſcribam, &c. Haſtenus Galileus.*

*Quid nunc, amice lector, ex Perſpicillo noſtro faciemus? num Mer-  
curij caduceum, qua freti liquidum tranemus æthera, & cum Luciano  
coloniam deducamus in deſertum Heſperum, amanitate regionis ille-  
cti? An magis ſagittam Cupidinis, qua per oculos illapſa mens intima  
vulnere accepto in Veneris amorem exardeſcat? Nam quid ego non  
dicam de admirabili hujus globi pulchritudine, ſi proprio lumine ca-  
rens, ſolo Solis mutuatio lumine in tantum ſplendorem datur, quan-  
tum non habet Iupiter, non Luna aequali ſecum Solis vicinitate gau-  
dens; cujus lumen ſi ad Veneris lumen compareretur, majus quidem ob  
apparentem corporis magnitudinem at iners mortuum & veluti  
plumbeum videbitur. O verè auream Venerem; quicquam ne dubi-  
tabit amplius, totum Veneris globum ex puro puto auro politiſſimè fa-  
briſactum: cujus in ſole poſita ſuperſicies adeo vegetum revibrat ſplen-  
dorem? Accedant nunc mea experimenta de alterabili Veneris lumine*

*ad ni-*



ad nictum oculi; quæ in *Astronomia* parte optica recensui: Ratio nihil aliud colligere poterit, nisi hoc, *Veneris* stellâ rapidissimâ gyratione circa suum axem convolvi, differentes suâ superficiei partes, & luminis solaris minus magisq; receptivas alias post alias explicantem.

Lubet verò etiam *Astrologorum* cum voluptate mirari sollertiam, qui à tot jam seculis exploratum habebant, Amores & fastus amasiarū, moresq; & ingenia amantium ab hac *Veneris* stella gubernari. Scilicet *Venus* cornuta non sit, quæ tot cornutos quotidie efficit; quoties ad exoptatos amplexus sese demittens subito ex oculis & libero conspectu amantis sub fastuosos Solis radios velut ad alterum virum recurrit, frustrata amantium desideria. Mirum equidem erat *Venerem* non ipsam etiam, ut *Lunam*, tinēdu; cum amores *Veneris* sola & unica pariendi causa sint. Ecce igitur ut formosissima stellarum, perfectò circulo sui aspectus, veluti quodam fœtu maturo deposito, sese demittat ad inum *Epicycli* sui, adq; viciniam *Telluris*, inanis & in cornu attenuata, veluti novæ prolis concipiendæ causa; & postquam Soli copulata fuerit, ipsa Soli veluti viro suo inferiori loco sese subjiciens, ut fert mos & natura feminarum; exinde paulatim ex altero latere sese rursus tollat in altum, & magis atq; magis, veluti imprægnata intumescat; donec decimo mense à conceptione (tantum enim plane interest inter binas conjunctiones ☉ & ♀.) plenum uterum plenum inquam aspectus sui circulum in summitatem *Epicycli*, suprag; Solem adducat, eiq; rursus conjuncta, veluti genuino patri fœtum suum domum referat.

Sed satis ratiocinationū mearum. Audiamus nunc *Epilogi* loco etiā *Galilæi* Ratiocinationē ex omnibus quæ attulit *Perspicilli* experimentis extructam. Sic ille denuo. *Illmo* & *Reumo* *Sigre* *Colmo*

Ho riceuuto gusto & contēto particolariss: nella lettura dell' ultima di *V. S. Illma* & *Reuma* delli 7 stante, & in particolare in quella parte doue ella mi accēna la fauoreuole inclinazione dell' *Illmo* *Sig. Cons. VVacker* verso di me; la quale io infinitamēte stimo & apprezzo; & poi che quella hà principalmēte origine dall' hauere in incontrati osseruazioni necessariamēte dimostrati cōclusioni per auanti tenuti vere da sua *Sig. Ill.*

per confermarmi maggiormente il possesso di grazia tanto pregiata da me, prego V. S. Illma à fargli intendere per mia parte, come conforme alla credenza di Sigra Illma ho demonstratione certa, che si come tutti i Pianeti ricevono il lume dal Sole essendo per se stessi tenebrosi & opachi; così le stelle fisse risplendono per loro natura, non bisognosè della illustrazione de i raggi solari, li quali, dio sa, se arrivano a tanta altezza, piu di quello, che arrivia noi il lume di una di esse fisse. Il principale fondamento del mio discorso è nell' offeruare io molto evidentemente con, l' occhiali, che quelli pianeti di mano in mano che si trouano piu vicini a noi, ò ab Sole, ricevono maggiore splendore, & piu illustremente celo riverberano; & perciò Marte perigeo, & a noi vicini: si vede assai piu splendido che Gioue: benchè a quello di mole assai inferiore, & difficilmente se gli può con l' occhiale leuare quella irradiazione, che impedisce il uedere il suo disco terminato, & rotondo; il che in Gioue non accade, vedendosi esquisitamente circolato; Saturno poi per la sua gran lontananza si vede essatamente terminato, si la stella maggiore di mezzo comme le due laterale piccoliss: & appare il suo lume languido & abacinato, senza niuna irradiazione, che impedisca il distinguere i suoi 3 piccoli globi terminatissimi. Hora poiche apertissima mente veggiamo, che il sole molto splendidamente illustra Marte vicino, & che molto piu languido è il lume di Gioue (se benefenza lo strumento appare assai chiaro, il che auade per la grandezza, & candore della stella) languidissimo & fosco quello di Saturno, come molto piu lontane: quali doueriano apparisci le stelle fisse lontane indicibilmente piu di Saturno, quando il lume loro deriuasse dal Sole? Certamente debolissimo, torbido e smorto. Ma tutto l' opposto si vede, però che se rimireremo per essempio il Cane, incontreremo un fulgore viuissimo, che quasi ci toglie la vista con una vibrazione di raggi tanto fiera, & possente che in comparazione di quello rimangano i pianeti, e duo Gioue & Venere stessa, come un impurissimo uetro appresso un limpidissimo & finissimo Diamante: Et benchè il disco di esso

Cane



Cane apparisca non maggiore della cinquantesima parte di quello di Giove, tutta uia la sua irradiazione è grande & fiera in modo che l'istesso globo trà i proprii crini si implica & quasi si perde, & con qual che difficoltà si distingue, doue che Giove | e molto piu Saturno | si veggono & terminati, & di una luce languida, & per così dire quieta. Et per tanto io stimo che bene filosoferemo, referendo la causa della scintillazione delle stelle fisse, al vibrare, che elle fanno dello splendore proprio & natino dal intima loro sostanza, doue che nella superficie de i pianeti termina piu presto, & si finisce la illuminazione, che dal Sole deriva & si parte. Se io sentiro qualche particolare questione ricenata dal medesimo S. VVackher, non refterò di affaticarmi intorno per dimostrarmi, quale io sono desiderosiss: di seruire un tanto Signore, & non già con speranza di aggiugnere al termine conseguito dal suo discorso, perche benissimo comprendo che a quanto sià passato per il finiss: cribro del guidizio suo, & del S. Keplero, non si può aggiugnere di esquisitezza, ne iò pretenderei altro che col dubitare, e mal filosofare eccitargli al ritrouamento di nuoue sottigliezze, Gl' ingegni singolari che in gran numero floriscono nell' Alemagna mi hanno lungo tempo tenuto in desiderio di vederla, il quod desiderio hora si raddoppia per la nuoua grazia dell' Illmo VVackher la quale mi farebbe diuēmi grande ogni piccola occasione, che mi si presentasse. Ma hò di souerchio occupata V. S. Illma & Reuma degnisi per fine di offerirmi & dedicarmi deuotmo serite all' Illmo S. VVackher, salutando anco caramente il S. Keplero, & a lei con ogni reuza baciolemani & dal Sigre dio le prego somma felicità. di Firenze li 26 di Marzo 1611.

Gallileo de' Gallilei.

Latino stylo sensus hic est.

Mirifice me delectarunt ultima tua litera, præcipuè ubi de Illustris D. Consiliarij Casarei D. VVagherij beneuolo in me animo testantur: quam ego quidem maximi facio. Qua cum inde sit orta, quod Observationibus Ego nonnullis necessaria ratione demonstravi conclusa

d

qua-

quadam; qua ipse pridem pro veris habuerat: ut igitur hanc mihi possessionem gratia tam chara firmiorem efficiam: rogo illi hac à me nuncies: esse mihi demonstrationes certissimas in promptu, quod, planè ut Ipse tenet, Planetæ quidem omnes lumen à Sole recipiant, ipsi suâ naturâ corpora tenebrosa & opaca; Fixa verò stellæ proprio & naturali lumine resplendeant, non indigentes illustratione à Solis radijs: quippe qui, an ad fixarum altissimam regionem in tanta etiam claritate pertingant, quantulâ claritatè inde ad nos descendunt fixarum radij, Deus novit. Potissimum ratiocinationis meæ fundamentum in hoc consistit, quod cum Oculari evidenter observavi, Planetas, ut quisq. quolibet tempore nobis & Soli vicinior fuerit, sic majoreus recipere splendorem, & illustrius eundem reverberare: itaq. Mars perigæus, terris nimirum vicinissimus splendore Iovem non exiguo intervallo post se relinquit, quantumvis mole corporis ipsa, Iovi longè cedat. Adeoq. difficile est radiationem hanc Martis Oculari excipere; tanta enim est, ut impediât visum, quo minus is discum corporis stellæ Martiæ rotundè terminatum internoscere possit. Id in Iove non usu venit, apparet enim exquisite circularis. Post hunc Saturnus propter eandem suâ eamq. longissimam remotionem, apparet exactissimè terminatus; tam major globus in medio, quam dua ejus pilula minuta ad latera. Apparet enim lumine languido & fracto, sine irradiatione tali, qua impediât distinctam trium ejus terminatissimorum globulorum apprehensionem. Cum igitur videamus Martem de propinquo valde splendide illustrari à Sole Iovis remotioris lumen multo esse languidius (quantūvis citra instrumenti usum satis id clarum appareat, id quod accidit ei propter magnitudinem & candorem corporis). Saturni remotissimi languidissimum & veluti aqueum: quale, putas, fixarum lumen esset appariturum quæ ineffabili intervallo longius quàm Saturnus, à Sole absunt, si à Sole tantum illustrarentur? Omnino debilissimum, turbidum & emortuum. Atqui planè contrarium experimur. Lustremus enim oculis, exempli causa, stellam Canis; occurret nobis fulgor viuidissimus.



disimus, qui veluti pungit oculum, cum vibratione Radiorum rapidissima, tanti vigoris, ut ad illum comparati planeta, puta Iupiter, ipsaq; adeo Venus, sic confundantur & deprimantur, ut vitrum vilissimum & impurum, comparatum ad tersissimum & illustrissimum Adamantē.

Et quamvis stella Canis discus non major appareat quinquagesimā particulā disci Iovis: nihilo secius radiatio ejus est ingens & violenta admodum, adeo ut species ista disci sese intra crines veluti radiationis suae recondat, implicet, & quasi evanescat, nec nisi cum difficultate aliqua discernatur à circumfusus crinibus: ubi contrā Iupiter, & multo magis Saturnus, videntur terminati lux eorum languida, & ut ita dicam, quieta. Quapropter existimo rectē nos philosophaturos, si causam scintillationis fixarum referamus ad vibrationem splendoris proprii & nativi, in substantiam eorum insiti: vicissim in superficie planetarum dicamus terminari de propinquo illuminationem illam, quae à Sole derivata in mundum diditur. Hae scientiticae sunt in Galilaei literis, cetera mitto. Vides igitur, lector studiosē, quomodo Galilaei, praestantissimi me hercule philosophi sollertissima mens, Periscopillo hoc nostro, veluti scalis quibusdam usa, ipsa ultima & altissima Mundi asperetabilis mœnia conscendat, omnia coram lustret, indeq; ad nostra haec tuguriola, ad globos inquam planetarios argutissimo ratiocinio despiciat, extrema intimis, summa imò solido judicio comparans.

Quia verò nunquam desunt in philosophia Rationum inter se studia aut obrectationes: multiq; per Germaniam Germanorum hic testimonio requisituri sunt: age illis de rebus iisdem etiam Germani cuiusdam Epistolam exhibeo: ex qua simul & illud patebit; non malè factum à Galileo, quod rerum suarum satagens, inventa sua maturē, per gryphos tamen Pragae nobiscum communicaverit.

Sic igitur Marius ad cōmunē nostrum Amicum: Interim aliud teneto opus: in quo primum immobilitatem Terrae assero, omisis omnino personalibus: a sed argumenta solum examinantur contra rationes Copernicanas, quas nostro tempore Keplerus cum Galileo Patavino

a. Liberas  
vit Keple-  
rū metu:  
qui valde  
scilicet, ho-  
nori suo  
metuebat,  
si Marius  
motui Ter-  
rae interces-  
sisset cum  
sui nomi-  
nis menti-  
one.

b. Prīmū  
victoriz o-  
men ante  
pugnam,  
quod Ma-  
rius impe-  
ritiā homi-  
num, sed  
huius am-  
plitudinē  
intra duos  
restringit,  
quæ jam  
penē pub-  
lica est: ni-  
si flos o-  
mnis do-  
ctorū ho-  
minum in  
tra Acade-  
miarum  
septa sit  
cōclusus.  
c. Obfistite  
Theologi,  
rem imper-  
tinentem  
aggredi-  
tur; autho-  
ritatem  
Scripturæ  
absumit.  
d. Cerna-  
mur agen-  
do,

*Mathematico approbat, & seriò sic se habere statuit b. Argumenta mea assertionis ex sacris assumo; c à stipulante etiam physicā d & Astro-nomiā. Deinde refutabitur opinio eorum, qui corpora cælestia adeò monstrosa molis esse putarunt: & noua verisimilior dimensio quanti-tatis à me tradetur: qua in re me plurimum iuuit instrumentum Bel-gicum, Perspicillum vulgò vocatum. Tertiò demonstrabo, Venerem non secus illuminari à Sole, eamq; Corniculatam, dixónηρον, &c. reddi, prout à fine anni superioris, e usq; in Aprilem presentis à me ope perspi-cilli Belgici multoties & diligentissimè observata & visa est, quando Venus proxima Terra erat, cum occidentalis, tum orientalis. Quartiò agam de novis planetis Iovialibus, qui circa Iovem feruntur, ut plane-ta reliqui circa Solem, inæquali tamen interstitio & periodo. Duorum extremorum periodos jam indagavi, tabulasq; construxi ut inde omni tempore faciliè sciri possit quot minutis distent à Iove ad dextram sinistramve. Hæcq; duo capita ultima sunt plane inaudita omni avo. Forsan alia etiam interim dum laboro, occurrent. Hucusq; Marius.*

*Habes igitur, amice lector, confirmatam perspicilli fidem in obser-uatione novorum cælestium, unius insuper Germani testimonio. Quid impediatur igitur me præstantissimo instrumento Panegyricum hoc libel-lo pangere Geometricum, tegq; lector, honoris causa, presenti animo, & non vulgari mentis attentione; dum eum ego recito, interesse. Qua opera & ingenium acues, & causarum perceptione evades in philoso-phia doctior, ad mechanicam & rerum utilium atq; jucundarum in-ventionem instructior, deniq; à mille modis quibus vulgus in errorem solet induci, cautior atq; tutior. Vale & hoc præludium aequi boniq; consule.*

e. Quo ipso tempore Galilæus Florentia Pragm scripsit de Matre amorum, & hæc Mario sic ordine apparitura jam tunc prædixit.



# DIOPTRICE,

sive

DEMONSTRATIO EORVM, QVÆ VISVI ET  
visibilibus propter Conspicilla, hoc est, vitra seu Cry-  
stallos pellucidos accidunt.

## I. DEFINITIO.

**I**nclinatio super superficiem, sumitur de angulo inter per-  
pendicularem superficiem, & quemcunq; alium radium, qui  
perpendicularem secat in puncto superficiem.

## II. AXIOMA OPTICVM.

Radij in medium densius ingressi cum inclinatione refrin-  
guntur, & refracti intra corpus accedunt versus perpendicu-  
larem erectam super densi superficiem in puncto incidentis  
radij. Idem egressi ex medio densiori refringuntur, & refracti  
extra corpus densum discedunt ab hac perpendiculari.


## III. AXIOMA OPTICVM.

Eadem est refractio radiorum, sive illi naturâ suâ ingredi-  
antur sive egrediantur, vel ut tales considerentur.

## IV. PROBLEMA.

Pellucidi corporis duri refractiones artificiosè metiri in o-  
mni radiorum inclinatione.

*Sit corpus durum pellucidum AE. Id terminetur unâ exquisitâ  
superficie planâ DE, ad quam due  
alia erigantur plana superficies in-  
ter se parallele, & priori ad angu-  
los rectos, quæ sint BA & EF.  
Huic compara capulum ex quacun-  
que materia, veluti ex ligno, cuius  
superficies, præsertim interiores*



sint bene complanata, bina latera ex fundo  $H$  assurgentia rectis angulis, ut sint  $BEH$ , & reliqui recti: & pellucidum angulo extenti in capuli angulum cavum sedeat penitus, eum explens. Promineat autem latus capuli  $DC$  ultra terminum lateris pellucidi  $DB$ , aliquantulo spacio  $BC$ , Altitudine verò  $BE$  sint ambo equalia, & supra sit superficies quasi una pellucidi & opaci.

Quo factò, & corporibus conjunctis latus  $DC$ , quod particulâ  $DB$  utriq; corpori est commune, obijciatur perpendiculariter Solis radijs, in quacung; inclinatione plani  $BA$  ad eosdem radios.

Sint radij Solis  $LD$ ,  $MB$ ,  $NC$ . Ex quibus qui sunt inter  $MBH$  &  $NC$ , quia nullum occurrit ipsis corpus pellucidum præter ærem, ij trans  $BC$  tendent in directum  $MBH$ ,  $NCK$ . Itaq;  $CB$  projiciet umbram  $HK$  in fundum capuli, & aliquando in eius latus oppositum.

Hic igitur ex proportionem  $BE$  altitudinis, ad  $EH$  umbram, habetur inclinatio Solis à vertice planicie  $BA$ . Nam ut  $BE$  ad  $EH$ , sic Sinus Totus ad Tangentem distantia Solis à vertice plani  $BA$ : id est anguli  $EBH$ .

Qui verò radij Solis cadunt inter  $MB$ , &  $LD$ , ij in densiorem pellucidam superficiem  $BA$  incidentes, refringentur versus perpendicularem  $BE$ , & sic  $MB$  refringetur in  $BG$ : &  $LD$  in  $DI$ . Et  $BD$  trans Crystallum projiciet umbram in  $GI$ , breviorē. Poterit autem oculus notari quantitas, si prius fundus capuli divisus fuerit atramento in partes certas. Nam corpus, quod fundum tegit, est pellucidum.

Rursum igitur, ut  $BE$  altitudo, ad  $EG$  umbram, sic Sinus Totus ad Tangentem anguli  $EBG$ .

Subtracto autem  $EBG$  hic invento, ab  $EBH$  prius invento, restat  $GBH$ , quantitas anguli refractorij in hac inclinatione  $EBH$ .


## V. PROBLEMA.

Refractiones inclinationum majorum, & simul priores aliâ viâ commodius probare.

Fiat



Fiat ex lamina pellucida satis crassa, utpote dimidij digiti crassitudine, corpus cylindraceum. Id sit *A* *G*; Crassitudo *F A*. Perforetur lamina secundum ductum diametri Circuli, ut sit *F A* foramen longum per *C* centrum in *G* exiens, aut loco foraminis regula super Cylindraceo figuratur secundum ductum *ACG*, dioptris aequè altis in *A* & *G*. Dividatur limbus circularis in partes 360, initio facto ab *E*, ut *A E* sit Quadrans. Dirigatur autem foramen vel dioptra *AG* in Solem, & sit lux Solis per *A* ingressa, ultra *G*, opposito in loco vel pariete conspicua. Cum igitur semicirculus totus una vice illuminetur, quadrante utring, ab *A* porrectus, patet quod ducta contingens ipsam cylindri superficiem in *E*, quæ sit *D E*, parallela sit ad *AG*, & sic ex Sole veniat, extremus radius existens eorum, qui in cylindri semicirculum incidunt.



Itaq, circumduc stylum opacum super Cylindracea superficie ab *A F* usq, in *E*, & observa ubi cadat eius umbra in opposito margine circa partes *G B*. Esto ut, cum in *E* ponitur, umbra cadat in *B*. Dimidium ergò circumferentie *EB*, metitur angulum refractionis radij *DE*, qui habet declinationem maximam à vertice, quippe tangit Crystalli Cylindricam superficiem in *E*.

## VI. AXIOMA.

Crystalli & vitri refractiones sunt proximè eadem.

## VII. AXIOMA.

Crystalli refractiones usque ad tricesimum inclinationis, sunt ad sensum proportionales inclinationibus.

## IX. AXIOMA.

Angulus refractionis in Crystallo est usque ad dictum terminum,

minum, quàm proximè tertia pars inclinationis in aëre.

### IX. AXIOMA.

Refraçtio Cryſtalli maxima eſt circiter 48. gradus.

### X. AXIOMA OPTICVM.

Inclinatio cauſatur refraçtionem, & radiorum in eodem medio conſtitutorum inclinationes æquales, cauſantur & refraçtiones ſeu refraçtionum angulòs æquales, inclinatio maior, etiam refraçtionem maiorem; nulla nullam: hoc eſt, perpendicularis non refringitur.

### XI. AXIOMA OPTICVM.

Radij à diuerſis punctis lucentibus in idem ſuperficie denſioris punctum incidentes ſe mutuò ſecant, & incidentium ſitus permutatur in refraçtis; non minus ac ſi ſectio contingeret ſine refraçtione.

*Probat in Opt. per X.*

### XII. PROPOSITIO.

Refraçtiones exquisitè penſitatæ non ſunt proportionales inclinationibus in aëre.


*Nam per VIII. cum eſt inclinatio 30°, refraçtio eſt 10°. Triplica utrumq;. Ergò in hac proportionẽ inclinationi 90°. deberetur refraçtio 30°; at experientia per IX. dat 48°.*

### XIII. PROPOSITIO.

Nullus radius, qui intra corpus Cryſtalli ſuper unam ejus ſuperficiem plus 42°. inclinatur, à vertice poterit illam ſuperficiem penetrare.

*In Schemate ſit corpus cryſtalli AC, ſuperficies plena FCO, ſuper hanc inclinetur AC plus quàm 42°, Erit igitur FCA. minor quàm 48°. quod ſi AC exit in aërem, refraçtus in aëre foris aut continget ſuperficiem*




perficiem in CO, aut non continget, sed elevabitur supra eam, ut si sit CG. At neutrum possibile est. Nam per IX.  ipsius CO contingentis refractio est  $48^\circ$ . igitur ipsius OC refractus est CH, interior quàm CA, quia FCA ponitur minor quàm  $48^\circ$ . Quia igitur OC refringitur in CH, nō in CA, nec igitur AC in CO refringetur per III. Sed nec GC in CA refringitur. Nam per XI. GC & OC in idem C punctum venientes secant se, & GC superioris quàm OC refractus fit inferior quàm CH, non ergo superior CA. Nequit igitur AC transire C.

#### XIV. PROPOSITIO. PROBLEMA.

Vmbras contra Solem projicere.

Præstat hoc Cubus Crystallinus. Sit enim FO cubus & E  $\beta$  Sol. A  $\omega$  corpusculum in superficie cubi FA. Radij igitur BA,  $\beta\omega$ , qui umbram extrinsecus ambientes formant, refringuntur in AC,  $\omega\kappa$ . Et CA,  $\kappa\omega$  necessariò plus quàm  $48^\circ$ . eleuantur supra puncta superficiei A $\omega$ , per IX. Cum autem angulus Cubi AFC sit rectus, & CAF sit plus quàm  $48^\circ$ ; erit FCA minus quàm  $42^\circ$ . Plus igitur quàm  $48^\circ$ . & sic plus etiam quàm  $42^\circ$ . inclinantur AC &  $\omega\kappa$  à vertice superficiei CF. Quare per XIII. AC  $\omega\kappa$  non penetrabunt superficiem FC. Quare per Optica principia, toti repercutientur in OD superficiem, & angulis quidem aequalibus ACF, DCO. Et quia COD angulus cubi rectus est, & DCO (æqualis ipsi ACF) minor quàm  $42^\circ$ . igitur CDO plus erit, quàm  $48^\circ$ ; minus igitur quàm  $42^\circ$ , inclinatur à vertice superficiei DO; ideoq; exire potest in E; Sic  $\kappa$  d in e. Et sic umbra ipsius A  $\omega$  cadit in E e contrario situ, fitq; Soli propior quàm corpus A  $\omega$ , longius productis DE, d e.




Eodem modo demonstrari potest, si in  $\omega$  collocetur erecta turricula,  $\omega \theta$ , umbra cūlmen E contra Solem conversum iri.

### XV. PROPOSITIO.

Radij penetrare possunt angulum linearem Prismatis triangulo æquilatelo formati ex vitro vel Crystallo.

Sit intra Prisma sectio  $ABC$  æquilatera. Duc ipsi  $BC$  parallelam  $DE$ , quæ sit radius aliquis. Dico ei patere exitum utrobique & in  $D$  & in  $E$  in aërem. Est enim  $ABC$ , ac proinde &  $ADE$  gr. 60. Complementum seu distantia à vertice  $D$  puncti in  $DA$  superficie est  $30^\circ$ , minus quàm  $42^\circ$ . Exhibet igitur  $ED$  in  $DF$ . Sic etiam è regione exhibit  $DE$  in  $G$ .




### XVI. AXIOMA SENSVALE.

Colores Iridis jucundissimi oriuntur, cum refraçtio est tanta: idq; tam si oculi transpiciant, quàm si Sol transluceat.

### XVII.

Sole prisma irradiante tria genera radiorum resultant, Sincerus, Vitri colore, & Iridis coloribus.

Sit enim  $F$ . Sol Is radiet in  $D$ . Hic quasi dividitur radij Solaris densitas, quæ minimâ sui parte repercutitur in  $DI$ , & anguli  $ADI$ , equali ipsi  $BDI$ , quo illabitur. Sincerus igitur radium, sed tenuem per  $DI$  vibrat in  $I$ . Sincerus est, quia in vitro tinctus non est: cuius corpus non ingreditur.



Potior autem pars de densitate ipsius  $FD$  penetrat  $D$  & refringitur in  $DE$ . In  $E$  verò rursum dividitur, ratio-

ne



ne densitatis. Potior enim pars transit E. & propter geminam magnam refractionem colores Iridis jaculatur in G.

Residuum ipsius DE tenue admodum repercutitur à superficie AC in EM; quòd si DE paulò obliquius in AE incidit, obliquius igitur in EM refringitur quàm hìc. Nam si minuas DE A, erit & minuendus MEC, ex lege repercussus. Et sic deniq; EM in BC rectus incidet, itaq; nihil in M refringetur. Cum autem FD hoc pacto bis pertransierit corpus vitri, quippe semel in DE, iterum in EM, exiens rectà per M, radium vitri colore jaculatur in K, rectius tamen è regione ipsius A. Nam docemur ex Opticis, radios lucidos tingi in medijs coloratis.

### XIIX. PROPOSITIO.

Si Crystallini vel vitrei corporis angulus rectus fuerit; ille inter oculum & visibile positus non transmittet radios visibiles ad oculum, sed superficies Crystalli contra visibile posita, putabitur opaca, & colorata colore corporis.

Sit enim radius CA intra corpus, is aut equaliter inclinabitur super superficies FC, FA, aut inequaliter. Si equaliter, plus igitur quàm  $42^\circ$ , inclinabitur, quippe  $45^\circ$ . non igitur transibit vel unam, vel alteram per XIII. quod si inequaliter, demonstratum est prop. XIII. quod unam earum non transeat. Non transit igitur ullus radius simul utramq; superficiem recti anguli Crystallini corporis.



### XIX. AXIOMA OPTICVM.

Locus rei æstimatur ex plagâ in quam visorius radius ex oculo primum exit; quicquid jam in medio itinere inter rem & oculum in hac plagâ per refractionem radij mutetur. Quia nequit oculus percipere, quid radijs per occursum medtorum

extra

extra se accidat : sed putat illos pergere in eandem semper plagam, uti cœperant.

## XX. PROPOSITIO.

Prismatis angulo supino, quæ sunt contra, videntur supra, prono infra, dextro dextra, sinistro sinistra.

*Resumatur prior delineatio prop. XVII. & esto Supinus A, Oculus F, Ergo FD fertur in DE, & in D 20°. gradibus (per XVI:) declinat à viâ DH. Amplius DE fertur in EG per alios 20°. declinans à viâ DE & sic per 40°. à viâ FDH: quod est penè semissis Anguli recti. Cum tamen oculus F, quæ sunt in G, infra putet se videre in H supra per XIX.*

Haftenus de plano Crystallo : nunc de Curvilineis :  
Primum de Luce.

## XXI. DEFINITIO.

Motus lucis ad locum exprimatur voce vergere. Convergere dicuntur radij, quando progrediendo à fonte, coeunt inter se magis & magis. Divergere quando à fonte progrediendo digrediuntur magis & magis à se invicem. Itaq; qui convergunt, ij post concursum sectione facta porrò divergunt.

## XXII. DEFINITIO.

Puncta radiantia longinqua vel remota dicuntur, quæ tanto absunt intervallo, ut pupillæ oculi diameter ad illud collata evanescat : propinqua verò, quando sensibilis est proportio pupillaris diametri ad intervallum.

## XXIII. POSTULATVM.

Punctum aliquod rei visibilis longinquum, licet radiet in orbem



9  
 orbem undique, respectu tamen oculi aut perspicilli, ad quorum diametros distantia nullam habet sensibilem proportionem, radios extrema oculi vel perspicilli contingentes, ponitur mittere parallelos, quorum unus solus perpendicularis esse potest in occurrentem superficiem curvam.

#### XXIV. DEFINITIO.

Vnius ergò puncti de re visibili propinquâ radij diuergunt versus pupillam oculi: plurium verò punctorum de quocunq; visibili radij singuli, conuergunt versus centrum visus. Et hoc si radiatio sit libera. Valdè igitur notandum, quando de radiatione agatur unius puncti, & quando de plurium punctorum radiationibus inter se comparatis.

*CD, CA, CE diuergunt versus oculum DE: sic etiam BD, BA, BE & omnes medij: At BA, CA, conuergunt versus centrum oculi A.*

De Lente.

#### XXV. DEFINITIO.

Lens est vitrum aut crySTALLUS in formâ disci orbicularis, latior, quàm profundior.

#### XXVI.

Conuexa lens est, qua vel utraq; , vel unâ solâ superficie convexa est, reliquâ plana.

Idem intellige de cavâ. Vtraque etiam communi vocabulo pura dicatur.

#### XXVII.

Mixta quæ alterâ superficie est convexa, reliquâ cava: perfectio utrimq; circulo; quæ scilicet est Puris opposita.



B

Conue-

## XXIIX.

Convexum, cavum, mixtum, in genere Neutro intelligitur Perspicillum, vitrum, corpus, &c. sonatq; idem quod lens convexa, cava, mixta, &c.

## XXIX.

Alia est magnitudo lentis per se, alia convexitatis aut cavitatis in lente. Illa corporis est magnitudo, hæc figuræ.

## XXX.

Hæc ipsius corporis magnitudo geminum habet respectū. Aut enim est absoluta, ut cum ipsi lentium orbis seu disci æstimantur, interq; se comparantur: aut refertur ad circulum suæ convexitatis; quota nimirum pars sit lens de suæ convexitatis circulo.

## XXXI.

Convexum aut cavum paruo vel magno circulo; sive convexum aut cavum parui vel magni circuli, intelligitur non de corpore, sed de figurâ & conformatione.

## XXXII.

Parvi circuli convexitas aut cavitas est magna; magni parva.

## XXXIII. Postulatum.

Vt convexi, concavi, vel mixti superficies utraq; centrum sui circuli habeat in eadem lineâ, quæ per medium lentis umbilicum transeat.

## Lentis concursus.

## XXXIV. PROPOSITIO.


Si punctum mittit parallelus in lentem convexam portio-  
nis minoris quàm sunt  $30^\circ$ , perpendiculariter objectam, et si  
nihil præterea accadat radijs: quàm quòd in ingressu refringū-  
tur: tunc manente solo illo radio irrefracto, qui per centrum  
transit sphaera, perpendiculariter incidens in superficiem, cæ-  
teri refractionem passi, concurrunt cum perpendiculari post  
sesquidiametrum sphaeræ circiter.

Sit.



Sit aliquod punctum longinquum, quod irradiet sphaera crystallina portionem B D. Et sit B C D minor  $30^\circ$ . Radiatio igitur erit parallela per XXIII. Horum radiorum solus I C sit perpendicularis, quippe per centrum A transiens.


Sumatur prater perpendicularem I C, unus parallelorum in aëre, quicunque sit H G. Quia ergo H G oblique incidit in superficiem B G C, per II refringetur versus perpendicularem ex G puncto incidentia, quae sit G A, sic ut infra G non amplius paralleli sint I C & H G. Concurrent igitur. Sit concursus in F, & H G in G F refringatur. Nam ipsi H G post G nihil amplius accidere fingitur. Dico igitur A F esse ipsius C A Duplam, & sic esse diametrum sphaera B C D. Inclinator enim H G, qui est parallelus perpendiculari I C, quantitate anguli G A C. Quod si refractione esset aequalis inclinationi, tunc H G in G A, scilicet in centrum ipsum refringeretur. Sed quia refractione non est aequalis, nec est tres tertiae partes inclinationis, sed una tertia, per VIII: ergo refractus G F à G A declinat duabus tertijs inclinationis G A C. Est ergo F G A de G A C duae tertiae. At juncti A G F & A F G aequant G A C. Ergo G F A est una tertia ipsius G A C, dimidiumq; ipsius F G A. Vt ergo sinus G F A dimidij ad F G A dupli anguli sinum, ita G A ad A F, ex doctrina Triangulorum. Sed sinus angulorum minorum quam  $15^\circ$ . sunt ferè proportionales ipsis angulis seu arcibus. Ergo sunt ferè in ratione dupla. Quare etiam G A vel C A ad A F est ut unum ad duo, seu ut semidiameter ad diametrum, & sic C F est ferè sesquidiameter.



## XXXV. PROPOSITIO.

Si paralleli radij inceserint intra corpus cryſtalli convexi: ij foris ferè diametro convexitatis infra convexum concurrerent cum perpendiculari, duòmodo portio minor ſit quàm 300.

Sit corpus Cryſtalli  $POR$ , terminatum convexo  $PQR$ : & per hoc corpus incedant aliqui Paralleli, quorum medius & perpendicularis ſit  $OQ$ . Caterorum unus ſit  $TR$ . Dico primum  $TR$  in  $RS$  foras refringi angulo refractionis dimidio minori, quàm eſt inclinatio, ut quia  $SRX$ ,  $TRO$  ſunt inclinationes Radiorum  $SR$ , &  $TR$ : qualium igitur  $TRO$  habet partes duas, talium  $SRX$  habere tres. Eſt enim refractionis angulus tertia pars inclinationis per VIII. Cum igitur  $SR$  in ingreſſu refringatur in  $RT$ :  $RT$  etiam in exitu refringetur in  $SR$  per III. Dimidium igitur inclinationis  $TRO$  eſt refractionis ipſius  $TR$ , cum è denſo exit. Dico amplius  $RS$ , integra ferè diametro circuli  $PQR$  concurrere cum  $OQ$ . Nam  $RSO$  eſt quantitas refractionis, & dimidium ipſius  $TRO$  vel  $ROS$ , tertia pars ipſius  $XRS$ . Vt verò ſinus anguli  $XRS$  ad ſinum anguli  $RSO$ , ſic  $OS$  ad  $OR$ . Sed ſinus Graduum tam paucorum proximè ſe habent ut arcus. Ergo ſinus  $XRS$  eſt proximè triplus ad ſinum  $RSO$ . Quare &  $OQ$  tripla eſt ad  $OR$  vel  $OQ$ . Cum igitur  $OQ$  ſit ſemidiameter, erit  $QS$  diameter ferè.



## XXXVI. PROPOSITIO.

Si Radij intra corpus denſum non ſunt paralleli, ſed verſus conuexum denſi terminum convergant, in breviori diſtantia à con-



à convexo, quàm est diameter convexitatis, ad punctum confluent.

*Convergant enim  $Q$  &  $LN$ , versus  $Q N$ . Et sit ipsius  $Q O$  parallelus  $N Z$ , refractus in  $NS$ . Secant ergò se mutuò  $LN$  &  $Z N$ . Ergo refractus ipsius  $L$  exterioris, quàm  $Z N$ , sit interior, quàm  $NS$ , refractus ipsius  $Z N$  per  $XI$ . Concurrit ergò cum  $Q S$ , supra  $S$ , puta in  $M$ . Et  $Q M$  est brevior, quàm diameter  $Q S$ .*

### XXXVII. PROPOSITIO.

Si punctum radians propius fuerit convexo, diametro convexitatis; radij eius puncti refracti, intus in corpore denso non paralleli futuri sunt, sed diuergent.

*Existente enim  $Q S$  diametro convexitatis, sit  $M$  punctum radians propius lenti, quàm  $S$ , & radij  $M N$ ,  $M Q$  divergentes. Divergent igitur etiam eorum refracti  $N L$ ,  $Q O$ , versus  $L O$ , ut prop. priori per  $XI$ , etsi eorum est, eos paulo minus divergere.*

Haftenus solitariè de unicâ superficie conuexâ  
lentis: iam de Lente totâ.

### XXXIIX. PROPOSITIO.

Radij ex uno radiante puncto paralleli in lentem Crystallinam vel vitream utrinq; conuexam perpendiculari, ter obiectam incidentes, propius post lentem concurrunt ad unum punctum, quàm est diameter circuli, qui format averfam superficiem: & propius, quàm sesquidiameter obuersæ.

*Sit lens  $D G$ , utrimq; convexa,  $A D G F$  perpendicularis per centra convexitatum. Veniant ergò à radiofo puncto longinquo paralleli quocumq;  $A D$ ,  $C B$ . Cum ergo  $A D$  &  $C B$  & quicunq; alij sint in aëre quasi paralleli per  $XXIII$ :  $D G$ ,  $B E$  in crystallo versus  $E G$  convergent per  $XXXIV$ , quasi concursuri in  $F$ . Ergo per  $XXXVI$ , punctum  $F$  ad quod*


B 3 ipsius

ipsius  $BE$ , refractus  $EF$  concurrir, propius erit ipsi  $G$ , quam est diameter cōvexitatis  $GE$ , qua sit  $GS$ . Eodem modo cum  $DG$  &  $BE$  concurruri fuissent sesquidiametro ipsius  $BD$  cōvexitatis post  $D$ . per XXXIV: si nimirum nihil amplius essent passi, praterquam in  $B$ : jam verò in  $E$  secundâ vice frangantur versus perpendicularem  $GF$ , quippe à suo perpendiculari puncti  $E$ , per II: patet, jam propius quàm sesquidiametro ipsius  $BD$ , concurrere. Hac ideo seorsim demonstranda. Non enim sequitur, si propius diametro  $D$  si ipsius  $EG$  concurrunt, ergo & propius sesquidiametro  $DF$  ipsius  $BD$ . Nam potest illa diameter esse major, quam hac sesquidiameter.

### XXXIX. PROPOSITIO.

Manentibus, quæ modo, si conuexitas utraq; ex eodem circulo fuerit, concursus post lentem fiet in puncto, quod abest semidiametro obversi convexi ferè, hoc est in centro eius.

Sint enim in schemate priori  $BD$  &  $EG$  æquales conuexitates & centra circulorum  $A$ .  $P$ . Secent se circuli in  $I$  productus  $G$  in  $K$ , &  $D$  in  $M$ . Et per sectionem  $I$  perpendiculares ducantur ex centrâ  $AL$ ,  $PN$ . Et per  $I$  sectionē transeat ipsi  $AF$  parallelus  $HO$ . Cum enim  $BD$  &  $EG$  in priori propositione parum differant, ponantur æquales, & pro ijs sumantur verè æquales  $DI$ ,  $GI$ . Quia igitur  $HI$ , inclinatur super  $DI$ ,  $M$ , declinâs à perpendiculari



*I* N angulo



IN angulo  $HIN$ , cui equalis est  $OIP$  seu  $IPD$ , refractus igitur ipsius  $HI$ , intra convexitatem tertiâ parte ipsius  $OIP$  declinabit ab  $O$  I versus  $IP$ , per  $II X$ . Atqui  $LIO$  equalis est ipsi  $NIH$ , quia  $AI, IP$  æquales &  $HIO$  ipsi  $AP$  parallelus. Refractus igitur intra corpus densum veniens, incidet in averfam ejus superficiem  $KIG$ , (cuius perpendicularis per  $I$  est  $AL$ ) angulo qui tertia parte maior est, quàm  $LIO$ . Habet igitur refractus ille intra corpus crystalli inclinationis in averfa superficie partes quatuor. Exiens verò per  $I$  in liberum aërem dimidio majorem debet in aëre sortiri inclinationem, quia qui ex illo aëre incidit in convexum inclinatus, perdit intra corpus tertiâ partē inclinationis per  $VII I$ . Ergò inclinatus ille trans lentem in aëre habet sex partes, qualiū angulus  $NIH$  vel  $LIO$  habet partes tres. Duplus igitur est angulus illius inclinationis ad angulum  $LIO$ . Atqui  $LIP$  etiam duplus est ad  $LIO$ , quia  $LIO, OIP$  æquales. Ergo  $IP$  est ille ab  $HI$  veniens refractus, & hū quidem refractus, semel in ingressu  $I$ , convexi  $DIM$ , iterum in egressu  $I$ , convexi  $GIK$ . Quare  $P$  centrum convexi obversi  $BDI$  est locus concursus parallelorum  $GB, AD, HI$ : si convexitates fuerint æquales. Compara  $XXXIV. XXXV. XXXIIX$ . memoria causâ sic. Tribus semidiamentris post convexum obversum, duabus post aversum, unâ post utrumq̃.

#### XL. P O R I S M A.

Patet hinc si inæquales fuerint convexitates, punctum concursus fore post lentem in distantia, quæ inter utriusq̃ convexitatis semidiametros versetur. Major scilicet semidiametro minoris, quia altera superficies est de maiori circulo, quæ si de æquali fuisset, semidiametri mensura in hoc intervallo fuisset. Minor verò diametro minoris, quia superficies minoris non est sola. Minor deniq̃ semidiametro maioris, quia si superfici ei minoris circulus æqualis fuisset, tum demum semidiametri mensura maioris in hoc intervallo fuisset, nunc autem non æqualis, sed minor est.

Proposi-

# XL I. PROPOSITIO.

Longinqui puncti de re visibili radij proximè lentem concurrunt, propinquioris puncti radiorum concursus post lentem est remotior.

*Nam per XXXIV. XXXV. XXXIIV. in earum schematibus tribus, Puncto infinitè distanti concursus est F. S. vel P. Vicissim puncto radiofo ad rem accedente, ut ex longinquo fiat propinquum, & collocato in F. S vel P, concursus excurrit in infinitum, per easdem & per III. Datis verò extremis dantur & intermedia, ut puncto versante ultra F. S vel P, concursus radiorum fiat intra infinitum, longinquus tamen sit, quantisper visibile valde propinquum, & vicissim visibili in longinquum exeunte concursus ipsis F S vel P propinquit: & deniq. per XXXV. Si utrimq. convexa sit lens, puncto radiofo, diametri intervallo absente à lente, concursus etiam diametro absit, radijs in lente parallelis existentibus.*

Lentis Effecta per se.

# XL II. DEFINITIO.

Cum quælibet lens convexa cogat radios unius lucentis puncti ad unum certum punctum; id verò longius post centrum abeat, si lucens propinquum est, quàm si longinquum, per XL I: quoties igitur concursus punctum nominatur simpliciter, nihil addito; intelligatur de eo puncto, ad quod coguntur & concurrunt radiationes puncti longinqui, scilicet parallelæ.

# XL III. PROBLEMA.

Super albo pariete pingere visibilia lente convexa.

*In camera obscura lens convexa obsideat unicam fenestellam. Papyrus ad punctum concursus applicetur. Nam punctum rei visibilis super papyro, omnibus radijs, quibus in lentem radiat, rursum in unicum ferè punctum*



punctum colligitur. Constant verò visibilia punctis infinitis. Infinita igitur talia puncta pingentur super papyro, id est tota rei visibilis superficies.

#### XLIV. PROPOSITIO.

Pictura lentis inversa est.

Nam lens est basis in quam insistant binum utrimq; conus, alterius vertex est in puncto visibili, alterius vertex in puncto picturae super papyro.

#### XLV. DEFINITIO.


Dicamus talem bigam doctrinæ causa Penicillum.

Iam verò penicilli omnes omnium punctorum in lente velut in communi basi conorum concurrunt & transit à lente rursum divergunt: sortiunturq; plagas contrarias. In hac pictura penicilli tres sunt AB, CD, & EF concurrentes in lente convexa GH, veluti in basi communi.

#### XLVI. PROPOSITIO.

Sicut se habet Diameter picturae ad eius distantiam à lente, sic se habet diameter rei visæ ad eius etiam distantiam à lente, ferè. Nam axes penicillorum (rectæ ductæ à puncto visibili ad punctum picturae respondens) secant sese mutuò omnes penè

C in uno



in uno puncto, quod est proximè centrum lentis. Ergo anguli  $\kappa\alpha\tau\grave{\alpha}\ \kappa\omicron\rho\upsilon\Phi\eta\nu$  æquales, per XV. primi Euclid. habent etiam bases cruribus utrimq; proportionales, per I V. sexti Euclid.

#### XLVII. PROBLEMA.

Semidiametrum convexitatis compendiosè indagare, si sit lens utrimq; convexa, æquali convexitate.

*Papyrus applica, ubi res longinqua pinguntur distinctissimè omnium. Nam per XLIII. papyrus erit in puncto concursus. Ergo per XXXIX aberit semidiametro convexitatis, à lente.*

#### XLIIIX. PROBLEMA.

Idem indagare, si lens sit hinc convexa, inde plana.

*Converte planum lentis versus visibile longinquum, idq; perpendiculariter; ut sic radij in ingressu reſtanguſo nihil frangantur. Et papyrus ibi applica, ubi pingitur visibile distinctè. Ergò per XLIII. papyrus erit in puncto concursus, & per XXXV. diametro ferè integrè convexitatis aberit poſt lentem.*

#### XLIX. PROBLEMA.

Lentem æqualis utrimq; convexitatis visibili propinquo metiri quantam habeat diametrum convexitas.

*Tene lentem medio loco inter papyrus & visibile idq; perpendiculariter & præcisè: distantiam verò utriusq; à lente aequalibus incrementis auge vel minue, quoad pictura in papyro fiat distinctissima.*

*Nam quia visibile super papyro pingitur, papyrus igitur est in puncto concursus radorum à puncto rei visibilis, per XLIII. Quia vero equaliter absunt visibile & papyrus à lente; radorum igitur partes intra corpus lentis erunt parallelae. Si n. non essent parallelae, nullius radij pars (præter intimi, per lentis umbilicum perpendiculariter ducti) in utramq; equalium superficierum equali inclinatione incurre-*



incurreret, neq; igitur aqualiter refringeretur per *XIIX*. Quare neq; aquali utrimq; intervallo à lente cum perpendiculari concurreret. Cum igitur sint paralleli intra corpus, concursus diametro lentis aberit, per *XXXV*.

## L. PROBLEMA.

Lente utrimq; æqualiter convexa incendere.

*Soli perpendiculariter objice lentem, ustile applica in puncto concursus, quod aberit semidiametro convexitatis, per XXXVIII. quia radij centri Solis paralleli sunt, per XXIII.*

## LI. PROBLEMA.

Idem præstare per lentem altrobiq; planam.

*Fit diametro ferè convexitatis post lentem per XXXV.*

## LII. PROBLEMA.


Lente convexa de nocte literas illustrare ad præsentiam unius claræ stellæ, ut legi possint.

*Radiet stella perpendiculariter in lentem. Papyrus sit post lentem cum literis legendis. Si lense est utrimq; aqualiter convexa, distantia sit unius semidiametri, per *XLIII*. & *XXXIX*. Sin utrobi plana, diametri per *XXXV*. At si inæqualium convexitatum; distantia plus habebit semidiametro minoris, minus diametro. per *XL*.*

## LIII. PROBLEMA.

Lente convexâ lumen de nocte longissimè ejaculari.

*Lumen sit post lentem in puncto concursus parallelorum radiorum. Igitur radij luminis divergentes versus lentem, refractione factâ paralleli exhibunt per *XXXIV*. *XXXV*. *XXXIX*. *XL*. Conducit lumen hoc poni in centro speculi con-*



cavi, ut radij averſi reflectantur in lumen & per id tranſeant in lentem. Quòd ſi retraxeris tamen à lente; illuminatio illa fortiſſima ex infinito propius accedet ad lentem, ita poteris illam moderari, ut illumines aliquem locum quantum velis diſtanti per XLI.

#### LIV. PROBLEMA.

Diſtantiã rei viſibilis lente utrimq; æqualiter convexã metiri unicã ſtatione.

Nam ſi viſibile pingitur in diſtantiã papyri à lente, majori quàm eſt diameter convexitatis, viſibile minus aberit, quàm diametro convexitatis. Quippe ſi papyrus aberit diametro, & viſibile aberit diametro, per XXXV. Quare etiam ſi papyrus minus aberit diametro, viſibile plus aberit diametro, per XLI. Deniq; ſi papyrus perfectam habens picturam, ſemidiametro convexitatis nota abſit, res longinqua erit, ut menſurari amplius non poſſit picturã, per XXXIX.

#### LV. PROBLEMA.

Idem lente convexã præſtare aliã ratione: ſi nota ſit quantitas rei viſibilis.

Fit per XLVI. Nam ut longitudo picturæ ad ejus diſtantiã à lente, ſic longitudo nota rei viſibilis ad ejus diſtantiã à lente.

#### LVI. NOTA.

I. Baptiſta Porta pollicetur Problema in infinitum comburere per lineam uſtoriam: quod ille de ſpeculo tradit: alij vero de lente convexã verum eſſe opinantur. Vtrum ſequaris, impoſſibilia aggredieris. Repugnat Optica ſcientia.

Primò, combuſtio eſt propter ſectionem radiorum. Sectio punctum eſt, non linea. Secundò: ſi in infinitum comburit, ergò & in ipſa ſuperficie lentis, unde exit: quare lens deſtruetur. Tertiò, ſi radius acquirit vim comburendi, acquirit eam ex collectione multorum radiorum in unum.



*in unum. At hoc impossibile est. Vnus enim radius in unum etiam punctum incidit. At unius puncti in qualibet superficie, una etiam sola est refractione cuiusq; radij per id punctum transeuntis. Vnus igitur etiam post id punctum radius, non multi distincti, distinctarum inclinationum, qui in unum refractione colligantur. Sed de hac re infra plura, ubi concava convexis associavero.*

Haftenus de lente convexa, eiusq; usibus citra respectum oculi, iam de ijs usibus, quos habet in adjuvandâ visione. Et prius De Ipsa Visione.

## LVII. AXIOMA PHYSICVM.

Axes per centra pupillæ & humorum oculorum transeuntes naturali motu vel potius quiete paralleli sunt, voluntariè verò contorquentur ad propinqua contemplanda.

## LIIX. DEFINITIO.

Distincta visio, est in quâ partes rei subtilissimæ elucet, & in conspectum veniunt. Confusa; in qua partibus maioribus apparentibus, minores latent, & veluti oblitterantur seu obliuntur, confusis inter se terminis. Fortis visio seu clara, est cū res videtur quasi in multo lumine; Debilis seu obscura, cum res videtur quasi in tenui lumine, quale est in Eclipsi Solis, aut lucente Lunâ.

## LIX. PROPOSITIO.

Superficies densi, quæ parallelos per corpus venientes post corpus refractione factâ perfectè concurrere facit, est Hyperbolicæ ad finis.

*Esto circuli pars ABCDEFG. centro H. & perpendicularis HD producta sit sufficienter. Ejusq; paralleli RA, PB, LC, KE, MF, QG.*


C 3

Quod

Quod si refractiones omnes essent incidentiæ proportionales, refractione factâ paralleli omnes in idem punctum concurrerent, puta in I, per XXXV. Sed quia non sunt proportionales per XII. Sed augentur supra modulum in magnis inclinationibus, ideoq; LC quidem & KE concurrunt in I, at proximi PB & MF concurrunt altius in N, & ulteriores RA. QG adhuc altius in O.

Ut igitur puncta O N I coëant in N oportet in AG fieri minores refractiones, in CE majores. Minor autem erit in AG, refractione, si minor sit illic inclinatio RA, QG ad superficiem, major in CE, si major inclinatio LC, KE.

Minor autem inclinatio fit RA ad AB, si AB termino B ipsi R appropinquet, hoc est, si superficies aliqua sit, quæ circulem superficiem ABC in A secet, altior incedens quàm ABC. Eadem si BCD in E rursum secuerit, major erit ipsius LC super eam inclinatio. Sic & in E, G. Secat igitur nova linea veterem in punctis quatuor. Idem autem facit Hyperbola. Non facit Ellipsis. Nam Ellipsis portionem semicirculo minorem non secat, nisi in duobus punctis. Parabola verò etsi idem facit, non est tamen similis quæsitæ superfici ei ob hanc causam. Nullum enim ad certum angulum sese accommodat. At superficies quæsitæ sese ad angulum certum debet accommodare, qui est  $96^\circ$ , quia refractione maxima est  $48^\circ$ , cujus duplum est  $96^\circ$ . per IX.



## LX. PROPOSITIO.

CrySTALLINUS humor oculi est lens convexa, formâ hyperbolæ, & retiformis tunica, spiritus plena, post CrySTALLINUM, est pa-



est papyri vice, & pinguntur in ea visibilia pictura reali. Esse Crystallinum humorem, lentem convexam pellucidissimam, constat experientia Anatomicorum. Figuram etiam posteriore parte esse hyperbolicam; & Retiformem in circulum seu orbem cavum explicari undique circa Crystallinum, in distantia certâ à Crystallino; & præterea albam subrufam esse, ut papyrum, testantur iidem.

*Hiscè positis per XLIII. sequitur picturam existere visibilium rerum in retiformi, & per LIX, quia est figurâ hyperbola cognatâ, consentaneum est, id fieri ad conciliandum penicillis perfectum & purum acumen, ijsq; picturam fieri distinctissimam.*

## LXI. PROPOSITIO.

Visio est sensio affectæ retiformis spiritu visivo plenæ: si-  
ve, Videre, est sentire affectam retiformem, quatenus affecta:

*Retiformis tunica pingitur à radijs coloratis rerum visibilium. Hæc pictura seu illustratio, est passio aliqua, non tantum superficiaria, ut cum parieti creta affricatur, aut lumen in eum allabitur, sed etiam qualitativa penetrans in spiritus. Probo primum à natura lucis, quæ si foris & condensata, urit; per L. Quod si fuerit eadem proportio subtilissima lucule in retiformem allapse ad spiritus in retiformi subtilissimam tenuitatem, quæ est foris in aëre densissima lucis ustoria ad crassam corpulentiam eorum, quæ uruntur: tunc non minus in retiformi sequetur actio lucule penetrans, & passio retiformis spiritusq; quàm foris sequitur ustio, (actio) lucis, & destructio, (passio) materia, quæ uritur. Probo secundo ab experientia. Oculi intenti in lucem fortem adeò afficiuntur, ut etiam subiecti à splendore viso, tamen imaginem ejus, retineant & circumferant, sat is interdum diu. Pictura igitur illa retiformis, est passio penetrans. At hæc pictura nondum absolvit visionem integram; nisi species retiformis sic patientis, continuatione spirituum transeat in cerebrum, ibiq; sistatur ad facultatis anime limina: quod sic fit.*

*Quem-*

Quemadmodum omnis sensus externus perficitur receptione & impressione, passione scilicet; cum imprimitur ei quod sentit, species rei externa: & hac passio sensio dicitur. Sic etiam intus in cerebro est aliquid, quicquid sit, quod communis sensus dicitur, cui imprimitur species instrumenti visorij affecti, hoc est picti à luce rei visibilis. Quae igitur accidunt Instrumento extra sedem sensus communis, ea per speciem immateriatam delapsam ab instrumento affecto seu picto, & traductam ad limina sensus communis illi sensui communi imprimuntur. Sed impressio hac est occulte rationis: nec tutò dici potest, speciem hanc intrò ferri per meatus nervorum Opticorum, sese decussantium. Nam usus horum nervorum patet alius manifestior, ut scilicet spiritum visivum ex utraq; cerebri parte utriq; oculo sufficiant, qui idè decussati sunt, ne altero sinu cerebri laseo, aut obstructo nervo, qui ex eo exit, statim & alter oculus privaretur spiritu. Cū igitur manifestū usum habeant nervi Optici; obscurum est, an etiam insuper serviant speciei affecti Instrumenti traducendæ intrò in cerebrum: an potius sint alij aliqui spiritus, subtiliores corporeo isto, per retiformem sparso, qui meatu corporeo non indigentes, per totum corpus liberè spaciuntur, membrorumq; affectiones excipientes, cerebri facultati, quæ communis sensus dicitur, communicent. Fortè sic est, ut transferatur hæc species affecti instrumenti à retiformi in cerebrum per meatum quidem nervi Optici, non tamen quatenus is est aliquis corporeus meatus, sed quatenus is ab ipsa sede sensus communis usq; in nervum opticum est spiritu plenus, & sic continuatio spiritus sit causa transeuntis affectionis ab oculo in cerebrum: sicut in stagnantibus undis motus lapillo injecto factus, ad littora usq; propagatur: quousq; scilicet superficies aquæ stagnantis continuatur.

Potest dici quemadmodum Sol lineis rectis pellucidis illuminat omnia; sic Anima facultatem, quæ est in cerebro, lineis spiritualibus quocunq; flexu, tantummodo continuis, illuminare instrumenta. Tunc enim sicut nihil nos juvat aer pellucidus, si opacum intercurrit Solem

& nos:



& nos: sic etiam nihil profuerit spiritus, qui astat retiformi, si superius & interius in capite quacunq; de causa spiritus ille ductus intercipiatur, continuusq; esse desinat. Hinc illa subita luminis extinctio in morbis, non per recarsum spirituum, sed per abruptionem interceptionemq; eorum, à constricto, vel obstructo vel preciso meatu.

Hæc de alterâ passione, quæ est sensus communis, & causatur à specie patientis instrumenti: quod ejus objectum est.

## LXII. PROPOSITIO.

Instrumento utroq; similiter affecto, videmur speciem unam videre: at dissimiliter affectis vel pictis intus duorum oculorum tunicis retiformibus, duo nobis pro uno repræsentantur visibilia.

Non est enim sensus instrumenti in sensu communi, quatenus nudum instrumentum. Aut si est, perpetuus est, nihilq; aptus ad novam aliquam efficiendam sensationem. Sed est sensus instrumenti, quatenus id affectum per LXI.

Si ergo similiter affecta, similis etiam ab utroq; affecto impressio seu passio erit, in sensu communi, uno & eodem existente. Vestigium enim ut sic dicam, quod dexter oculus sua affectione imprimit sensui communi, imprimit & sinister suâ: quantum ad efficiendam in cerebro novam sensationem attinet. Posterior pars Propositionis sequitur ex LXI. Nam si visio est sensio instrumenti affecti, ut affectum: duo verò instrumenta sunt, quodlibet affectum peculiariter, dua igitur fient impressiones in sensum communem, & sic dua ejusdem rei sensationes.

Non servit igitur decussatio nervorum Opticorum intus in cerebro, ad agnoscendam rei duobus oculis visæ unitatem. Repugnat enim & hoc, quod semper ij decussati sunt: at non semper videmur rem unam videre, etsi unam utroq; oculo videmus.

## LXIII. PROPOSITIO.

D

Non

Non est possibile, ut retiformis, retinens eundem situm in oculo tam à propinquis, quàm à remotis distinctè pingatur.

*Nam per XL I. remoti puncti radiationes concurrunt propius post lentem, quàm propinqui. Iam verò per XLIII. in puncto coitionis fit accurata pictura, ergo extra punctum concursus fit confusa pictura; quare per LX etiam visio indistincta. Et sic, ubi accuratè pinguntur propinqua ibi non est concursus radiorum puncti remoti, ibidem igitur remota pinguntur confuse, & vicissim: & per consequens, quo situ retiformis tunica ad crystallinum remota videmus distinctè, illo situ ejusdem, propinqua videmus confuse.*

#### LXIV. PROPOSITIO.

Sunt qui remota distinctè vident, propinqua confuse, quos Aristoteles appellat *πρὸς ὄψιν*: sunt qui propinqua distinctè, remota confuse, qui Aristoteli sunt *μύωπες*: sunt, qui propinqua & remota confuse, deniq; qui utraq; distinctè.

*Propositio est physiologica & ferè medica. Qui utraq; simul confuse vident, oculi morbum habent, lusciosi vel planè caci. Conformatione enim oculi vitiata, sequitur hoc πᾶσι &.*

*Qui utraq; simul distinctè vident, oculum & sanum habent, & figurâ mobilem. Nam quia per LXIII. retiformis nequit eodem situ ab utrisq; equaliter pingi, in his verò qui utraq; distinctè vident, equaliter pingitur per LX. LXI. retiformis igitur respectu humoris crystallini, aut humor crystallinus respectu retiformis tunica loco movetur ijs. Atq; hoc est verisimile oculum sanum, vegetum & juvenilem, sicut manifestum habet motum naturalem anteriùs in pupilla, constrictionis in magnâ luce, & dilatationis in tenui: sicut etiam in retiformi tunica post crystallinum habere facultatem eandem, ut ventrem dilatat, quo fundus ad Crystallinum attrahatur, si remota sunt videnda: vicissim constringat ventrem, ut fundus discedat, si inspicienda propinqua. Aut insit motus iste naturalis potius tela aranea, seu arachnoidi*



noidi tunica, qua lentem humoris crystallini in centro sui affixum habet, eumq; per radios nigros circumcirca emissos cum uvea connectit. Nam radij isti nigri, processus ciliares dicti, videntur ideo sic pectinatim esse distincti, ut quilibet pro se esset veluti peculiaris quidam musculus; quibus universis simul recurrentibus in sese & sic brevibus effectis, hoc veluti diaphragma oculi angustius redditum, contractis lateribus oculi, facit oculi figuram non nihil oblongam seu Ellipoiden, ubi fundus seu retiformis tunica cavitas recedit ab humore crystallino. Attenuatis vero ciliaribus processibus in tela aranea, & sic in longum exporrectis, ampliatur circulus per latera oculi ductus, & fit oculus magis lenticularis figura, fundo retiformis ad Crystallinum accedente; ejusdem uvea ministerio, qua pupillam etiam arctat & laxat. Hunc ad usum humores, excepto Crystallino, fluxiles sunt, & comprimi possunt.

Qui verò alterutra solum distinctè vident, oculum habent sanum quidem, sed jam indurescentem, ad vesectum & quasi senilem. Vanum enim est, senes solos propinqua non videre distincta, aut solos juvenes remota. Promiscuè hæc utriusq; eveniunt, secundum habitus corporum, aut exercitia juventutis. Nam qui à pueris venationibus, aucupio, navigationibus, itineribus est deditus, oculum ad vesfacit ad remota; sed quia identidem cibum capere, cum hominibus colloqui oportet, manet oculus in exercitatione etiam ad propinqua respiciendi. Tempore tamen debilitatur exercitatio; ita fit ut ferè ij, qui nullo in juventute vitio visionis laborant, in senio sola remota distinctè videant. Magis enim naturale est, oculos parallelos tenere, quàm contorquere ad propinqua per LVII. In senio verò fatigatur oculus, ut retentà naturali directione, omittat ea, in qua cum labore perspicitur. Atq; hoc illis vitium plerumq; tardè obvenit, in multo senio.

Contra, vitam à pueris agentes sedentariam, intra parietes, literis incumbentes & manuarijs artificijs subtilibus, ij celeriter affvescunt ad propinqua, nec unquam successu ætatis abstrahuntur, sed potius magis magisq; cecutiunt ad longinqua.

*Sunt etiam primi generis homines magis ebriosi & somnolenti & ociosi, & cogitabundi, hoc est, qui crebrò dimittunt curam rerum ante pedes & sub manibus versantium, quibus idè oculi diriguntur ut plurimum in situm parallelū, quo situ non nisi remota distinctè videntur.*

*Secundi verò generis homines sunt potius sobrii, vigiles, laboriosi, intenti ad presentia.*

*Sic illi ferè procerà statura sunt, quia magis à fundo remotum habent oculum & longius prospiciunt, hi potius pumili; quod tamen non est perpetuum. Dictum est enim hic etiam aliquid sibi vindicare corporis habitum naturalem.*

### LXV. PROPOSITIO.

Convergentibus quacunq; ratione unius radiosi puncti radijs versus oculum impossibile est fieri distinctam visionem.

*Omnis enim oculus factus est ut aut remota distinctè videat aut propinqua. Remota radiant quasi  $\infty$  per XXIII. Propinqua divergentes mittunt radios in oculum per XXIV. Nullum ergo distinctè visibile punctum radiat sic, ut ejus radij ubi oculum tangunt convergant.*

Haftenus de oculo & visione: sequitur de usibus lentis respectu oculi.

### LXVI. AXIOMA OPTICVM.

Res cognitæ distantiae & incognitæ magnitudinis sub magno visionis angulo ex inopinato comprehensa videtur magna, sub parvo parva.

Probatur in Optic, ex XIX.

### LXVII. AXIOMA OPTICVM.

Intervalla inter oculum & rem minutam, sunt in eversa proportionem angulorum visoriorum: hoc est, quo longius res quælibet recedit, hoc minori angulo cernitur.

Res.



## LXVIII.

Res cognitæ magnitudinis, & incognitæ distantia, ut facies hominis adulti, unico oculo sub magno visionis angulo ex inopinato comprehensa, videtur propinqua, sub paruo remota per LXVII.

*Est conversa demonstratio prioris. Unico vero oculo visionem oportet esse peractam; quia dualitas & distantia oculorum (nec minus & motus capitis, vicem supplens plurimum distantium inter se oculorum) distantiam rei, si proportionata est, ex incognita reddit cognitam.*

## LXIX.

Cum igitur remota omnia, putentur eodem abesse intervallo, quippe incognito quod tamen ob hoc ipsum, quia valde remotum, quasi cognitum concipitur (verbi causa unam cœli concipimus superficiem, in qua insint omnes stellæ, quocunque intervalli discrimine) remota igitur incognitæ magnitudinis sub majori angulo visa, majora putantur, sub minori minora, absolutè. Ex LXVI.

*Vt si quâ ratione angulus quo Luna videtur ampliatur; lunam ipsam putabimus majorem esse effectam; quia de distantia lune nihil aliud concipimus, quam hoc; illam quocunque videatur angulo, in eodem cœlo manere.*

## LXX. PROPOSITIO.

Per lentes convexas, oculo posito intra propinquitatem puncti concursus radiorum ab uno visibilis puncto fluentium, Visibile repræsentatur in suo situ, v. g. erectum, si ipsum est erectum: & cætera.

*Sit lens A B. Visibile C E, non jam unicum punctum, sed quantitas. Puncta visibilis extrema C & E. Radiatio puncti C sit C B F, C H F, C A F & c., punctum concursus F. Sic radiatio puncti E, sit E B D,*


D 3 E K D,

*EKD, EAD, &c. punctum concursus D. Sit jam oculus intra puncta concursus DF & lentem AB, loco aliquo intermedio, ut in IG & quantitas pupillae foraminis IG. Ergo sic positus oculus, non admittit totum penicillum EADBE, puncti E, sed solam partem EKIDGBE. cujus junctura in parte lentis KB. Rursum IG non admittit totum penicillum CAFBC puncti C, sed solam partem CAIFGHC, cujus junctura in parte lentis AH. Quilibet igitur radiorum inter KI, BG monstrat punctum E, dexter dextrum. Et quilibet radiorum inter AI, HG monstrat punctum C, sinister sinistram. Quare quo situ AHGI & KBGI penicillorum partes ad oculum GI allabuntur, eodem situ etiam C & E vertexes penicillorum seu puncta visibilia revera siti sunt.*

### LXXI. PROPOSITIO.

Omnis per convexas lentes erecta representatio erectorum visibilium longinquorum, est necessario confusa : & tanto confusior, quanto lens convexa ab oculo remotior.

Nam per superiores à XXXIV, in XL. uniuscujusq. puncti de re visa longinqua (sit in priori schemate puncti C) radij CA, CH & reliqui paralleli (per XXI) usq. ad lentem convexam; post refractione facta in lente convexa jam versus oculum IG convergunt. At per LXV. convergentibus radijs unius puncti ad oculum, impossibile est distinctam fieri visionem. Cumq. convergentia sit causa confusionis, major convergentia erit majoris confusionis causa. Major autem est convergentia in





ria in maiori parte penicilli ab oculo intercepta, cum scilicet oculus est à lente remotior. Major igitur & confusio erit erecta visionis, si lens ab oculo remotior fuerit.

## LXXII. PROPOSITIO.

Aliqua per convexas lentes erecta repræsentatio visibilium propinquorum, est τοῖς πρὸς ὅρας distincta.

Presbyta dicuntur Aristoteli, qui, cum remota distinctè videant, ad propinqua sunt lusciosi, ut L XIV. Talis igitur aliquis per XXIII. oculos affvescit ad radios uniuscujusq. puncti parallelus. Iam verò per XXXV. & XXXIX. est aliquod punctum trans lentem seu perspicillum, in quo si punctum rei visibilis ponatur, radij illius puncti transià lente paralleli incedunt versus oculum. Distincta igitur representatur illis res visibilis per lentem convexam.

Et nota, Demonstratio definit limites rerum subtiliter. Natura verò cis & ultra evagatur nullo magno visionis incommodo, nisi cum nimio evagatur.

## LXXIII. PROPOSITIO.

Oculus in puncto concursus parallelorum collocatus, videt propinqua adhuc erecta.

Nam oculus collocatus in puncto concursus parallelorum (hoc est venientium à puncto remoto & longinquo per XXIII) est adhuc intra terminos concursus radiorum puncti visibilis propinqui per XLI. Quare per LXX. visibile adhuc erectum representabitur.

## LXXIV. PROPOSITIO.

Oculus in puncto concursus radiorum à puncto rei defluentium constitutus, punctum illud radians per lentem distinctè non videt, sed omnium confusissimè,

Nam

Nam radij unius puncti, refractione in lente facta, convergunt versus punctum concursus. Si ergo oculus in puncto concursus, convergunt igitur versus oculum. At per LXXV. convergentibus his, fons & origo eorum distinctè non videtur: Cumq; maxima sit convergentia in illo puncto, omnium earum, quæ per unam lentem esse possunt; confusio igitur erit ibi maxima omnium.


### LXXV. PROPOSITIO.

Oculus constitutus extra punctum ad quod concurrunt unius visibilis puncti radij videt illius visibilis puncta per lentem convexam everso situ.

Non dico quod in quacung; elongatione à puncto concursus unius puncti radiorum videat totum visibile eversum. Nam ut magnam visibilis partem videat, opus est elongatione magnâ. Sed in genere transitionem concursus radiorum visibilis certi, sequi dico eversionem illius visibilis.

Esto enim in schemate Propositionis LXX. oculus non in IG intra D vel F puncta concursus, sed in O P extra hæc puncta tanto intervallo remotus, ut totum CE visibile videri possit: scilicet productis AD dextri puncti E sinistimo, & BF sinistri puncti C dextimo ad concursum (qui sit sit L), & alterius; sit oculi pupilla O P ultra hunc concursum.

Ergo dextrum punctum E, radio EADLP, & vicinis, (qui in puncta ipsi A sinistra parti lentis vicina, versus H incidentes, & refractione facta in D





in D concurrentes, indeq<sup>3</sup> rursus divergentes, versus P O latitudinem oculi; ) his inquam radijs à sinistra lentis parte A venientibus, E dextrum punctum irradiat oculum O P. Contra sinistrum punctum C radiat in O P oculum radio C B F O, & vicinis versus K qui convergentes in F post iterum divergunt per XXI versus O P oculum; & ita C sinistrum punctum visibilis radiat à B K dextra parte lentis. Cum autem oculus non capiat, quid radijs in lente ipsa accadat, sed aestimet, ibi sitam esse quamlibet partem rei visibilis, unde ejus radij oculum ingrediuntur per XIX, ideoq<sup>3</sup> res visibilis C E representatur eversa oculo in O P.

### LXXVI. PROPOSITIO.

Punctum everisionis, seu in quo se secant binæ lineæ à binis punctis rei visibilis in centrum oculi confluentes: id inquam punctum est inter visibile & lentem.

Probabitur enim, ut prius proposuit, LXXV. lentis partes dextras respondere sinistris rei visibilis, & vicissim. Nulla ergo fit sectio conorum visivorum inter oculum & lentem, sed inter lentem & visibile. Quod verò de conis totis verum est, idem & de lineis medijs conorum verum esse necesse est, quæ in centrum pupillæ incidunt; atq<sup>3</sup> etiam de ijs quæ in extremitates pupillæ. Vt in schemate p. LXXV. in puncto S secant se E A D L P & C B F L O, in P. O. extrema pupillæ lapsi. L. verò sectio est pars concursus conorum O D P, O F P in O P, qui hic jam non consideratur, quia hic supra prop. LXX, situm rei non evertibat. Erant tunc coni I A C H G & I K E B G.

### LXXVII. PROPOSITIO.

Oculus πρὸς ὅτου nihil penè everfarum rerum per lentem convexam distinctè videt.

Cum enim πρὸς ὅτου per LXIV. oculum assuefecerit ad radiationem parallelam, puncti scilicet remoti: eorū non sit aptus ut radijs unius

E puncti

puncti sensibilibus divergentibus videat distinctè : In eversione visibilis, omnia visibilis puncta post D. F concursus radios habent iterum divergentes versus oculum O P. per XXI. Vt DO, DP, sic FO, FP. Non videt igitur oculus Presbyta in O P distinctè, nisi si O P latitudo pupilla ad DO longitudinem non habeat amplius sensibilem & proportionatam distantiam, ut sic DO, DP sint quasi paralleli.

### LXXVIII. PROPOSITIO.

Oculus  $\mu\omega\pi$  & quamlibet rem seu propinquam, seu remotam, ubi lente convexa fuerit eversa, videt distinctè in certâ remotione oculi à concursu radiorum unius puncti de re illa visibili.

$\mu\omega\pi\epsilon\varsigma$  sunt Aristoteli, qui propinqua distinctè vident, ad remota lusciosi. Vt p. LXIV.

Eorum igitur oculi sunt affecti ad radios sensibilibus ab uno puncto divergentes. At per LXXV eversio contingit extra punctum concursus. Per XXI. verò unius lucentes puncti C radij, qui divergebant versus lentem KB, & transit à lente convergebant versus punctum F concursus, eo jam etiam transmissio rursus divergunt versus O P oculū. Apti igitur sunt huic oculo ad distinctam visionem illius puncti C.

Dico autem in uno certo loco à D F concursibus radiationum visibilis D E spectandi. Nam facultates oculorum diversorum distinguuntur secundum divergentias majores & minores per LXIV. In majori vero remotione pupilla O P à concursibus D. F. est minor divergentia, quia minor erit O D P vel O F P angulus, si basis O P eadem, crura verò O D, P D longiora, Cuilibet igitur oculo sua servit certa remotio à D. F. concursibus.

### LXXIX. PROPOSITIO.

Vnica superficies convexa paruo circulo, in cogendis radijs ad punctum æquipollet duabus lentis superficiebus convexis.



vexis ex uno circulo duplo majore desumptis.

Sit convexum utrimq, aqualiter  $AB$  circulis  $ADB$ ,  $ACB$ , quarum centra  $F$ ,  $E$ . Ergo per XXXIX punctum concursus est  $F$ . Dimidia ipsius  $DF$  vel  $CE$  sumatur qua sit  $GL$ . Et centro  $G$ , spacio  $GL$  circulus scribatur  $HLI$ . qui solus refractionem causetur parallelorum ex plaga  $G$  centri venientium. Sit  $GL$  in  $K$  continuata, &  $LK$  dupla ipsius  $GL$ , ideog, equalis ipsi  $DF$ . Ergo per XXXV, paralleli in  $HLI$  refracti concurrent in  $K$ . Idem igitur prestat convexitas  $HLI$  unica parvi circuli, quod in  $AB$ , dua, circuli duplo majoris; quia punctum concursus utrimq, aqualiter remotum est à corpore denso, quippe  $DF$  &  $LK$  aequales.




## XXC. PROPOSITIO.

Omnis per convexam lentem erecta imago visibilis rei, est necessario major justo.

Nam per LXX. conversam, si imago est erecta, oculus est intra propinquitatem puncti concursus radiorum, ab uno visibilis puncti concursus radiorum, ab uno visibilis puncto fluentium, Et conorum à visibilibus punctis in pupillam, seu linearum ab iisdem in centrum oculi ingredientium intersectio nulla fit inter visibile & oculum per LXXVI. Sit ergo lens  $AB$ , oculus  $C$ . visibile  $DE$ . Cum ergo plura proponantur puncta rei visibilis, linearum singularum ab ijs singulis descendantium in centrum oculi, vel vicissim, aut una sola erit perpendicularis in lentem, aut nulla. Quare aut omnes refringentur in lente, aut præter unam omnes, per X.

Iam per LXXIX, dua lentis convexitates, idem praeſtant in reſra-  
 ctione, quod una, quae cōtinet in ſe utramq̃.  
 Ne igitur nos hic turbet duplicitas conve-  
 xitatis, ſit unum convexum aequipollens  
 utriq̃, AHB. Et connexus punctis D, E.  
 cum C per rectas, ſecantes convexum den-  
 ſum in I, K, per dicta patet, quod haec non  
 ſint futura viſiva punctorum D, E, quippe  
 recta manent: cum leges opticae velint ut  
 CI in ſuperficie I deflectat ab ID, & acce-  
 dat ad eam, quae eſt ſuperficie perpendicularis  
 in I. puncto, quo pacto cadit intror-  
 ſum intra D verſus E: ſimiliter CK reſra-  
 ctione facta non cum KE continuabitur, ſed  
 cadet à KE introrſum verſus D. Atq̃ ſic  
 lineae CI, CK & angulus ICK, quo viſibile  
 DE potuiſſet videri citra lentem, jam interpoſita  
 lente non apprehendunt viſibile DE, ſed  
 aliquid minus, quod aeſtimabitur habere  
 magnitudinem ipſius DE totius.



Vt igitur totum DE apprehendatur; oportet venire ab oculo exte-  
 riores, quàm CI, CK, puta CA, CB. Haec igitur ſi juſto ſpacio diſtite-  
 rint, à CI, CK reſractione in A, B facta apprehendent D, E. ut ſint  
 viſiva CAD, CBE. Cum autem ACB angulus ſit major quàm ICK,  
 quo ſpectatur viſibile remotà lente: majus igitur putabitur viſibile  
 DE, quàm eſt per LXVIII. Nam XIX nescit oculus quid radijs CA,  
 CB accidat in tranſitu A, & B, putatq̃ illos continuari in rectum, ac  
 ſi eſſent CAF, CBG, ubi FG imaginata quantitas eſt major quàm DE.

### XXCI.

Oculus quo fuerit remotior à convexâ lente verſus pun-  
 ctum concurſus, hoc videt anguſtiorẽ hemiſphærij partem,  
 per lentem, eamq̃ partem hoc minorem aeſtimat.

Cum



Cum enim & lens & qua per eam utring, cernuntur; eodem angulo, & eo quidem minori cernantur, lente remotâ, quam propinquâ; sequitur ut pars visa lente remotâ minor putetur per LXVII. Sed & revera minor pars per eam cernitur remotiorem. Sit enim in priori schemate lens  $AB$ , remotior ab oculo  $C$ , quàm ab oculo  $O$ , & ductis ex  $O$  rectis in  $A, B$ . quoniam  $OA, OB$  interiores sunt quam  $CA, CB$ , refracti ipsorum, sectione facta in  $A$  &  $B$  erunt exteriores per XI. Sit ipsius  $O$  A refractus  $AM$  exterior, & ipsius  $O$  B sit refractus exterior  $BN$ . Patet igitur quod Refractis  $AM, BN$  venientibus à propinquo oculo  $O$  major hemisphærij portio abscindatur; refractis verò  $AD, BE$  venientibus à Coculo remotiori, abscindatur, portio hemisphærij minor. Id multò evidentius erit, si sic manentibus inclinationibus refractorum, oculi  $O$  C in unum coëant, & lens diversos acquirat situs.

## XXCII. PROPOSITIO.

Oculus visibilem rem longinquam conspicatus, propè lentem, ubi recesserit eminus, versus concursus punctum; eandem videbit majorem, quàm propè.

Videtur contraria priori, idèd ei apponitur declarationis causa. Attende enim, quod res omnes lente remotâ visa, minori angulo cernantur junctim per LXXXI. At res singula seorsim, qua videntur lente & propinquâ & remotâ, remotâ lente videntur majori angulo. Nam angulus quo lens spectatur tota, & angulus, quo per lentis particulam spectatur res aliqua, contraria patiuntur. Dum enim lens removetur, ille minuitur, hic augetur, & cum eo portio lentis, qua res illa spectatur, augetur; primum ut visibile idem apprehendat, deinde ut idem majus representet; adèd, ut oculo in ipsum punctum concursus incidente, unicum visibilis rei punctum tota lente cernatur: quod propè oculum cernebatur per lentis particulam aut minorem aut cerè non majorem, quàm est oculi pupilla.

Nunc ad demonstrationem. Sit ergo, ut supra per LXXIX potestas lentis utrimq; convexa collata in superficiem AB corporis densi porrecti usq; ad visibile. Sit ea superficies obversa oculo. Et collocetur oculus in F propinquo puncto, & in C. remotiori. Sint autem in superficie AB, puncta DE, ad qua ex F oculo propinquo ducantur lineae FD, FE, comprehendentes angulum DFE, quo angulo & quibus lineis comprehendatur visibile. Dico oculum C remotiorem, majori angulo indigere ad idem visibile, si fuerit longinquum, comprehendendum.

Educantur enim ex D, E, refracti usq; ad visibile DG, EH. Quod si ex C non majori angulo videbitur illud visibile longinquum, videatur igitur equali, & ipsis FD, FE ex C parallela in superficiem ducantur CA, CB ut ACB & DFE sint aequales. Cum igitur CA, CB magis inclinentur super superficiem AB, quam FD, FE; magis igitur refringentur CA, CB, quam FD, FE, per X. Quare refracti ipsorum CA, CB (& propter hoc & per XXXIV.) concurrent cum refractis ipsorum FD, FE, alternis: quia CA, FD paralleli, ut & CB, FE. Concurrent, & sint puncta concursuum G, H. Et ipsorum CA, CB refracti sint AG, BH. Cum igitur positum sit, visibile videri angulo ACB, videbitur & comprehendetur refractis AG, BH. Videtur verò, & comprehenditur etiam refractis DG, EH.

Ergo






Ergo visibilis termini necessariò erunt  $G. H.$  Et sic visibile non longinquum erit, sed propinquum; quod est contra assumpta. Non videbit igitur oculus in  $C$ , visibile hoc, radijs  $CA, CB$ , & angulo  $ACB$ , equali ipsi  $D FE$ , sed lineis exterioribus, puta  $CI, CK$ , & angulo  $ICK$ , majori quàm  $ACB$  vel  $D FE$ : ut ipsorum  $CI, CK$  refracti  $IL, KM$  propemodum paralleli ipsis  $D G, EH$  excurrere possint, ad comprehensionem punctorum extremorum visibilis longinqui.

### XXCIII. PROPOSITIO.

Oculus eandem rem visibilem longinquam conspicatus per duas lentes convexas, singulas seorsim: siquidem utriusq; distantia ab oculo fuerit in eadem proportione ad suæ convexitatis diametrum; res visibilis per utramq; lentem seorsim videbitur eadem magnitudine: sin variata erit proportio; majorem videbit rem per lentem illam, cuius distantia in proportione fuerit major.

Sit oculus  $O$ ,  $P Q$  lens magna, centro  $R$  descripta. Connectantur puncta  $P Q$  cù  $O$ , & in punctis harum linearum sit minor lens  $ST$ , quaeductis per  $S. T.$  puncta parallelis ipsis  $PR, QR$ , qua sint  $SV, TV$  ex puncto eorum concursus  $V$  describatur. Et restringatur  $OP, OQ$  in  $PVV, QX$ .

Cum igitur  $VS$  &  $RP$  sint parallela, sic &  $VT, RQ$ : incidentes in eas rectæ  $OS, OQ$  facient aequales angulos  $OPR$ , &  $OSV$ , sic  $OQR$  &  $OTV$ . Sed &  $VT S$  &  $RQP$  sunt aequales, quippe inter lentes, & earum semidiametros: quare &  $OTS$  &  $OQP$ , quippe ablati aequalibus, erunt aequales. Aequaliter igitur  $OT$  super  $TS$  &  $OQ$  super



super  $PQ$  lente inclinantur. Quare & refractiones utrimq; erunt aequales. Refracti igitur ex  $S, T$ . paralleli erunt ipsis  $PVV$ .  $QX$ . sint  $ST$ ,  $TZ$ . Et cum sint parallela, eandem igitur ad sensum comprehendent rem visibilem per  $XXIII$ . & sub eodem angulo  $POQ$  vel  $SOT$ : quare eadem magnitudine censebitur, per  $LXVI$ . Est autem etiam, ut  $VS$  semidiameter lentis  $ST$ , ad  $SO$  distantiam ejus ab oculo, sic  $PR$  semidiameter lentis  $PQ$  ad  $PO$  distantiam ejus ab oculo, & permutatim. Patet igitur prior pars propositionis. Iam de alterâ.

Dico jam si alia sit proportio distantiarum, alia semidiametrorum ut si à lente  $ST$ , distet oculus  $O$ , intervallo  $SO$ , à lente verò  $PQ$ , oculus  $V$  intervallo  $PV$ , tunc majora videri visibilia lente  $PQ$ , cujus ab oculo  $V$  distantia major est in proportionem  $PR$  semidiametri, quàm est lentis  $ST$  distantia  $SO$  ab oculo  $O$  in proportionem  $SV$  semidiametri: quippe cum  $OS$  ad  $SV$  sit ut  $OP$  ad  $PR$ ,  $OP$  verò sit brevior, quàm  $VP$ .

Nam  $XXCII$ . lente  $PQ$  posita, majora videntur visibilia oculo  $V$ , quàm oculo  $O$ . At per hæcenus demonstrata oculo  $O$  equalia videntur visibilia per  $ST$ , & per  $PQ$  lentes in hoc situ. Ergo majora videntur visibilia oculo  $V$  lente  $PQ$ , quàm oculo  $O$ , lente  $ST$ .

#### XXCIV. PROPOSITIO.

Oculus, quo longius extra punctum concursus abierit, hoc eversa videt minora.

Hujus Propositionis demonstratio declaratione potius comprehenditur, & comparatione precedentium.

Nam incipiamus à  $XXXVII$ . conversa, & sit pro puncto radiante oculus, perinde enim est per  $III$ . Oculus igitur, si sit tam propinquus lenti, tunc ejus radij per lentem transeuntes, divergunt, etiam refracti versus visibile, & sit quod demonstratum est prop.  $LXX$ . ut visibile appareat erectum. Oculus verò à lente recedente paulò longius, augentur visibilia per  $XXCII$ . quàmvis minuitur earum numerus per  $XXCI$ . Exinde oculo veniente propè punctum concursus, ejus radij lentem ingressi,



ingressi, fiunt paralleli per XXXV. conversam. Si latum unguem amplius removeris oculum à lente, omnes oculi radij per lentem refracti incipiunt concurrere, primum post visibile si continuarentur, inde in ipso unico rei visibilis longinqua puncto. Et tunc de illo visibili nihil nisi punctum unum cernitur, & id tam magnum, quanta lens apparet, & confusissimè. Si paulò amplius oculum à lente abstraxeris; concursus ille radiorum seu linearum ex oculo (refractorum in lente) jam deserit rem illam visibilem, & accedit versus lentem. Sed quia concurrentes radij se mutuo secant, & pergunt ultra concursum per XXI ideo & haec linea ex oculo per lentem ducta ultra hanc suam sectionem, inverso ordine in visibile incidunt per LXXVI. & primò minimam ejus particulam, punctoq; proximam apprehendunt; tunc igitur incipit fieri, quod est demonstratum Prop. LXXV, ut visibile appareat eversum aliquà sui particulâ.

Inde oculo magis ac magis elongato, illa sectio magis magisque versus lentem descendit per XLI. & angulus sectionis fit major, plura de visibilibus comprehendens, usq; dum oculus elongetur longissimo intervallo, tunc linea ex ejus centro veniunt ad lentem penè parallela, & fit, ut propos. XXXIV. ut coeant in certo & dimenso puncto trans lentem. Quantus igitur est in schemate prop. XXXIV. angulus BFD, tanta portio de hemisphario videtur situ everso. Nam BF, DF progressi ulterius se rursum secant, & sic incidunt in visibilia.

Semper autem excipiuntur ab hac inversione visibilia illa, quae sunt propiora, quàm ista sectio linearum ex centro oculi ultra lentem. Unde fieri potest, ut eodem anguli situ remota aliqua videantur inversa, alia propinqua erecta.

Hic sic constitutus, primò lens (per LXVII.) quo remotior ab oculo, hoc minori cernitur angulo, & cum ea totum etiam, quod per eam inverso situ videtur. Deinde cum digressionem lentis ab oculo plura etiam de Hemisphario visibili, in eam recipiuntur, ut jam est explicatum. Plura igitur videntur junctim minora, in remotiori situ oculi, quàm

F. paucio-

pauciora in situ propinquiori. Quare duobus nominibus etiam singula everforum sunt minora, si lens ab oculo remotior.

### XXCV. PROBLEMA.

Vnâ lente convexâ distincta præstare visibilia, sed everfa & minora.

*Oculus collocetur post punctum concursus pro modulo sue facultatis in certo aliquo puncto. Nam per LXXIIX. M<sup>o</sup> videbit distinctè: sed per LXXV. everfo situ, & per XXCIV. minora iusto: prout oculus remotum aliquod distinctionis punctum postulârit.*

Haûenus de unâ lente convexâ: iam de junctis convexis inter se.

### XXCVI. PROBLEMA.

Duobus convexis majora & distincta præstare visibilia, sed everfo situ.

*Duo convexa sint sic disposita ad oculum, ut remotius solitariè ad oculum mittat imaginem everfam, non tamen distinctam, sed ut oculus lenti sit propior eo puncto in quo distincta representantur, per LXXIIX. Ut si in schemate prop. LXXV. divergentia radiorum ab uno puncto D C, D P, ejusq. angulis O D P esset nimis magna pro oculo, oculusq. in O P esset extra D. F. puncta concursus. Interponatur deinde lens propinquior inter lentem illam priorem & oculum, hoc situ, ut oculus sit intra hujus punctum concursus, ut si in schemate Prop. LXX & LXXV oculus esset in I G. Quo pacto oculus per hanc lentem solitariam videbit erecta confusa iidem: sed ob causam contrariam, per Prop. LXXI. Ergò quia à remotiore lente, divergentia nimis est magna, hic jam à propiore convergentia contraria, illi nimia divergentia medebitur, ut ita corrigatur, & emendata accedat ad oculum ad distinctam visionem præstandam.*



Et quia imago rei visibilis est eversa per unam lentem: Lens verò propior non evertit denuò, quod accipit à Remotiori, sed sic ut accipit, ad oculum transmittit, ex supposito. Accipit autem respectu rei visibilis, imaginẽ eversam: Eversam igitur respectu rei visibilis ad oculum mittit.

Et quia imago ipsa eversa, prope punctum concursus, major apparet re ipsa, remotius equalis; & adhuc remotius, minor, per *XXCIV.* imago igitur hac sic eversa, ubi fuerit ampliata per lentem propiorem, duobus primis casibus major omninò evadet re ipsa, ultimo casu vel major vel equalis vel minor, prout fuerit lenti-um inter se proportio, quæ est in arbitrio artificis: certè tamen major, quàm quantam lens, oculo proxima, eam acceperat à lente remotiori, per *XXC.*


### XXCVII. PROBLEMA.

Duobus convexis distincta præstare visibilia & erecta, sed minora.

Hac duo convexa oportet in sufficienti discrimine esse convexitatum. Collocetur igitur oculus extra utriusq; puncta concursuum, alterius puncto distinctionis propior à reliqui puncto distinctionis remotior, ut ita neutro solitario eversa distinctè cernantur. Si enim fuerint lentes hoc situ cum oculo in eandem lineam compositæ, contraria vitia se mutuo tollent, & distinctio sequetur.

Vt autem & erecta sit imago, oportet eam bis everti. Et ut hoc fiat lentem propiorem oportet ipsam etiam esse remotam à remotiore ultra illius puncta concursus.

F 2 Sit




*Sit enim AB visibile, CD, EF lens ab oculo remotior. Sit K punctum concursus. Si ergo imago ipsius AB evertitur hac unâ lente: punctum ubi imago apparet eversa, erit ultra K remotius à lente per LXXV. Sit ille locus L. & quia species ipsius lentis EF, cumq; eâ imago eversa ipsius AB, debet everti denuò per aliam lentem, quæ sit GH, imago verò rei AB eversa, comprehenditur lineis ADFL, BCEL: necesse est igitur lentem GH, esse ultra L, per LXXVI. Fuit verò L à lente EF remota ultra K punctum concursus. Ergò GH lens secunda multò longius removebitur, ultra K ejus punctum concursus: ut FLG, ELH venientes ab extremitatibus rei, secundam refractionem in G, H. passi tandem iterum coeant, & cogantur ad oculum in I.*

*Deniq; hac imago minor est re visibili. Nam primum species ipsius EF (eorumq; quæ per eam videntur) eversa per lentem GH, & distincta apparens, erit minor in I, per XXCV. Sed per eandem, oculo in L constituto, ipsum etiam visibile AB per lentem CD eversum, minus occupare spacium videtur in lente, quàm pro suâ magnitudine. Quia L non potest esse proximum ipsi K puncto concursus, ne nimia sit confusio. L enim proximum esse debet puncto distinctionis, ut & I. Gemino igitur nomine visibile AB representatur parvum.*

### XXCIIIX. PROPOSITIO. PROBLEMA.

*Duobus convexis pingere visibilia super papyro situ erecto.*

*Problema diu quaesitum. Habcant igitur convexa ut prop. XXCVII. scilicet ut lens propior papyro sit ultra K*





tra *K* puncta concursus. Nam penicilli circa *K* desinentes in acumen ultra *K* dilatantur iterum, & divergant à se mutuo. Eos itaq; lens convexa altera excipiens, nova refractione facta & acuit iterum singulos, & convergere inter se facit universos ad novam sectionem, quâ superatâ jam divergunt, & sic in papyrum primitivo ordine acuminibus suis incidunt. Fit enim in schemate p. LXXXVI. non secus ac si jam visibile *CE*, esset in *DF* picturam translatus & *OP* sit jam non oculus sed secunda lens infra illud. Quod si lens *OP* sit proximè infra picturam *DF*, pictura *TV* postulat papyrum remotam, & sit magna.

### XXCIX. PROBLEMA.

Tribus convexis erecta & distincta & maiora præstare visibilia.

Duo convexa & oculus sic accommodentur, ut fiat quod dictum prop. XXCVII. de toto hoc unico, ut oculus sit propior puncto distinctionis, videatq; confusè. Nam tertium convexum sic applicatum, ut est factum p. XXCVI. cum secunda ibi lente, scilicet ut oculus sit propior lenti quàm punctum concursus, faciet ut species (quæ bis eversa fuit, & jam erecta est, eoque minor reddita) rursum augeatur: quod si iusta fuerit lentium proportio, augmentum superabit priorem diminutionem per duas solas factam, in XXCVII. Distinctio verò ex ijs causis sequetur, quæ sunt allegata p. XXCVI.

Haecenus de lentibus convexis: sequitur de Cavis.

### XC. PROPOSITIO.

Radij ab uno lucente puncto paralleli vel divergentes, si fuerint ingressi in cavam densioris superficiem (siquidem punctum lucens extra centrum superficiem fuerit) divergunt plus per corpus densi.

Ex *A* lucenti puncto descendant radij divergentes *AB, AC*, in *BC*


*F* 3 cavam

cavam densioris superficiem, cujus centrum sit D, intra complexum AB, AC. Dico AB, AC refractionem passos in BC, diversuros amplius infra BC. Ducantur enim ex D centro perpendiculares in superficiem DB, DC, & continuentur aliquousq; in E. F. continuentur & AB, AC in GH. Cum ergo AB inclinetur super densioris superficiem, refringetur in B, & refractus à BG declinabit, versus BE perpendicularem per II. Sit BL similiter & AC refringetur in C, & refractus à CH versus CF perpendicularem declinabit, ut sit CM. Sed DBF, DCF plus divergunt, quia à propiori puncto quàm AG, AH à remotiori per eadem BC puncta traducti. Et BL, CM ad eos plus divergentes accedunt, à BG, CH minus divergentibus recedunt, plus igitur divergunt, quàm AB, AC, idq; intra corpus densum.

### XCI. PROPOSITIO.

Si punctum lucens propius fuerit lenti centro cavitatis, divergentes, refractione facta, minus divergent intra corpus densum.

Sit enim jam A centrum circuli, D punctum radians. Erunt igitur ABG, ACH perpendiculares, & DB, DC radij, qui cum deberent pergere viam BE & CF, refringuntur in B, C. punctis, & accedunt





47

dunt ad perpendiculares  $BG, CH$ , fiuntq;  $BL, CM$ , qui minus divergunt, quàm  $BE, CF$ .

### XCII.


Divergentes intra corpus densius versus cavum eius terminum, eo transito divergunt amplius.

Divergant  $BL, CM$  versus cavum densi terminum  $L, M$ , cujus centrum  $P$ , ex quo perpendiculare in puncta  $L, M$ , veniant  $PL, PM$ . Et  $BL, CM$  producantur in  $Q, R$ , ultra incidentias  $L, M$ . Quia igitur radij  $BL$  &  $CM$  versantes intra densum, obliquè incident in superficiem  $LM$  varioris corporis  $P, P$ , seu, quod idem est, in terminum densi, in quo sunt; refringentur discedentes à perpendicularibus  $PL, PM$ , & refracti erunt, non  $L, MR$ , sed exteriores per  $II$ . Sint  $LN, MO$ . Et cum  $BL, CM, R$ , divergant:  $LN, MO$  divergent amplius.

### XCIII. PROPOSITIO.

Si radij per corpus densum inceserint paralleli, transito cavo ejus termino divergent.

Sint paralleli  $\beta\delta, \gamma\epsilon$ , eorum non plures uno possunt esse in  $\beta\gamma$  perpendiculares, reliqui obliquè illapsi refringentur à suis perpendicularibus per  $II$ . ergo divergent, ut prius, foras egressi  $\beta\zeta, \gamma\kappa$ , & sic per alterum earum  $\delta\epsilon$  egressi divergent in  $\delta\theta, \epsilon\chi$ .




### XCIV. PROPOSITIO.

Radij divergentes versus lentem, quocunq; ad lentem situ puncti radiantis, si lens vel utrimq; cava utcunq; vel alitris etia plana fuerit, transità lente semper divergunt amplius.

Nam si non hoc verū est, non verū erit de situ puncti radicalis intra centrum cavi, quia tunc per  $XC$  intra corpus minor est divergentia. Item non erit verum, si lens sit alitrobique plana. Et minime erit verum  
si con-

si concurrat conditio utrag. Atqui verum est, utrag. concurrente. Sit enim parallelipedum densum CB, ED, radij in eo contra se inclinati EC, DB, æqualibus angulis CED, BDE: ij refringentur in punctis C. E. B. D: refracti EG, CA per III, erunt paralleli, item & DF, BA, quia CB, ED paralleli. Aequalis igitur divergentia in AC, AB, illi in EG, DF. Excavetur jam CB, circulo CHB. Minuetur igitur inclinatio EC super cavam superficiem, quare minor etiam erit refractionis, superior itaq. refractus, puta CI & in altero BI. Minus igitur divergent jam IC, IB quam EB, DF. Et multò minus si etiam in ED excavetur, quia CE super novam superficiem magis inclinabitur. Et refracti magis divergent, quam nunc EG, DF, ut si sint EL, DO.



### XCV. PROPOSITIO.

Visibilia longinqua lente satis cavâ in uno puncto ab oculo τὰ μύων & collocata representantur distincta.

Nam longinqua puncta radiant parallelas per XXIII. Cum ergo μύωντες sint assuefacti ad propinqua; ad divergentes igitur assuefacti sunt per XXIV. eoque confuse vident remota. At cave lentes faciunt radios parallelas divergere per XC. Faciunt igitur ut eorum parallelorum radiorum puncta distinctè videantur. Non tamen in omni situ cave lentis. Nam punctum idem A per cavam lentem C E remotiorem ab oculo B D, radians in pupillam oculi B D, parvâ lentis portione C E utitur: quippe quod in ampliorem radiat, id nimia divergentiâ aberrat ab oculo. Contra idem A punctum, propinqua lentis O I, majore utitur portione O I, ad radios ab A, spargendos in totam pupillam B D. At parva portio C E propior est perpendiculari ex A in lentem, quàm ampla



ampla  $OI$ : minor igitur  $AC$ ,  $AE$  radiorum propiorum ad superficiem inclinatio, quàm radiorum  $AO$ ,  $AI$ , ideoq; & minor refractio  $ACB$ ,  $AED$  quam  $AOB$ ,  $AID$  per  $X$ . & propterea minor divergentia  $CB$ ,  $ED$ , quàm  $OB$ ,  $ID$ . Iam verò cuilibet oculo sua certa divergentia prodest: certius igitur cuiusq; lentis situs.

### XCVI. PROPOSITIO.


Visibilia per cavas lentes repræsentantur minora.

Sit enim in priori schemate jam  $BD$  visibile &  $A$  centrum oculi. Cum ergò radij ex  $A$  in lente  $CE$  refringantur extrorsum, per  $XCIV$ , patet connexis  $BA$ ,  $DA$ , majorem futurum angulum  $BAD$ , quo videtur visibile libero oculo, quam  $CAE$ , quo angulo videtur  $DB$  per lentem  $CE$ , per  $LXVI$ , igitur minor putabitur. Nescit enim oculus, quid radijs  $AC$ ,  $AE$  accadat in  $C$ ,  $E$ . punctis: eoq; putat, illos rectis continuari per  $XIX$ . quod si fieret, y certè non nisi partem de visibili  $AD$  interciperent. Capiunt autem totum visibile refracti. Ergo species totius, aequatur parti totius, eoq; minor est ipso toto.

### XCVII. PROPOSITIO.

Si longius cava lens recesserit ab oculo, pauciora visibilia per cavam ad oculum venient.

Sit oculus  $A$ , lens  $BC$  propior. Sit rursus oculus  $D$ , lens  $E$  Fremotior, & aqualis priori  $BC$ . Basis igitur  $EF$  aqualis est basi  $BC$ , latera verò  $DE$ ,  $DF$  longiora lateribus  $AB$ ,  $AC$ . Angulus igitur  $BAC$  major Angulo  $EDF$ . Refringantur jam radij & sint refracti  $BG$ ,




G

CH &amp;

CH & EI, FK per XCIV. semper igitur plus divergunt BG, CH quàm EI FK. Sit enim ELF triangulum applicabile ipsi BAC. Cum ergo à D & L descendant DE & LE in idem punctum E superficiei densioris, ij refractione factâ in E se mutuo secabunt, & LE inferior evadet in EM superiorem: sic LFin FN. per XI. Plus igitur EM, FN. divergunt, quàm EI, FK, plus igitur & de hemisphærio intercipiunt: quare & BG, CH plus intercipient, à lente propinqua, quàm EI FK à lente remotâ refracti.

#### XCIIX. PROPOSITIO.

Silongius cava lens recesserit ab oculo, minora repræsentantur visibilia, quantisper lens non propinquior fit rei visibili, quàm oculo.




Aequaliter enim ad sensum cum remotione lentis, decrescit ejus visibilis magnitudo per LXVII. At non equaliter pauciora recipit visibilia longius distantia. Etsi enim per XCVII. semper pauciora recipit, illa tamen diminutio exigua est pars universorum siquidem remota fuerint visibilia, propterea quod refractiones in majori remotione penè nihil mutantur cum & inclinationes (in priori schemate) radiorum LE, DE, &c. super lentem EF in majori remotione penè nihil mutantur. Plus igitur detrahatur de magnitudine aspectabili quàm de multitudine rerum per lentem visarum. Univerſa igitur minori angulo cernuntur: quare & singula.

*Aliter.*



*Aliter: Sit oculus A, radij rectilinei ABF, ACG, angulum FAG comprehendentes; ij secant lentem propinquam BC, & remotam FG. Refringuntur igitur extrorsum in BC punctis per XCIV. Sint refracti BE, CD. Cum autem in FG majorem lentis portionem intercipient AF & AG: Major etiam erit refractione in FG, quàm in BC, per XI. refracti igitur in FG exeuntes divergent amplius, quàm qui ex B. C. exeunt, concurrent igitur cum illis. Concurrent & sit concursus E. D. & refracti hi FE, G D. Cum igitur FE, G D post concursum & sectionem fiant exteriores quàm BE, CD, nullum igitur visibile (præterquam cujus termini sint in ipsis punctis concursus E. D.) tam ex propinquâ quàm ex remotâ lente simul eodem angulo BAC, vel FAG spectabitur. Nam visibilia remotiora, quàm ED, ut visibile HI. comprehensum refractis propinqua lentis BI, CH. non comprehendetur refractis FE, G D eodem Angulo FAC ad oculum venientibus, sed interioribus intra F. G. qui minori angulo ad A Oculum veniunt, minora igitur apparent per remotiorem GF, quàm per propinquiorem CB. per LXVI.*



## XCIX. PROPOSITIO.


Cavalens, si proximè oculum sit applicanda, aut omnibus hominibus in certo intervallo, ut cum perspicilla naso inequant, tum cuiq; sua propria est, ad distinctam visionem efficiendam.

*Nam per XCV. Cava lens qualibet habet certum intervallum pro facultate oculi ad distincta videnda. Erepta igitur electione intervalli, concedenda est oculo electio lentium, aut confusè videbit longinqua. Aut enim non satis cava erit lens. & sic non tollet confusionem ex parallelitate radiorum, aut nimium cava, & sic nimiam inducet convergentiam, & sic confusionem contrariam priori.*

## C. PROPOSITIO.

Lentes, quæ propter nimiam cavitatem proximè oculum reddunt confusa; ex aliquo intervallo reddunt distincta, & contra.

*Est veluti conversa Prop. XCV. Radiet enim A visibile punctum in lentem BC cavam: Igitur radiationes omnes facta refractione divergent à se invicem per XCI. & XCIV. propterea, remotiores à se mutuo, divergent magis. Sit radiationum AB, AC diverso BF, CG, eaq; nimia pro oculo. Contra sint radiationes AD, AE divergentes in DH, EI, appropriatae oculo. Sit autem pupilla amplitudo HI & situs ejus in HI, ubi divergentes suos complectitur: quæ si divergentes FG complecteretur vitiosam visionem & confusam ipsius AB puncti causaretur. Atqui HI amplitudo pu-*





*pilla applicata lenti in KL jam amplecti-  
tur & interceptis nimis divergentes FG;  
confuse igitur videbitur punctum A, in si-  
tu oculi KL, distinctè in situ oculi HI.*

Haftenus seorsim de convexis, seor-  
sim etiam de cavis: sequitur nunc  
de junctis cavis & convexis.

### CI. DEFINITIO.

Tubus usurpatur pro opaco cavo  
cylindro, cuius bina ostia clauduntur  
vitris perspicuis; scilicet pro oculari  
illo instrumento, quo res longinquas  
quasi cominus aspiciamus.

#### CII.


Ostiorum eius alterum cum suo  
vitro ad oculum pertinet in situ utili,  
alterum ad visibile.

### CIII. POSTVLATVM.

Vt in tubo linea per utriusq; vitri  
centra convexitatum & cavitatum  
transiens, sit una & eadem. Hoc est,  
ut parallela sint vitra, ijsq; tribus re-  
ctis angulis insistant,

#### CIV.

Si cava lens radiationes unius  
puncti quæ trajectâ lente convexâ re-  
fractionem passæ convergunt, inter-



G 3 cipiat

cipiat antequam illæ veniant ad punctum sui concursus: aut punctum concursus prorogabitur in longinquum, aut radiationes incedent porro parallelæ, aut denique rursus divergent.

*Nam convergant NL, OM. versus cavam LM ac si essent concursura in puncto λ'. Igitur refractione facta in LM, jam refracti LB, MC incedentes per corpus densum minus convergent versus BC cavam superficiem alteram, ac si essent concursura in puncto D, per XCII. conversam. Per eandem verò, LB, MC secundam refractionem passis in BC, refracti BA, CA minus adhuc convergunt & denique concurrunt in A. Et sic concursus A elongatur, debuit enim in λ' fieri.*

*Quod si sit paulò major refractione, tunc ultimi refracti BA, CA, excurrent in infinitum priusquam concurrant per XC conversam.*

*Denique si prima refractione tanta sit, ut  $\rho\delta$ ,  $\kappa\epsilon$  convergentes versus  $\delta\epsilon$  fiant intus paralleli  $\delta\beta$ ,  $\epsilon\gamma$ , tunc per XCIII. conversam rursus divergent in  $\beta\zeta$ ,  $\gamma\kappa$ .*

## CV. PROBLEMA.

Visibilia lente cava & convexa pingere super papyro majori quantitate, quàm per solam convexam, sed eversa.

*In schemate Prop. XLIV. sit lens convexa GH, puncta concursuum, seu apices penicillorum. F, B, D. interponatur lens cava LN paulò supra FBD. Tunc visibile CAE pingetur primò super lentem cavam propè DBF sed paulò confusus, quia lens cava intercipit apices penicillorum: & pingetur everso situ, quia sectio penicillorum jam est facta in GH & apices penicillorum jam penè à se mutuo exerti sunt, singuli intra se in angustum coacti. Transeuntes igitur cavam lentem penicilli singuli, per CIV, aut in acumen desinunt longinquius SPT, & tunc pictura super papyro ibi applicata sit distincta, aut paralleli incedunt unius penicilli radij, & tunc pictura manet in ea confusi-*

55  
*confusione parvulâ, quâ primitus in cavam lentem venit, aut deniq; divergunt & dilatantur penicilli, & tunc magis magisq; confunditur pictura cum discessu papyri à lente cavâ. Major autem redditur pictura SPT. quàm FBD per solam GH convexam, quia penicilli F, D. refracti in cavâ LN incurvantur extrorsum in S. T. per XC. exteriores semper plus, quàm interiores, per II.*

# CVI. NOTA.

Quod I. Baptista Porta profitetur radios solis primum colligere, post collectos in infinitum mittere, & sic comburere, etsi de speculis loquitur, videtur tamen de perspicillis intelligi debere, quia de industria occulta vit sententiam. Quod si de lentibus intelligi debet, non aliud erit artificium, quàm primùm lente convexa colligere multos radios, post sic collectas proximè punctum concursus excipere lente cavâ, quæ ex convergentibus parallelis faciat, ut dictum prop. CV. Itaque vide ea, quæ prop. LVI. sunt dicta contra. Quibus jam addo & hoc amplius, & si emendaveris in Portæ verbis illud de lineâ ustoriâ infinitâ, ut sit scil. idem quod conus ustorius, quantum velis protensus, ut ita adhuc per sectionem radiorum incen-





incensio quærat in fine coni; tamen nihil profici. Nam si sectio causatur incensionem, fortis sectio fortem præstabit incensionem, debilis debilem. At in longissimi coni vertice debilissima erit sectio.

### CVII. PROPOSITIO.

Cavâ lente proximè oculum positâ, quæ solitaria confusa præstaret visibilia; quæcunq; lens majori circulo convexa in unâ certâ remotione à cavâ distinguit visibilia & auget.

*Nam per C. cavae lentes de circulo nimis angusto, si proximè oculū applicentur, confusa reddunt, propter nimiam radiorum divergentiam. Sed per LXXI. radiationes unius puncti per convexam lentem solitariam oculo posito intra centrum concursus præstant confusam visionem propter convergentiam.*

*Et per CIV. illa nimietas divergentiæ, & hæc convergentia, lentibus in tubum compositis se mutuo tollunt. Sublata ergo convergentiâ & emendatâ nimia divergentiâ, sequitur distincta visio. Tollitur autem, quod nimium est, divergentiæ in unâ quâlibet lente cavâ proximè oculum, per certam convexa lentis remotionem ab oculo. Nam lente convexa prope oculum existente, remedium nimie hujus divergentiæ (convergentiæ) est in parvâ quantitate. Vt in schemate prop. LXX. lente cavâ in IG existente extremi radij AI, HG intercipientes portionem cavae lentis IG convergunt angulo parvo IFG. Rursum convexa discedente ab oculo remedium est in magna quantitate. Vt si lens cava cum oculo paulò supra F sit, extremi radij unius puncti C erunt AF, BF, angulo AFB majori eandem cavae lentis portionem intercipientes.*

*Majori autem circulo convexa lens requiritur, quia si circulus convexitatis circulo cavitatis esset æqualis, ut convexum illius in cavum hujus sedere & reliqua illius convexitas, quasi parallela esset reliqua*

qua hujus cavitati, tunc lentes immediatè junctæ sese mutuò ferè emendarent & altera alterius actionem aboleret, sic ut in alterius excessu nullam vel vilem medicinam repositam haberet oculus confusione laborans in remotis videndis. Divulsa verò hac continuâ lente, à cavâ, plus etiam convergerent radij in cavam incidentes, & sic à cavâ ne paralleli quidem amplius effici possent, nedum divergentes. Eadem multò magis in convexam minoris circuli competunt. Relinquitur igitur majoris circuli convexitas idonea.

Deniq; dico augeri speciem visibilibum, si circulus convexitatis major sit. Nam per *XXC.* convexa lens solitaria auget visibilia. Et si verò per *XCVI.* concava lens etiam solitaria minuit visibilia, verumq; est, & lentem convexam, & qua per eam videntur; majora esse, si solitaria sit convexa, quàm si interponatur concava: tamen per *XXCII.* & *XCIIIX.* hac augmentatio & hac diminutio major est in remotioribus. Cum ergò cava sit propè oculum, penè nulla erit ejus diminutio: & cum convexa longius ab oculo remota sit, major erit ejus augmentatio.


### CIIIX. PROPOSITIO.

Convexo posito in quacunq; distantia ab oculo, quodcunq; cavum, quod solitariè applicatum oculo, confusa præstet visibilia, quodque sit minori circulo cavum quàm quo utitur convexum, in certa distantia & situ inter oculum & convexum, distincta exhibet visibilia.

Est quasi conversa prioris sed liberior. Illic enim cava lentis situs erat datus proximè oculum, ideoq;

H nicus,

O P



unicus, eligi contra poterat situs convexa. Hic jam convexa lentis situs datur sed non unus, verum multiplex in quantitate & qualitate, & vicissim eligi potest situs cava lentis.

Detur primò hac qualitas situs convexi, ut sit oculus intra punctum concursus: tunc major est cognatio propositionis cum priori & propria speculationi tubi ocularis.

Tunc igitur in schem. proximo, ex prop. LXX. repetito, cava lentis & oculi situs erit inter lentem convexam AB & puncta concursus D. F. sit in IG. certus igitur erit modulus convergentia radiorum AI. HG angulo IFG: qua convergentia, ut ne impediatur distinctam visionem, tollenda est vel sola, pro oculo  $\pi\epsilon\sigma\sigma\epsilon\tau\alpha\upsilon$ , ut radij fiant paralleli, vel insuper etiam inducenda divergentia pro oculo  $\mu\upsilon\omega\pi\sigma$ . Atqui per CIV. utrumq. prestari potest per cavam lentem, positam in aliquo puncto ante concursus puncta. Illam verò oportere esse minori circulo cavam, quàm quo utitur convexa, demonstratur ut prop. CVII. Sed & cavam oculo solitariè, proximè applicatam oportet confusa prestare visibilia: Quia id quod medetur confusione per convexum, oportet etiam prestare confusionem ex causa contraria.

Esto secundò hac qualitas situs oculi ut collocetur extra puncta concursus, ut si in schem. proximo ex prop. LXX. & LXXV. repetito esset in OP, extra D. F. Tunc igitur cava lens applicata, intra punctum concursus D vel F. per CIV. prestare poterit, ut nullus fiat concursus, sed ut radij iterum divergant: & sic veniant ad oculum OP. Veruntamen in hoc casu multa requiruntur circumstantia. Primum enim lentem cavam esse oportet parvo circulo. Nam si magno cava esset, universi radij inter AD, BD parvam ejus portionem interciperent, proximam perpendiculari, ideòq. in refractione parvi effectus, & non tanti, quo tolli posset convergentia. Hoc est huic casui commune cum priori. Deinde si lens est parvo circulo cava, ut divergentiam inducere possit, tamen divergentes illos non mittit omnes ad oculum, longè



longè extra D. F. concursus puncta collocatum. Nam si radij divergunt, aberrant igitur circumcirca ab oculo eminus posito. Relinquuntur igitur paucissimi per ipsum convexa lentis umbilicum (aut aliud aliquod ejus punctum pro situ cava) angustissima portionis transmissi in ipsam fundum D cava lentis propè perpendicularem, qui penè nullam habent divergentiam, eoque pro parallelis haberi possunt. Quo nomine tantum totis negotiis serviunt. Tertiò tenuissimam visibilis particulam hic situs ad oculum transmittet, propter oculi, O Pelongationem & ab A B lente convexa (per dicta), & à cavâ supra D, vel Flocandâ per XCVII, & insuper id quicquid est minimo angulo per XCIIX.

### CIX. PROPOSITIO.

In Instrumentis, majora & distincta exhibentibus visibilia, nulla cava lens valde longè abest à punctis concursus, post lentem convexam existentibus.


Nam si quàm fieri potest maxima representent, cavam lentem oportet esse proximè oculum, per XCIIX. Convexam verò longè ab oculo, per XXCII. Quare & longè à lente cavâ; & tamen lentis cava locus per CIV, est inter convexam & ejus punctum concursus. Si ergo convexa est longè à cavâ remota, punctum concursus erit proximum cavæ lenti.

### CX. PROPOSITIO.

Proposita lente convexâ, cavarum lentium oculo proximè applicatarum, quæ minori circulo cava est, ea longius à convexo distat, & propius ad punctum concursus applicanda est.

Lentis convexa A B portio D E radios ab eodem puncto fluentes transmittat, & sit concursus C.

Cum igitur per unam lentem convexam *AB* (eiusve portionem *DE* unam & eandem) eadem sit convergentia radiorum *DC*, *EC*, unum & idem debet adhiberi remedium, divergentia scilicet per lentes cavas. At divergentiam causatur refractio, refractio verò ejusdem radij, ut *DC* non nisi in similibus inequalium lentium cavorum portionibus eadem esse potest. Sint ergò cavæ lentes *FG* & *HI*. Et quia similes sunt portiones *FG*, & *HI* qualibet de suæ lentis cavitare; abscindenda verò sunt à radijs ijsdem *DC* & *EC*. Erit igitur ut *FG* majoris cavitatis portio ad similem *HI* minoris cavitatis portionem, sic etiam *FC* distantia illius à concursu major ad *HC* minorem. Quod si *HI* minus à *C* distat quàm *FG*, plus à *DE* distabit eadem *HI*, quàm *FG* lens majore circulo cava.



### CXI. PROPOSITIO.

Cavum unum & idem oculo proximè applicatum, ut cum convexis diversis distincta exhibeat, ab omnium illorum concursibus æquali intervallo debet abesse.

Nam una lens cava unum tantum præstat remedium; unam ergo solum emendat radiorum convergentiam. At in eadem distantia lentis cavæ, à concursibus quarumcunque convexarum, est eadem convergentia radiorum qui quidem ab eadem cava lente excipiuntur. Nam si maximè latior sit lens altera ex convexis, & extremi ejus radij magis convergant: ij tamen aberrabunt à lente cava vel ab eâ portione lentis, cujus refracti in pupillam oculi venire possunt.

### CXII. PROPOSITIO.

Proposi-

Propositâ lente cavâ propè oculum lentes magno circulo convexa longam requirunt distantiam à cavâ & oculo, parvo brevem.

Nam per CIX oculus est prope punctum concursus, & per CXI. lens concava, speciei ubiq; ejusdem, abest eodem intervallo à concursibus omnium convexarum. At concursus à suis convexis absunt inaequaliter: Nam à lentibus magno circulo convexis absunt longè, à parvo minus per XXXIX. Cum autem aequalia ablata ab inaequalibus relinquant inaequalia, & intervallum, cavam inter & convexam, eâdem ubiq; distantia concursuum à cavâ, minus sit eo intervallo, quod est inter convexam & concursum: cava itaq; (cum oculo) longius ab erit à majoris circuli convexo, quàm à minoris.

### CXIII. PROPOSITIO.

Proposito convexo, cava minoris circuli repræsentât visibilia majora, majoris minora.


Nam per CX. Cava parvi circuli eam oculo cui proximè junguntur, recedunt longius à convexo ad distinctam visionem impetrandam. Sed per XXCII. quo longius recesserit oculus à convexo versus punctum concursus, hoc videt res majores. Ergo oculus cum cavâ lente minoris circuli res distinctè visas majores videt, quàm cum cavâ majoris circuli.

### CXIV. PROPOSITIO.

Lens cava brevissimo intervallo longius digressa à convexâ, multum auget visibilia.

Nam per CIX. In schemate sequenti GH, IK sunt punctis C, F. valdè propinquæ. Et verò tam brevi spaciolo IF trajecto & oculo IK in F collocato, quantitas unici puncti, à quo radij omnes in DE

H 3





influunt, excrescit in aliquam magnitudinem, æqualem quippe toti lenti  $DE$ , ut punctum videatur angulo  $DFE$ , quæ est multiplicatio infinita. Levi igitur momento magni quid præstatur.

### CXV. PROPOSITIO.

Propositâ lente cavâ proximè oculum, convexarum lentium, quæ minori circulo convexa est, minora repræsentat visibilia, quæ majori, majora.

Sit lens convexa  $AB$ , semidiametro majori  $AC$ , & lens  $DE$  semidiametro minori  $DF$ . Erunt igitur  $C, F$ , puncta concursus per XXXIX. Detur utrimq; una lens cava  $GH$  vel  $IK$ , quæ proximè oculum posita, certa sui portione certam parallelorum radiorum divergentiam causetur. Cavum igitur cum sit unum & idem propositum  $GH, IK$ , erit in eodem situ à  $C, F$ , punctis concursus per CXI. Oculus verò est proximè lentem utrimq; ex supposito. Aequalibus igitur acuminibus  $GC, IF$  ablatis ab inequalibus  $AC, DF$ , quæ supersunt  $AG, DI$  in majori erunt proportione. Plus igitur in suâ proportione removetur  $AB$  convexum à  $GH$  cavo & oculo, quàm  $DE$  convexum ab  $IK$  cavo & oculo in sua proportione. Et  $GH$  cum oculo, est propior ipsi  $C$  in proportione ipsius  $ABC$  quàm  $IK$  cum oculo, ipsi  $F$  in proportione  $DEF$ . Majora igitur visibilia repræsentantur per  $AB, GH$  quàm per  $DE, IK$  per XXCIII. Et quidem levissimâ alteratione proportionis, valde majora, per CXIV.

Hæc capitalis Propositio abstrusissima fuit, idq; idèò, quia, si quæ est proportio,  $AC$  ad  $CG$  eadem fuisset ipsius  $DF$  ad  $FI$ , tunc nihil fecisset  $AG$  longior, quàm  $DI$  ad augenda visibilia. Omnia enim fuissent utrimq; æqualia per LXXXIII.

### CXVI. PROBLEMA.

Visibilia pro lubitu magna repræsentare.

Nam

*Nam per CXIII. CXV. patet, auctâ proportione circulatorum cavitatis & convexitatis, augeri visibilia.*

### CXVII. PROBLEMA.

Inæquali lentium distantia, hoc est inæqualibus tubis repræsentare visibilia, æquali augmento magnitudinis.

*Fac per CXIII. CXV. ut sit eadem proportio & cavitatum inter se & convexitatum, & distantiarum inter lentes, convexis ipsis inter se dissimilibus.*

### CXIIIX. PROBLEMA.

Brevioribus tubis repræsentare majora.

*Si convexo minori existente, major erit proportio inter convexitatem & cavitatem quàm in instrumento longiori, majora breviori instrumento repræsentabuntur per CXIII. & CXV.*

### CXIX. PROPOSITIO.

Posito concavo, clarius seu fortius repræsentantur visibilia, majori seu latiori convexo, quàm minori.

*Plus enim lucis spargitur ab uno puncto (in proximo schemate) per amplitudinem AB majorem, quàm per DE minorem. Ea verò omnis cogitur in unum punctum C vel F. In C igitur fortior est pictura quàm in F. & oculus in GH stipatiores excipit radios quàm IK.*

*Magnitudinem autem convexi intellige hic ex XXX. de corpore lentis, non de figurâ.*

### CXX. PROPOSITIO.

Posito convexo, visibilia repræsentantur clarius seu fortius per cavum majoris circuli, quàm per minoris cavum.

*Parva.*

*Parva enim lens proximè oculum, parvâ sui parte justam causatur radorum divergentiam. Etsi igitur multi radij unius puncti in illam radiant & à magna portione convexa lentis radiant, plariq; tamen eorum nimia refractione quam latera seu limbus cava lentis causatur circumcirca aberrant ab oculo (ut in schemate prop. C. FG ab HI latitudine pupille): ingrediuntur verò oculum radiationes non nisi pauca & perpendiculari omninò proxima, & sic à parvâ portione convexa lentis allapsa: quare per CXIX. debilis est visio per lentem parvo cavitatis circulo. Idem fit si de cavitatè magni etiam circuli sit portio angusta & minor pupillâ.*

### CXXI. PROPOSITIO.

*Portionis de hemisphærio, per lentes visæ pars media & perpendiculari proxima clarius & fortius videtur, quàm limbus circumcirca.*

*Causa ad oculum patet in schemate prop. LXX. in quo sit latitudo pupille QG. Oculus enim in QG, seu nudus seu pratenta lente cava collocatus, puncti E medijs radiationes omnes inter EA Q, EBG intercipit, puncti verò C non omnes sed penicilli CAFBC partem saltem excipit, scilicet quod est inter CA, ICHG: quod verò jam est inter CHG, & CBF id aberrat à pupilla QG. Quare cum E videatur per AB, C verò per AH: per CXIX. fortius & clarius videbitur E, quàm C.*

### CXXII.

*Angustâ lentis convexæ portione, cæteris paribus, distinctiora repræsentantur visibilia, latâ confusiora.*

*Nam quæ per magnam portionem convexitatis in oculum radiant, illa per CXIX. fortius radiant, quâ fortitudine primum Iridis colores, inde nebula excitantur. Oculi enim cava & retiformis tunica est spiritu plena, & licet à puncto solum tangatur, tamen si id punctum ex concursu radorum multorum sit immoderatè lucidum, spiritus in aliquâ*



aliquâ latitudine retiformis circa hoc punctum imbuuntur contagione passionis penetrantis vide LXI. Itaq; pro commoditate oculi, instrumenti & lucis diurnæ vel nocturnæ ampliatur & retegitur convexa lens, aut angustatur & tegitur: seu immediate, seu loco intermedio inter lentes, adhibito diaphragmate pertuso, aut collo instrumenti introrsum flexo & angustato, aut productione tubi ultra lentem convexam, ut ejus cylindracei orificium remotius, per LXVII. minori angulo cernatur, valeatq; tantum quantum angustius aliquid. Natura prælufit ampliatione foraminis uveæ ad lucem nocturnam, contractione ad diurnam.


Habet diaphragma & hunc usum, ut intus obscuritatem faciat, quorsum & color niger intus obductus servit. & litui figura, progressu extrorsum flexa habens latera, in medio introrsum, ne radij propè convexam ingressi rursus prorsumq; revibrentur & claritatem faciant.

Eodem servit & productio tubi longè ultra lentem convexam, ne convexum irradietur à lateralibus hemispharj partibus.

### CXXIII. PROBLEMA.

Visibile in sublimi, in profundo, à dextra, vel sinistra, & ubi velis, videre,

Fit si cavæ lentis diameter sit latior pupilla oculi, & satis larga, ut oculus à centro ejus justo spacio ad latera possit exire.



I

Nam

Nam penicilli in lateribus cava refringuntur toti & obliquè: sinister in sinistris, dextrorsum in dextris. Sit enim in schemate prop. C.  $ABKF$  linea media unius penicilli veniens in centrum pupille, illa per  $BK$  puncta refringitur extrorsum ad sinistram, quia &  $BK$  est pars lentis sinistra. Oculo igitur à medio cavi translato ad latum sinistrum  $K$ : punctum  $A$  per rectam  $FKM$  visum, putabitur esse in  $M$  situ dexteriori, per XIX.

#### CXXIV. PROBLEMA.

Magnitudinem ampliatae speciei artificiosè æstimare.

Dirigatur sinister oculus in rem visibilem sine instrumento liber, dexter verò trans lentes eandem aspiciat. Cum igitur sinister sit in visibile directus, dexter autem sinistro sponte sua semper maneat parallelus, si tegatur ut jam instrumento legitur, quippe parallela oculorum directio est naturalis per LVII. Dexter igitur, quasi in visibile ipsum directus erit, siue ei species Instrumentaria humilior, siue altior videatur reipsa per oculum sinistrum visa. Nam per LXII. videbit quidem dexter oculus speciem ampliata rei illius, in quam rem ipse per associationem sinistri dirigitur, sed non ideò videbit illam eadem semper sui particulâ, quâ sui particula sinister eam videt.

Quando ergo situ discrepare videbuntur species, lente convexa instrumenti huc illuc motâ, interdum & concavâ paulò aliter oculo applicatâ, facile efficietur, ut species utraq, visibilis ejusdem, inter se situ congruant. Tunc igitur apparebit excessus alterius supra alteram, applicatis invicem speciebus.

Haëtenus de instrumento simplici: sequitur xxi<sup>us</sup>.

#### CXXV. PROPOSITIO.

Posito.


Posito cavo duo convexa similia, applicata invicem proximè, pro uno, ferè dimidiant longitudinem instrumenti, quod eorum convexorum unum solum habet; & simul quantitatem speciei minuunt.

Sint duo convexa  $AB$ , &  $CD$  similia & centrum circuli ipsius  $ARB$  sit  $H$ . Sitq; semidiameter  $HR$  bisecta in  $I$ . Posito igitur unico  $AB$  convexo, punctum concursus erit circa  $H$ , per XXXIX. Ac ideò lens cava non longè intra  $H$  ponenda erit per CIX.

Dico  $CD$  proximè ad  $AB$  applicatà, cavam lentem intra  $I$  applicandam. Id probo primum rudi Minerva.

Nam quia paralleli radij in  $AB$  refracti concurrunt ad  $H$  propter refractionem; intercepti igitur à  $CD$ , ideòq; refractionem in  $CD$  iterum passi, propius concurrent. In  $CD$  enim majorem patiuntur, quàm in  $AB$ , quia obliquius in illam incidunt, quippe in  $AB$  incidunt paralleli, in  $CD$  jam convergentes. Patet hinc concursum radiorum futurum propius multò ac proinde cavam lentem appropinquare debere ipsis convexis  $AB$  &  $CD$  per CIX. Referendam autem esse lentem cavam intra  $I$  punctum quod dimidiat semidiametrum  $HR$  ipsius convexitatis  $AB$ , patet inde. Sit enim ipsi  $HI$  dimidia equalis  $GL$ , & hac circuli semidiametro fiat lens  $EF$  convexitatibus  $ELF$ ,  $EMF$ , & ipsi  $LG$  sit equalis  $GK$ . Ergo per LXXIX. si esset unica superficies  $EMF$ , illa aequè valeret, duabus ipsis  $AB$ , faciens parallelos concurrere in  $K$ , quod aequè distat ab  $EF$  ac  $H$ . Atqui lens  $EF$  habet duas tales superficies. Et sicut superficie  $EMF$  complexa est convexitates ambas ipsius  $AB$ , sic superficie altera  $ELF$  complectitur convexitates ambas in  $CD$

I 2      quippe





quippe  $AB$  &  $CD$  sunt similes, sicut &  $ELF$ ,  $EMF$ . Sed  $EFL$  lens utrimq; convexa parallelas concurrere facit in  $G$ . Centro per XXXIX. Hoc est in distantia  $LG$ . quæ est ipsius semidiametri de  $AB$  dimidia. Ergo &  $AB$ ,  $CD$  lentes associatæ & contiguæ cogunt parallelas in distantia dimidia hujus semidiametri, hoc est, circa 1 punctum. Cava verò lens, per CXI. intra punctum concursus locanda est, ergo intra  $I$ . Dico etiam speciem fieri minorem per duas convexas invicem contiguas  $AB$ ,  $CD$ , quàm per unam  $AB$ .

Nam quia una cava lens est utrimq;, eandem igitur causabitur radiorum divergentiam. Eodem igitur intervallo aberit tam ab  $H$  concursu per unam  $AB$ , quàm ab  $I$ . concursu per utramq;  $AB$ ,  $CD$  causato: per CXI. sit hæc distantia  $HN$ ,  $IO$ ,  $GP$ . At portio eadem ad dimidium  $IR$  majorem habet proportionem quam ad duplum  $HR$ , Propterea igitur sunt  $AB$ ,  $CD$ . junctæ, ipsi  $O$  (vel  $E$  Fillis æquipollens ipsi  $P$  in sua semidiametri  $LG$  proportionem), quam sola  $AB$  ipsi  $N$  in sua  $RH$ . Minora igitur visibilia  $E$   $F$  representat per cavam  $P$  quàm  $AB$  sola per cavam  $N$  eandem per XXIII. minora igitur & duæ  $AB$ ,  $CD$  junctæ, quàm una sola  $AB$ .

### CXXVI. PROPOSITIO.

Unica superficies concava parvo circulo in dissipandis seu disgregandis radijs ferè æquipollet duabus superficiebus concavis ex circulo duplo majore desumptis.

Probatur ex LXXIX. & III.

### CXXVII. PROPOSITIO.

Duæ lentes concavæ invicem contiguæ paulò admodum à lente convexa longius distant, quàm earum unica: ut distinctam efficiant visionem, sed speciem visibilis multum ac ferè duplo augment.

Nam paralleli, quos lens convexa fecit convergere, sic convergendo  
inciden-


incidentes in cavam, eâ transitâ vitantes concursum rursus divergunt versus oculum per CVII. supponitur enim Instrumentum & in eo situs cavae lentis utilis. Iam vero alterâ cavâ inter oculum & priorem cavam interpositâ, quâ intercipiat divergentes, facit eos, ubi trajecterint, divergere amplius per XCIV. peccant igitur excessu divergentiâ, & confusa praestant per XCV & XCIX. Augeri igitur oportebit contrariam ex convexa convergentiam, ut vitia aequiponderent, seque invicem tollant, per CIV. Augetur verò convergentia & ex illa confusio, si longius discedat lens convexa ab oculo intra punctum concursus constituto per LXXI. Ergo duae lentes cavae cum oculo sibi proximè adhaerenti, longius abesse debent à convexâ, quam unica earum. Vel per CXXVI. binæ lentes cavae circulo majore aequivalent, unica circulo minori. At per CX. Cava parvo circulo longius à lente distat, quàm unica magno circulo cava. Ergo & binæ magno circulo cavae, plus distant quàm earum una sola.

Dico & majora representari visibilia per duas, quam per unam cavam proximè oculum. Demonstratur (ut priora) ex CXIII. & CXXVI.

Parvula verò auctio distantiae magnam facit accessionem ad magnitudinem speciei per CXIV.

### CXXIIX. PROPOSITIO.

In lente, quæ æqualibus circulis hinc convexa est, inde cava, omnes radij qui perpendiculari intra corpus paralleli incedunt, æqualibus angulis in utraq; superficie refringuntur & refracti retinent divergentiam aut parallelitatem eandem.



Sit lens circulo  $BC$ , cujus centrum  $A$ , convexa, circulo verò  $EF$ , cujus centrum  $D$ , concava. Incadat per centra recta  $DA$ , secans superficies perpendiculariter in  $F, C$ . Ducatur ei parallela quacungq, secans superficies perpendiculariter sitq,  $B, E$ . Demonstratur igitur Geometricè præsertim à Ptolomæo & Astronomis, sicut  $CF$  &  $BE$ , sic  $CB$ , &  $FE$  esse æquales. Proinde inclinatio  $BE$  ad utramq, superficiem est eadem, hoc est, ad Tangentis superficiem in  $BE$  punctis incidentia. Sunt enim hi Tangentis paralleli. Quare & refractio erit eadem, & refracti ex corpore denso in plagam utramq, erunt paralleli, ut  $BG$ ,  $EH$ . Eadem igitur divergentia aut convergentia  $EH$  exeuntium, quæ  $GB$  ingredientium: quantisper quidem  $BE, CF$  intra corpus paralleli fuerint.

### CXXIX. PROPOSITIO.

Radij unius puncti in lentem simul convexam & cavam eodem circulo incidentes, si punctum longinquum fuerit transiit lente convergunt, si propinquius diametro circuli; divergunt amplius quàm ab origine.

Puncti enim longinqui radij sunt paralleli per XXIII. Paralleli verò in convexum densius incidentes per XXXIV, convergunt intra corpus densum.

Esto ut  $G$  sit longinquum punctum, &  $GB, GC$  paralleli, &  $BE, CF$  convergant. Erit igitur  $EF$  brevior, quàm  $BC$ . Rectior igitur incidentia ipsius  $BE$  in  $EF$ , quàm in  $BC$ . Minor igitur refractio in  $E$ , quàm in  $B$ . Quare minor angulus  $GBE$ , quàm  $BEH$ . Non igitur  $GB$  &  $EH$  parallela. At  $GB, GC$  ponuntur parallela. Ergo  $EH, F A$  refracti convergunt, tandemq, concurrent.

Contra sit  $G$  punctum radians propinquius diametro circuli. Erunt igitur  $GB, GC$  radij divergentes. Sic autem ingressi convexum densius, minus quidem divergent, sed tamen divergent, per XXXVII.

Cum



*Cum igitur divergant BE, CF versus cavum corporis densi-  
 minum E. F. major erit EF, quàm BC. Obliquior igitur incidentia  
 BE in E, quàm in B, major igitur refractio illic quàm hic. Major  
 igitur angulus GBE, minor BEH, non igitur parallela GB, & EH,  
 sed quasi concurrentes inter se, si producerentur versus H. Plus igi-  
 tur divergunt à se mutuo refracti EH, FA quàm primitivi GB, GC.*

### CXXX. PROPOSITIO.

Si cavitas ex majori circulo fuerit, quàm con-  
 vexitas, radij puncti longinqui trajecta lente con-  
 vergunt: plus quidem (seu post brevius inter-  
 vallum, quàm si solum convexum esset) si cavi-  
 tatis circulus major fuerit triplo circuli convexi-  
 tatis; minus verò (& post majus intervallum) si  
 minor triplo fuerit,

Seu

Cavitas majoris circuli derogans convexitati  
 minoris, præstat effectum convexitatis circuli  
 valde magni. Dicatur Meniscus. Aequipollet sen-  
 ti purè convexæ.


*Sint CF, BE refracti intra corpus, allapsi à puncto  
 G longinquo. Convergent igitur versus EF per XXXIV.  
 minor igitur erit EF, quàm BC. At simul & circu-  
 lus ejus major. Igitur BE rectius in E incidet, quàm  
 in B. Minor itaq; refractio in E, quàm in B. Major igi-  
 tur angulus BEH quàm EBG. Non sunt igitur inter se  
 paralleli HE & BG, sed versus G producti concurrerent,  
 & sic EH, FH inter se convergent, versus H.*



Sit

Sit jam  $A$  centrum Circuli  $BC$  &  $CH$  tripla ad  $CA$ . Et sit infra  $H$  punctum  $R$ . Quod si  $BC$  sola fuerit, convergent  $BE$  &  $CF$  in  $H$  per XXXIV. Sit jam ipsius  $EF$  circuli centrum  $R$ . Et ducta  $ER$  perpendiculari,  $BE$  ab  $ER$  refringetur per  $II$ . & supra  $H$  cum  $CH$  concurret, sit in  $P$ . Ergo  $EP$  &  $FP$  magis convergunt, quàm  $BE$ ,  $CF$ : &  $CP$  distantia concursus  $P$ , minor est, quàm  $CH$ .

Rursum ipsius  $EF$  circuli centrum sit supra  $H$  puta in  $P$ , & ducta perpendiculari  $EP$ , radius  $BE$  refringetur in  $E$  à perpendiculari longius quàm  $EH$ , per  $II$  concurretq; refractus cum  $FH$  infra  $H$ , concurrat in  $R$ . Minor igitur erit divergentia ipsorum  $ER$ ,  $FR$ , quàm  $BE$ ,  $CF$ . Et intervallo majori  $CR$ , quàm est  $CH$ , elongabitur concursus  $R$ . Quod si centrum  $EF$  est in  $H$ , sesquidiametro infra  $C$ , tunc concursus etià sit in  $H$ , & sic  $EF$  nihil nec juvat, nec impedit ipsam  $BC$ .



### CXXXI PROPOSITIO. PROBL.

Punctum concursus pro Menisco invenire. Seu, quantum attenuatur lens, tantum elongari concursum.

Sit  $ABCD$  Meniscus,  $EF$  centra. Quod si  $ABC$  sola convexitas faceret refractionem, concursus esset post tres  $BE$  semidiametros per XXXIV. At sola facit si circulus cavitatis  $ADC$  sit triplus ad convexitatis circulum  $ABC$ , hoc est, si  $BF$  tripla fuerit ad  $BE$ . Quia enim concursus est post tres semidiametros  $BE$ : esset igitur concur-

sus in

sus in F centro AD Circuli: quàm radij per corpus ABC transeuntes omnes perpendiculares inciderent in ADC; non igitur refringerentur. Lentis igitur ABCD concursus est post tres semidiametros.

Rursum cum lens est utrimq; aequaliter convexa, ut ABC, AHC concursus unâ semidiametro BE à B abest, in E, per XXXIX.

Tertiò cum lens est AGCH, plana in AGC, paralleli in AGC nihil refracti, concurrunt post duos semidiametros per XXXV. ut in S.

Quartò per CXXV. si duæ lentes jungerentur, concursus dimidio ipsius E B abesset.

Ex his igitur vestigijs apparet, ferè qua proportionè lentis crassities BD minuitur, ea proportionè augeri distantiam puncti concursus à lentis. Nam cum crassities esset bis BH, distantia dimidium fuit de BE. Cum illa semel BH, hac semel BE, cum illa dimidia sc. GH, hac bis erat BE scilicet BS. Iam cum ipsi GH vel BG tertia paulò minus pars decederet, accessit duabus BE, ES semidiametris tertia SF.

Esse autem DG minus tertiâ parte de GB, vel GH, sic probatur.

Sit enim AB vel  $30^{\circ}$ . vel  $0^{\circ} 30'$ . Per VII. ex abundanti, erit

AG vel 5000000 vel 87265

Et GB vel 1339746 vel 381

Qualium BE 10000000: talium vero est ferè

DF ----- 30000000. Vt autem DF, ad BE scilicet ut 3 ad 1. Sic AG ad sinum arcus AD. Est ergò

Sinus vel 1666667 vel 29088.

quorum arcus vel  $9^{\circ} 36'$ . vel  $0^{\circ} 10'$ .

complementa vel 80.24. vel 89.50.

Sinus versi vel 140039 vel 41.

Vt autem Sinus totus ad hos versos, sic DF 30000000 ad DG.

Est ergò DG vel 420117 vel 123.

Fuit autem BG 1339746 vel 381.

Vides ergò DG esse minus tertiâ parte, de BG.

Quintò igitur consentaneum est, si jam quarta pars ipsius DB de-

K      dat,



dat, quartam BE accessuram; ut ita rursus  
BG amissa tertia paulò minus, & residui quar-  
ta, id est totius dimidia, acquirat ad inter-  
vallum concursus pro duabus BE semidiametre-  
tros quatuor, ut BT. Nam si abstuleris.

420117 vel 123.

ab 1339746 vel 381.

restat 919629 vel 258.

hujus quartâ 229907 vel 64.

ablatâ, rest. 689722. vel 192.

dimidium ferè ipsius BG.

Itaq; quantum attenuatur lens, tantum e-  
longatur concursus ferè.

### CXXXII. PROPOSITIO.

Si cavitas ex minori circulo fuerit  
quàm convexitas; radij unius puncti di-  
ametro post convexum collocati diver-  
gunt amplius transitâ lente. Seu Conve-  
xitas majoris circuli derogans cavitati  
minoris, præstat effectum cavitatis cir-  
culi valde magni.

Radij enim CE, DF intra corpus à pun-  
cto G venientes, si id diametro distat à con-  
vexo, paralleli sunt per XXXV. Quare secant  
EF concavam, obliquius quàm convexam  
CD. Cetera ut CXXXIX. sin G propius fuerit:  
CE & DF intra corpus divergent versus EF  
per XXXVII. magis autem EH, FB refracti in  
aëre per XCII.



Propo-

Si cavitas lentis unâ superficie convexæ, centrum suum habuerit interius centro convexi: radij puncti etiam longinqui per lentem efficiuntur divergentes. Illa æquipollet lenti purè cavæ circulo valde magno.

Nam sit  $G$  punctum longinquum, ergo ejus radij  $GC$ ,  $GD$  paralleli sunt per *XXIII*. Ergo  $CE$ ,  $DF$  intra corpus convergent per *XXXIV*. ac si concursura essent sesquidiametro convexitatis in  $HH$ . Quod si centro  $B$ , circulus minor, per  $E$  scriberetur, tum  $EB$ ,  $FB$  interciperent portionem ejus majorem, quàm est  $CD$  respectu sui circuli. Patet; cum enim  $CE$  tendat versus  $HH$ ; punctum  $E$  inferius est lineâ  $CB$ .  $CB$  verò (& non  $CH$ ) abscinderet demum portiones similes. Multò magis igitur tunc  $E. F.$  major erit circuli sui portio, cum ejus centrum est supra  $B$ , ut in  $A$ . Quia ergo major est portio  $EF$ , quàm  $CD$ , major est etiam inclinatio  $CE$  ad  $EF$ , quàm ad  $CD$ . Major igitur refractione in  $E$  extrorsum, per  $II$ , quàm in  $C$  introrsum versus  $BDG$ . Non sunt igitur parallela  $GC$ ,  $EH$ . Et cum  $GC$ ,  $GD$  ponantur parallela;  $DB$ ,  $EH$  earum refracta in  $E. F.$  cavo termino densi corporis divergent.

## CXXXIV.

Diversi generis lentes puræ, associatæ, invicemq; contiguous, æquipollent lenti mixti generis, & tandem lenti puræ.

Demonstratur ferè ut *CXXV*. Sit enim lens convexa  $OP$ , & cava  $QR$ , & redigatur ipsius  $OP$  utraq; convexa superficies in unam convexam  $ST$  per *LXXIX*.

Per *CXXVI*, verò etiam ipsius  $QR$  cavitates redigantur in unam  $VX$ . fiatq; mixti generis lens  $STXV$ , quod si præpollet cavitas  $VX$ , hoc est, si ejus circulus est minor lens mixta æquipollet purè cavæ per *CXXXIII*, Ac proinde  $OP. QR$  diversi generis junctæ æquipollent purè

cava circuli valdè magni. Sin autem propol-  
leret convexitas ST, propter minorem circu-  
lum, ut in schemate prop. CXXXI. in menisco,  
ABC convexitas major, ADC cavitas mi-  
nor, tunc lens mixta SX, ac proinde etiam dua  
in vicem sociata OP, QR juncta aequipollens  
purè convexa per CXXX.



### CXXXV. PROBLEMA.

Instrumentum parare magni circu-  
li convexo, quod brevius sit opinione  
illorum, qui communia fabricant.



Fit geminato convexo unico, altero intus latente, quod speculator  
ignoret, Per CXXXV.

### CXXXVI. PROBLEMA.

Instrumentum parare magni circuli cavo (& qui etiam  
superet circumulum convexi) quod visibilia repræsentet majora  
opinionem eorum, qui communia instrumenta fabricant.

Fit geminato cavo pro uno, quod speculator ignoret. Per CXXXVII.

### CXXXVII. PROBLEMA.

Convexo parvi circuli, & minoris etiam, quàm est circulus  
concavi apud oculum (quod absurdum videtur, per CVII.)  
longissimum efficere instrumentum, & ingentia præstare visi-  
bilia.

Velenim compone certa cum attemperatione convexum minoris  
circuli cum cavo majoris intus latente & inconspicuo, & sequetur effe-  
ctus per CXXXIV. Vel lente utere mixta, convexa foris minori circulo,  
concava intus majori, per CXXX. Et locum cavae lenti alteri, quæ ad oc-  
culum est applicanda, quare per CXXXI. Tenta etiã aliquid per CXXXIX.


Propo-



CXXXIIX. PROPOSITIO.

Manente eâdem distantia lentis ab oculo & lineâ ex oculo in lentis umbilicum per centra convexitatum vel cavitatum transeunte, refractiones contingunt proximè eâdem, utram velis dissimilium superficierum lentis, oculo obvertas.

*Videtur absurda & contra prop. xxxiv. & xxxv. Nam in schemate p. xxxiv. convexa superficies densi, BCD obversa parallelis cogit illos in F intervallo sesquidiametri. At in xxxv. superficies densa PQR aver- sa à parallelis cogit eos in S interval- lo diametri. Sed meminisse debes ibi sermonem esse de unica superficie, cum qualibet lens habeat necessario duas. Item per xxxiv. paralleli consideran- tur in aëre, prop. xxxv. consideran- tur intra corpus densum, itaq; compa- rari non possunt. Quòd si terminetur utraq; illarum lentium etiam altera superficie sic ut maneant F. S. puncta concursuum, apparebit diversitas. Cen- tro enim F, intervallo FB, scribatur pro altera superficie circuli portio B K D secans IAF in K, BCD in BD punctis; ut ita radij concurrentes in F sint omnes ipsi B K D perpendicula-*



res ac proinde nihil refringantur in  $BKD$ . In altero verò schemate p. XXXV. sit arcus  $PQR$  aequalis & similis arcui  $BCD$ , &  $Q$  punctum medium, terminiq;  $PR$  connectantur rectâ secante perpendiculararem  $OS$  in  $V$ , quæ significet alteram planam lentis superficiem, in quam omnes ipsi  $OP$  paralleli sint perpendiculares. Igitur in  $PVR$  nihil refringentur manebitq; concursus in  $S$ . Iam igitur patet, lentes, quarum altera sesquidiametro  $CF$ , altera diametro  $QS$  concurrere facit parallelos, esse diversa crassitiei, cum sint convexitate similes & aequales. Illa habet crassitiem minorem  $CK$ , hac majorem  $QV$ . Differentia utriusq; est sinus versus arcus  $BK$ . Quare nihil mirum, quod in illa intervallum concursus, habet tres semidiametros, in hac duas tantum, per CXXXI. Elucescet autem veritas propositionis etiam sic. Avertantur in schemate prop. XXXIV. Circuli  $BCD$ ,  $BKD$  à parallelis, manentibus punctis  $BD$ : Vt ita paralleli primum incidant in cavum densum  $BKD$ : ij divergent per corpus versus  $BCD$  convexum densi per  $XC$ : at si per corpus paralleli mansissent, ut in schem. prop. XXXV. concurrissent post convexum duabus semidiamentris per prop. XXXV. Sed quia divergunt versus  $BCD$  (ut si convergerent in altero schemate versus  $PQR$ .) aequum igitur est ut post  $S$ . concurrant longius per  $XI$ . scilicet in  $F$ . Idem etiam in schem. Prop. XXXV. facile est probare. Si enim  $PQR$  obvertantur parallelis ij intra corpus convergent, ac si vellent post tres semidiametros concurrere ut in  $BCD$  versus  $F$ . Convergerendo igitur igitur transcentes corpus, & incidentes in terminum ejus planum, ad eum inclinantur, quare jam in plano & refringuntur, qualibet à sui puncti perpendiculari. Cumq; respectu totius lentis abnuant & à se mutuo intra corpus, & à suis perpendicularibus, refracti igitur in aëre foris tantò magis inter se coeunt, fugientes à perpendicularibus suis singuli. Et sic non mirum quòd citius coeunt, quam

quàm post tres semidiametros, scilicet in S. Et hac demonstratio evincit in genere propositum. Interim parvula est diversitas, cujus causa non datur accurata demonstratio. Potest autem qui vult uti numeris ad explorandam insensibilitatem, uti supra p. XXXIV. & ipse feci.

### CXXXIX. PROBLEMA.

Vt vitrum utrumque sit cavum, & quod ad oculum, & quod ad visibile vergit, & tamen effectus sequatur.

*Aut pone foris versus visibile pro convexo solitario in conspectu cavum locum cui intus adhæreat oculiè-convexum tanto angustioris circuli, ut prop. CXXXVII. Aut ibi mixto utere, ut prop. CXXXVII, cujus cavum foras vertatur. Nam per CXXXIIX. perinde est, utcunq; vertas.*

### CXL.

Tubum præparare, cuius vitrum utrumque sit convexum, & quod ad oculum, & quod ad visibile vergit, ut nihilominus effectus sequatur.

*Apud oculum pro uno cavo compone convexum cum cavo minoris circuli, & fac convexum magni circuli foris apud oculum spectari, cavum intus latere per CXXXIV. Vel apud oculum utere mixto, cujus convexitas magno circulo foras promineat, cavitas parvo & tanto minori circulo intrò, per CXXXIII.*

Propo.



## CXLI. PROBLEMA.

Tubum præparare, cuius vitrum ad oculum sit convexum, ad visibilia cavum.

*Est compositio ex CXXXIX. & CXL. Quæ enim ibi fiebant seorsim, in altero vitro, hic fieri debent junctim in utroq.*

F I N I S.





*In Tabula anatomica 49, Cl: viri Falicis Plateri, quæ inserta est fol. 177 meorum ad Vitellionem Paralipomenon, seu Astronomia partis Optica, apparet numero X figura Tela aranea, in cuius medio suspenditur crystallinus humor, cujus genuina figura est numero XIII situs in oculo numero I, apud literam a: ubi radij tela araneæ representantur per K K. Fines vero radiorum, qui numero X ambiuntur circulo, cogitentur esse continuati cum tunica uvea intus. Itaq; numero VII. vides illam tunicam eversam & apud literas o. o. vestigia radiorum illorum à tunica uvea rescissorum. Ibidem litera n, est index pupillæ. Cum ergo & hæc tunica, & dicti radij tela aranea sint ex substantiâ eadem & continua invicem corpora, colore etiã eodem nigro: valde probabile est & naturam motus utriusq; eandem esse. Est autem naturalis conniventia partium circa n, aut contraria ampliatio. Quare & hoc naturale esse videtur, radios numero X, interdum in se recurrentes abbreviari, & sic circulum quo ambiuntur, ejusq; vestigia numero VII, apud o. o. coangustari simulq; crystallinum in o. o. à fundo p. elongari. E contrario exprorectio in longum radijs numero X, quod fit attenuatione singulorum, ampliatur circulus extrema illorum includens, & representans numero VII vestigia rescissorum radiorum supra o. o. Quæ ratione fit, ut ampliato circulo o. o. fundus p. propius attrahatur ad crystallinum in medio circuli o. o. suspensum.*

*Reliquarum partium oculi explicatio utilis propp. 60. 61. 62. 63. 64. petatur ex Platero & mea Ast: parte Optica.*



ERRATA IN DIOPTRICE, PROPTER  
difficultatem materiæ in absentia authoris com-  
missa: sic corrigantur.


Fol. 1. lin. 22. obtrussisse. F. 2. l. 9. absistit. Fol. 4. l. 16. allegamus. Fol. 5. l. 1. set eum Tell. F. 8. l. 21. ut dem. F. 11. l. 8. plura etiam ab. F. 15. l. 7. 8. certò. F. 16. l. 4. 28. circuli se mutuo tangant in recta linea. l. 11. non circularis sed oblonga & ovalis sit figura. l. 14. Hor ecco. Fol. 17. l. 4. corrigatur figura, ut prius. P. 19. l. 17. le lettere. F. 24. l. 22. accade. l. 30. e dico. F. 27. l. 15. scientifica. l. 22. Nationum. l. 25. cujusdam Simonis Marij Franci astronomi celebris. Leniora lector linguarum peritus facile emendabit.

Pag. 2. lin. 2. Extante in. lin. 10. inter M. B & . Pag. 3. lin. 13. conspicua. P. 4. l. 24. atura vertice, pot: l. 26. plana. P. 6. l. 22. angulo A D I. P. 8. l. 10. in G infra, put: P. 9. l. quæ vel. P. 13. l. 15. et si verum est. lin. 20. perpendiculariter. P. 14. in schemate B E F debent esse in una recta. P. 15. l. penult. Semidiametri majoris mensura in. P. 16. l. 12. propinquet. l. 14. concursus. P. 17. Nota quæ sequuntur post XLV. pertinent ad demonstrationem ipsius XLIV. P. 19. l. 18. Sin altrobis, plana. P. 20. l. 2. retraxeris lumen à. P. 22. in schemate linea punctata ex angulis R A O & Q G O exeat. l. 18. Si B C D in C rursum. P. 24. l. 23. nervum opticum retiformem est. P. 30. in schemate protrahatur G I in A D, & in sectione scribatur litera Q. P. 32. in schemate B O & K P concurrant in F. P. 34. l. 5. pupilla. l. 16. lucentis. P. 35. l. 20. 21. dele voces, ab uno visibilis puncti concursus radiorum. P. 36. in schemate C A F, & C B G debent esse in una recta, & A M, B N debent extrorsum esse flexæ. l. 5. connexis. l. 24. quam est; per LXVIII. Nam per XIX. P. 40. l. 15. Nam per XXII. P. 42. l. 19. puncto D O, D P, ejusq. angulus. P. 46. l. 11. II, sit B L. Simil. l. 13. sed DBE, P. 47. l. 7. perpendiculares. l. 10. rarioris. l. 26. puncti radi-  
antis.

*antis. P. 49. in schemate pro C Q, scribe CE l. 19. BD int. P. 52. l.*  
*13 Divergen. P. 52. l. 22 usq. tubus. P. 56. l. ult. sederet G. P. 61. l.*  
*2. convexa. l. 16. circuli cum oculo. P. 64. l. 19. CAI, CHG. P. 66.*  
*l. 13. ento tegitur. P. 70. l. 7. 8. Tangentes. l. 24. Quare major. P. 71.*  
*l. 3. 4. Minor igitur angulus GBE. major BEH. l. 24. in B. Minor*  
*igi: l. 26. dele vocem, versus G. P. 73. l. 1. quia radij l. 11. 12. a lente.*  
*P. 79. l. 10. dele vocem locum.*











SPECIAL

88-B

7576

GETTY CENTER LIBRARY



